



6

8 d

4

B. 6

M




11

11

2



5-8 el.




BIBLIOTHECA NAZ.
ROMA
VITTORIO EMANUELE



Lud. Gmagna del.

16. Volturnus sculp.



Dom. Prof. Rom. S. I. Bibl. Cœ

MANUDUCTIO AD RHETORICEN

E' severiori



Veterum Oratorum disciplina,

ET PRÆSERTIM

*E' sacris utriusque linguæ Patribus, qui
mascula Eloquentia floruerunt,
breviter deprompta.*



AUTHORE

ANTONIO MARIA BONUCCI

Societatis JESU.



ROMÆ, Typis Bernabò. 1703.

SUPERIORUM PERMISSU.

THE UNIVERSITY OF CHICAGO

CHICAGO


INCLYTO VIRO
JOSEPHO DE S^A
ET MENDOÇA,

EQUITI ORDINIS CHRISTI,

Jureconsulto sapientissimo, ac in
supremo Brasiliæ Senatu
Patri Conscripto.

Felicitatem.



 RIT, arbitror,
*tuicumque in
promptu discer-
nere, quamobrē
Libellus iste, pondere non
mole aestimandus, Tibi con-
secratus emittatur in lucē.*

a 2

Pro.

Pronum, inquam, erit singulis, meus ni me decipiat animus, ubi mentis simul & oculorum aciem in ejus titulum perhumaniter intenderint, pronunciare, selectum Te fuisse jure, & quidem quàmoptimo, cujus nuncupata Nomini hac brevis ad Rhetoricen Manuductio typis publicis exponeretur. Pollicetur nimirum ipsa frons Operis, in Epitomen complecti illius amœnissimæ dogmata Facultatis, quæ maximam cum Jurisprudencia, quàm
ap-

apprimè consultus es, semper obtinuit, praesertim, quoad Judiciale genus, necessitudinem & affinitatem. Cui pluribus ergò numeris debebatur offerri tantula de humaniori Literatura lucubratio, quàm Tibi, qui per odoris Eloquentiae flosculis, à Te sub adolescentia vere cumulatissimè decerptis, severioris utriusque Legis peritiae lauros feliciter inseruisti: quique pari etiamnum colis propensione mansuetissima benè loquendi praecepta, ac Im-

peratorias Justinianæ Codicis Institutiones; nec minùs sapidè Fabii Quintiliani Declamationes, aut Annæi Seneca, me coram, sæpe repetis controversias; quàm Ulpiani vel Pauli nobilium Jurisprudendum scitissima responsa commemoras? Hinc tenuissimo huic Volumini nihil auspiciatius obtingere potuit; quàm illius Artis patrocinium deprecari ab eo, qui jamdudum ipsimet assequenda florentem exegit ætatem; quique nunc gaudebit to-

ga-

*gatus esse defensor, & tutor,
cujus quondam delectaba-
tur candidatus alumnus
& cliens ab omnibus consa-
lutari. Hujus pretereà Au-
thor Opellæ, etiam sexcen-
tis, iisque non levibus amo-
ris argumentis, & vinculis
benevolentiaè penitus obstri-
ctus, si Tibi suo non placet
nomine, quòd miles grega-
rius sit & pedestris, place-
bit sanè, quòd illius sub ve-
xillo Societatis, quamvis
immeritus, aspirante Nu-
mine, militet; cui non exi-
gua voluntatis, ac obser-*

vantia pignora , & dum
Pernambuci Generalis Au-
ditoris gereres impleresque
munus , & dum modò in
hoc Amplissimo totius Bra-
siliæ Senatu Causarum Ci-
viliū Judicem agis , pa-
lām exhibuisti. Geminas
mihi videor, easque prin-
cipes attulisse rationes , cur
hoc munusculum, stylo qui-
dem scribentis impolitum,
sed materiæ tractatione
præcipuum, tuorum meri-
torum granditati spontè
persolvendum censuerim.
Excipe illud, rogo, tan-
quam

*quam perennis justique Ob-
sequii vectigal , fortassis
aternum victurum , si quo
studio honestis artibus fa-
ves , & huic curam favo-
remque Tuum impenderis.
Vale .*

Humanitati Tuæ

Deditissimus

Antonius Maria Bonucci
Soc. Jesu .

a 5

RHE-

R HETORICÆ ARTIS

Studioſo Adoleſcenti.



A U C I S te ſiſto , ratio-
nem ſuſceptæ ſcriptionis
redditurus . Ne me im-
primis , tanquam ſuper-
vacaneum, crambem hîc , ut vul-
go fertur , recoxiſſe , aut actum
egiſſe putes, Humaniſſime Lector;
ſi poſt Cauſinum noſtrum, de Elo-
quentia cùm ſacra , tùm profana
non minùs ſapienter , quàm cor-
datiſſimè meritum , auſus tibi eſſe
videar , hanc qualemcumque
Opellam, de Rhetorices facultate
ſummatim inſcriptam , ſaſtidioſo
nimis hujus ſeculi genio palàm
proferre. Fateor equidem, Virum
tantum adeò accuratè , adeò in-
dustiè totius Oratoriæ Scientiæ
præ-

præceptiones non solum enucleasse, sed & apices ejus omnes attigisse, ut nullum posteris locum reliquerit, colligendi saltem, ut ajunt, pauculas spicas, post terga metentium deciduas. Verum si noveris, quid à me in hoc exiguo, nec obid poenitendo labore præstitum fuerit, si causam hujus concinnandæ elucubrationis parumper expenderis; nil usquam superflui reperies, nil hinc deprehendes, quod ad pleniorē, aut saltem planiorē ipsius prælaudati Causini intelligentiam, aut iter non aperiat, aut facili methodo tyrones quosque, per interrogandi, & reponendi modos, non manu-ducatur. In cunctis sanè Rhetorum indagandis evulgadisque legibus tam exquisitus is Author est, ut non secus ac Delphicam Cortinam, si quid Rhetoricæ cupidis

inciderit dubii , in omnibus fiden-
ter consulere possint , quæ illum
habere in numerato , variis expe-
rimentis omninò constat. Sed ipsâ
sui operis granditate , ipsâ rerum
mole , sermonisque splendore ple-
rosque juniores , & humaniori li-
teraturâ leviter tinctos , qui vèl à
primo limine Suaveloquentiam
salutant, aut obruit aut absterret ,
nisi altero monstrante viam , eo-
rumque vestigia fulciente in Ejus
eruditissimos Libros , velut in fa-
cratoria Suadæ adyta , paulatim
introducantur . Et id se muneris
obiturum pollicetur hic Libellus ,
cunctos Adolefcêntes , benè di-
cendi avidos , ad Rhetoricæ co-
gnitionis affecutionem alliciens .
Accedit , quòd non omnibûs ubi-
que , præsertim in Brasilia , ubi
hæc quondam scripsi, datur occa-
sio, aut tantum suppetit æris, quò
com-

commodè possint , idem sibi Cau-
fini Opus comparare . Hoc verò
breve volumen , cum paucis con-
stet foliis , parvo quoque vèl ipsis
tenuioribus constabit . Is igitur
Scopus hujus , per horas subcesi-
vas , perficiundi nobis in animo
fuit , ut videlicèt utrique huic in-
commodo , pro modulo nostro ,
occurreremus . Si quis verò me
impudentiæ insimulet , quòd præ-
sumam alios ad Rhetoricen manu-
ducere , ipse non semel ab illius
recto tramite aberrans ; non aliter
objectum diluam , quàm ingenuè
profitens , me hìc non meo instin-
ctu , sed Sapientum ductu juniores
voluisse manuducere . Et id in-
causa fuit , cur , ne latum quidem
unguem , à Veterum scitis , præ-
sertim ab ordine doctrinæ tam
eximii nuper laudati Rhetoris ab-
scesserim . Nam ex omnibus , quæ

rationi ac experientiæ magis videntur in re nostrâ consentanea, cum nihil omninò sit, quod melius extra limatissimum Causini iudicium valeat inveniri, gloriabor de errore, si quid, tanti licèt Doctoris fultus autoritate, adhuc errasse judicabor. Pleraque verò exempla, quibus illustravi, ac veluti digito ostendi sole clariora hujus amœnissimæ artis præcepta; inter legendum desumpsi, non è Causino, sed ab ipsis præcipuè Sanctorum utriusque linguæ Patrum luculentissimis monumentis. Ut scilicèt qui ad eloquendum è sacro suggestu accinguntur, per transfennam noverint, non minùs, imò multò magis eloquētes, utpote veri numinis scientiâ imbutos, in Christiana floruisse religione, quàm olim in Athenarum Exedris, aut Romanorum rostris

Ora-

Oratores. Illos verò tanquam benè , nervosèque dicendi peritos , ut adamussim referre desiderent , exemplo simul & incitamento sat ipsis nobisque sit Sanctissimus Ecclesiæ Catholicæ supremusque Hierarcha Clemens Undecimus ; cujus tantus emicat in omnibus , quas hætenùs habuit ad Christianam Panegyrim , Homiliis antiquioris Eloquentiæ fulgor & majestas , tantaque in servando decoro prudentia , ut primos illos sacratoris sapientiæ Magistros , facundum scilicèt Cyprianum , gravem Eucherium , popularem Chrysostomum , suadentem dictione Leonem , morumque instructorem Gregorium cominùs exprimere videatur. Si quid igitur emolumenti acceperis ex hoc meo palàm exhibito te juvandi desiderio , illud æqui bonique consulas,
Æter-

*Æternoque luminum Patri, à quo
omne datum optimum, donumque
omnium probè eruditarum lin-
guarum uberrimè descendit, gra-
tes mecum referto. Si quid verò
à me peccatum, libens condona;
& Vale.*

THYR.

THYRSUS GONZALEZ

Præpositus Generalis Societatis JESU.

Cum Librum, cui titulus: *Manuductio ad Rethoricen*, à P. Antonio Maria Bonucci Societatis nostræ Sacerdote, conscriptum, aliquot ejusdem Societatis Theologi recognoverint, & in lucem edi posse probaverint, facultatem facimus, ut typis mandetur, si iis, ad quos pertinet ita videbitur. Cujus rei gratia has literas manu nostra subscriptas, & sigillo munitas dedimus. Romæ 12. Augusti 1703.

Thyrus Gonzalez.

Imprimatur

Si videbitur Reverendissimo Patri
Sac. Palat. Apost. Magistro .

*D. de Zaulis Episc. Verulanus
Vicesgerens .*

Imprimatur

Fr. Paulinus Bernardinius Ordinis
Prædicatorum , Sacri Aposto-
lici Palatii Magister .

SYLLABUS SECTIONUM.

SECTIO I.

*Eloquentiæ definitio, finis, officium,
species, & dignitas.*

SECTIO II.

*Eloquentiæ varietas, ejusque opti-
mus character.*

SECTIO III.

*Eloquentia adjuvatur ingenio, do-
ctrinâ, & imitatione.*

SECTIO IV.

*Ad Inventionem spectantia, ejus-
que loca.*

SECTIO V.

*Amplificationis definitio, ejus Vir-
tutes, & Vitia.*

SE-

SECTIO VI.

De Dispositione , & partibus Orationis .

SECTIO VII.

Elocutionis Definitio , ejusque species .

SECTIO VIII.

De affectibus , eorumque numero , & instrumentis .

IN.

I N D E X

A U T H O R U M,

Qui hanc Manuductionem illustrant.

- Sr Ambrosius Ep. Med.
Aphthonius Sophista.
Apollonius Tyanæus.
Aristoteles Stagyrta.
S. Augustinus Ep. Hippon.
S. Avitus Ep. Viennen.
Aurelius Cassiodorus Monachus
D. Ben.
- S. Basilius Imp.
S. Basilius Seleus.
S. Bernardus Ab. Claræv.
- C.V. Catullus.
M.T. Cicero.
Codinus Curopal.
Cornelius Tacitus.
S. Cyprianus Ep. & M.
- Demosthenes, juxta Ulpiani Com-
ment.
Dionysius Halicarnass.
S. Dio.

S. Dionysius Areopag.

S. Epictetus Stoicus.
Eucherius Ep. Lugdunen.

S. Fabius Quintilianus.
Fulgentius Ep. Ruspen.

S. Gregorius Magnus.
S. Gregorius Nazianzenus
Guerricus Ab. Igniacensis.

S. Hieronymus Stridon.
Homerus, juxta interpret. And.
Divi.
Horatius Flaccus.

S. Ildephonfus Ep. Toletan.
Joannes Cassianus.

S. Joannes Chrysostomus.

Lactantius Firmanus.
T. Livius Patavin.

Ludovicus Granat. Ord. D. Dom.

A. A. Macrobius in Saturnalib.

Manlius Torquatus Severinus Boe-
tius.

S. M. V. Martialis.
Maximus Ep. Taurin.

Oppia-

Oppianus Poeta Græcus.
Origenes Adamantius.
Oforius Ep. Silvensis.

- L. Pacatus Drepanus !
S. Paulinus Ep. Nolan.
Petrus Blesensis.
S. Petrus Chrysologus Ep. Raven.
Philo Hebræus.
Plinius in Paneg.
Plutarchus Chaeroneus.


Raymundus Jordanus, vulgò Idio-
ta.

Salvianus Presbyter Massilien.
L.A. Seneca Cordub.
Simonetta Ord. D. Bened.
Suetonius Tranquillus.
Symmachus.

Q.S.F. Tertullianus.
S. Thomas Aquinas Doct. Angelic.

Vegetius de re militari.
Virgilius Maro.
Ulpianus Jureconsultus.

S. Zeno Ep. & M. Veronen.





MANUDUCTIO

AD RHETORICEN.

SECTIO I.



*Eloquentiæ definitio, finis
officium, species,
& dignitas.*



QUID est Eloquen-
tia;
Est appositè & ef-
ficaciter loquens
sapientia, vel [ad unamquam-
que rem competens, & deco-
ra locutio.] Hinc à primo
veluti vestibulo liquet, quan-
tum illi decipiantur, qui elo-
quentiam putant esse tumul-
tuariam Verborum idem
A signi-

*Cassiod.
in Psal.
cap. 15.
Præsa-
tionis.*

significantium congeriem ,
affectatum dicendi leporem ,
& fucatam venustatem ;
cū nihil tamen veræ Elo-
quentiæ magis contrarium
sit . Eloquentia enim non est
illa inanis & prope puerilis
verborum volubilitas , quæ
sæpè popularium auribus ja-
ctabunda se venditat , sed , ut
diximus , disertè & copiosè
loquens sapientia , quæ in
prudentum animos cum sua-
vitate illabitur . Tolle enim
sapientiam , Eloquentiæ se-
quetur interitus . Quò verò
quis prudentiùs & gravius
loquutus fuerit , eò præcla-
rius Eloquentiæ specimen ,
modò sermo simul purus ac-
cesserit , cuique præbere vi-
debitur .

Quisnam Eloquentiæ finis ?

Persuadere dictione .

Quod hujus facultatis offi-
cium ?

Di-

Dicere appositè ad persuasionem. Inter officium, autem & finem hoc interest, quod in officio quid fieri; in fine quid officio conveniat, consideratur: Ut me, dici officium dicinaus esse curare, ad sanandum appositè; finem, sanare curatione.

Quotuplex est Eloquentia?

Triplex: Divina, heroica, & humana.

Quæ est Eloquentia Divina.

Quæ Dei solius est incitata spiritu; quæ una vèl infantissimos quosque facit flexanimes & magniloquos Oratores. Hac claruit Moyſes, Elias, & Paulus, cujus hodie faustissima inter Ecclesiæ Fastos recurrit miræ Conversionis memoria. Audi Cassiodorum. [Eloquentia

*Praefation. in
Psal. c.
15.*

4 *Manuductio*

divina humanis non est formata sermonibus ; neque confusis incerta fertur ambagibus : ut aut rebus præteritis oblivione discedat , aut præsentium confusione turbetur , aut futurorum dubiis casibus eludatur : sed cordi , non corporalibus auribus loquens , magnâ veritate , magnâ præscientiæ firmitate cuncta dijudicans , authoris sui veritate consistit :] Et paulò post ; [hæc , inquit , casta , fixa , verax , & æterna prædicatio , nimis purissimo nitet eloquio ; cujus utilitas lucet , magnificentia Virtutis apparet , operatio salutis arridet .]

Quænam Heroica ?

Quæ non solum humanis adjuta præsidiis , sed meliori Cæli ubere irrigatur .
Hac effloruit Basilius ; Gre-
go-

gorius Nazianzenus, Joannes Chrysoſtomus, Cyprianus, Leo Magnus &c.

Quæ Humana?

Quæ non eſt puerilis, ſed virilis, plena virium, & venuſtatis: qualis fuit Demothe- nis, & Ciceronis. Puerilis enim plena eſt vani- tatis, & futilium deliramen- torum.

Quæ dignitas Eloquentiæ?

Ea eſt, ut lumen cæli, & ex æternæ lucis fonte deli- batus radius credatur.

Quæ dulcedo?

Ea eſt, ut bellè cadant in ipſam verba Salomonis:

Prov. 16.

24.

Favus mellis compoſita verba, dulcedo animæ, & ſanitas offium.

Et meritò quidem; nam ſicut favus ſtillat mellis ſuavita- tem, ſic Orator ſermonis fa- cundiã? Unde de Neſtore ait Homerus[cujus ab ore melle

Homer.

dulcior fluebat oratio . I Se-
cundò, mel est opus & nectar
apum , quæ prudentiæ sunt
symbolum: simili modo, dul-
cedo eloquii manat à mente
prudente; Unde in ore San-
cti Ambrosii adhuc pueri lu-
sit examen apum, portendens
ejus sermonis prudentem,
suavitatem . Idem accidit
D. Isidoro Episcopo Hispa-
lensi , D. Dominico Ordinis
Prædicatorum Conditori ,
ac ex Gentilibus Platoni &
Pindaro. Tertiò Apes legunt
mel ex floribus , & herbis
odoratis: sic sapientes legunt
mel sermonis ex areolis San-
ctarum Scripturarum , &
Veterum Patrum vario sen-
tentiarum colore picturatis .
Quartò , Oratoris tria sunt
munera , docere , delectare
movere (ad differentiam
Dialectici , cujus est tantum
do-

docere) quæ singula repræsentantur per mel ; mel enim reficit , dulcorat , & sanat ; refectio repræsentat doctrinam , dulcedo delectationem , salubritas motum & persuasionem . Hinc S. Augustinus scripsit : [dixit quidam Eloquentes , & verum dixit , ita dicere debere eloquentem , ut doceat , ut delectet , ut flectat : Docere necessitatis est , delectare suavitatis , flectere victoriæ .] Quintò , favi mellis mirâ arte , & concinnitate construuntur ab apibus , & cerâ incrustantur , ne diffuant , ut graphicè describit Plinius arcanorum naturæ subtilissimus indagator : sic vir sapiens magnâ prudentia , ordine , methodo , elegantia componit , & disponit sermones suos in iudicio , indeq ; eis tam efficax suavitas , &

*Aug. lib.
4. de doctrina
Christiana.*

*Plin.
l. II. c. 12*

*Psal. 111
5.*

Plin. l. 7.
6.30.

Esth. 14.
13.

tàm suavis efficacia ; quod demiratur Plinius in Platone, Ennio , Virgilio , Varrone , & Tullio . Hinc Esther orabat Deum in hæc verba : *Tribue sermonem compositum in ore meo , in conspectu leonis , & transfer cor illius in odium hostis nostri .* Nihil enim est , quod vèl barbarorum animos & sensus percellat , ac incredibili quadam suavitate respergat magis , magisque titillet , quàm benè composita sermocinatio .

Quæ Utilitas ?

Ea , quæ ex proximè dictis liquet . Præter quam , quod , duæ res ad civilem vitam valde necessariæ , Ars scilicèt militaris , & Doctrina , Eloquentiæ operâ non mediocriter indigent ; ut Tacito ; vel , ut alii tribuunt , Quintiliano placet .

Quæ

Quæ vis, & robur?

Illud profectò, quod, nuper agentes de ejus dulcedine, tetigimus. Est præterea adeò vehemens, ut (si Sapientiæ, vitæque integritati copuletur) omnium auditorum animos gratissimâ servitute sibi mancipet, aut in quoscumque velit affectus inducat. Ut autem Rhetor, præsertim sacer, magna in dicendo & in animis flectendis polleat virtute ac dexteritate, par erit, ut dotibus Christiano Oratore dignis se penitus instruere nitatur. Earum prima est puritas & rectitudo intentionis, quam Ecclesiastes in hujus muneris functione retinere debet: ut sui scilicet fuorumque commodorum ac honoris oblitus, in solam Domini sui gloriam, & animarum salu-

tem toto conatu intēdat oculos; illam solam intueatur, illam captet, illam cogitet, nec unquam ab illa ad se mentem convertat. Indignissimum enim est, cū de Summi Conditoris gloria, & sempiterna animarum sive vita, sive morte agitur, ut homo tantarum rerum momenta negligens, solam gloriolæ suæ rationem habeat, magisque hanc inanem rumusculi popularis auram periclitari (si minus auditoribus grata sit ejus oratio) quam Dei honorem, & animarum salutem persentiat. Secunda, Vitæ morumque probitas; nam, si ea Sacri Oratoris dignitas, & majestas est, ut ipsum Dei Unigenam, principem & authorem sanctè concionandi habeat, pro eoque legatione fungatur in terris; qualis ejus
in-

integritas & sanctimonia futura est, qui huic tanto muneri destinatur? Neque enim natura rerum patitur, ut in tantæ dignitatis splendore, vita sordeat; sed illud exigit, ut cum ministerii celsitudine, vitæ gestorumque innocentia decertet. Hinc Jeremias, ad improbos populi mores castigandos mittendus, in matris utero, prius Spiritus Sancti lumine, quam lucis hujus usurâ perfruitur. Isaias audientium scelera objurgaturus, Seraphini ad eum volantis ope, circa labia sacro purgatur igne. Apostoli quoque ut idonei Evangelicæ doctrinæ Satores efficerentur, divini Flaminis charismatibus die Pentecostes cumulatissimè delibuntur. Quid Paulum memorem, quem in tertium usque

Jerem.
1. 5.

Isa. 6. 6.

1. Cor.
12. 4.

cælum charitatis extulit ardor, ut inter Angelos disceret, quod inter homines doceret? Adeò itaque sint egregia Virtutum opera, quæ splendeant in Ecclesiaste, ut eum populi magis admirentur cùm viderint, quàm cùm audierint. Audiatur Lactantius Firmianus: [Qui dat, inquit, præcepta vivendi, debet amputare omnium excusationum vias, ut imponat hominibus parendi necessitatem; non vi aliqua, sed pudore. Quomodò verò amputari poterit excusatio, nisi ut qui docet, faciat quæ docet, & sit quasi prævius, & manum porrigat secuturo. Nam habere non possunt quæ doceas firmitatem, nisi ea prior feceris; quia natura hominum proclivis in vitia, videri vult non modò cum venia,

sed

*Lib. 4.
divin.
Inst.*

sed cū ratione peccare.]
Tertia, Sanctæ orationis studium; nam Patrum sententia est, Evangelicos Doctores in contemplatione haurire, quod postea in Christi gregem effundant; si namque voti compotes fieri velint, precibus magis, quàm verbis munus suum urgeant: sint prius Oratores, quàm Doctores; & ad Deum levent animam sitientem, ut eructent quod biberint; & ignē, quem conceperunt, in aliis accēdant. His demū animi dotibus abundanter sacri Oratores instructi, *mittent verbum suum, & liquefacient corda; flabit spiritus Domini per hæc organa, & fluent aquæ saluberrimi doloris & compunctionis.*

Quæ antiquitas Eloquētiæ?

Ea,

Ex S. August. l. 4. de doctr. Christi.

Ps. 147. 18.

Ea , ut cum ipsis oppidis , hominumque cætibus ortum habuerit . Sic Rhetorum nomen antiquissimum est , & longè ante Philosophorum appellationem ,
Homer. quippem Homerus ejus ipsius meminit , Iliadis primo : & Menelao argutam brevitatem , Nestori , ut suprà diximus , melleam suavitatem ,
Cicero . Ulyssi copiam nivibus hibernis simillimam tribuit . Cicero verò in Bruto , Eloquentiæ initium facit ab Athenarum adolescentia .

Quod discrimen inter Dialecticam , & Rhetoricam ?

Id videlicèt est , quòd
 [Dialectica ad differendas res acutior ; Rhetorica ad illa , quæ nititur , docenda facundior : illa ad scholas nonnunquam venit ; ista jugiter procedit in forum : illa requirit
 rarif.

ariffimos studiosos; hæc frequentes populos.] Ita Aurelius Cassiodorus.

*De Dialectica
cap:3.*

Quot dicti sunt Rhetores penes antiquos?

Tot equidem, ut penè sint innumeri. Potissimum, quoquo modo disertis. Item, qui Reipub. gubernacula, tanquam Consiliarii, moderabantur. Tertiò, umbratilis eloquentiæ Doctores ac Sophistæ. Quartò, omnes Causidici, uti D. Lucas (Act. 24.) Tertullum, qui adversus D. Paulum coram Præfide Felice causam egit, hoc nomine *Rhetoris* appellat. Quintò, sacrarum Literarum Interpretes; ut Codinus refert.

Act. 24.

Codin.

Quo in honore est habitus Rhetor?

Maximo quidem; adeò ut sicut Imperatori laurea debetur, ita & Rhetori palma

Martial.

mæ sint consecratæ; quarum
 meminit Martialis lib. 7. epi-
 gram. 28. ad Fuscum. De-
 stinatæ insuper sunt Oratori
 Sphinges, uti Hortensio à Ver-
 re Sphinx data fuit, tanquam
 interioris sapientiæ Symbo-
 lum. Tertiò, attributæ etiam
 Oratoribus sirenes; quod ea,
 quæ in Isocratis tumulo col-
 locata est, satis indicat; idque
 ob melleam orationis dulce-
 dinem. Quartò, honor sta-
 tuarum penè vulgaris apud
 ipsos Oratores fuit: siquidem
 uni Demetrio Phalereo tre-
 centas & sexaginta statuas
 Athenis erectas legimus.
 Quintò, legationes, ut Cy-
 neæ, Demosthenis auditori,
 apud Populum Romanum,
 Anaximeni apud Alexandrū.
 Sextò, Magistratus, & Præ-
 fecturæ persæpe Rhetoribus
 sunt demandatæ: Ausonius
 de

de Rhetore factus est Consul à Gratiano, haud immemore Præceptoris Discipulo. Septimò, Urbes & Provinciæ, uti Constans Imp. Proæresio donavit. Octavò, ipsi Rhetores ad consensum Imperatorii vehiculi sunt admissi : Uti Trajanus in suum aureum currum Dionem admisisse perhibetur .

Demosthenes ne ab Aristotele præcepta eloquentiæ didicit ?

Nequaquam, ut disertè confutat Dionysius Halicarnassæus. Siquidem, antequam Aristoteles Libros Rhetoricos elucubraret, jam Demosthenes Rempub. capeffere, & conciones habere coeperat.

Quodnam est optimum Eloquentiæ genus ?

Id quod M. Tullius affectus est . Vir, de quo dubi-

bites, an ipse totus ex eloquentia, an ex ipso tota Eloquentia sit confecta. Grandis est, temperatus, laxus, acutus, pressus, effluens, volubilis, lentus, velox, remissus, suavis, acer, insignis, florens, pictus. Unus omnia diffusa per cæteros Oratores ornamenta complexus est. Dicam excelsius: Proteus Ægyptius est, miraculum Homericum; tantæ sunt ejus, diversæque, & semper aptissimæ formæ. Ejus item laudes angusto simul & angusto complexus compendio est C. Valerius Catullus, canens illi hoc elogium:

*Catul.
carm. i.*

Disertissime Romuli nepotum,

Quot sunt, quotque fuere,
Marce Tulli,

Quotquot post aliis erant
in annis.

Sed

Sed præ cunctis præconiis,
maneat hoc ratum & fixum,
ut quisquis M. Tullium Ci-
ceronem nominârit, laudâ-
rit satis.

SECTION II.

*Eloquentiæ varietas, ejusque
optimus character.*

QUORUM sunt styli vitiosa
genera?

Secundùm Longinum,
tria; hoc est, frigidum, pue-
rile, insanum. Secundùm
Senecam, quinque; scilicet
inflatum, infractum, audax,
præruptum, allegoricum.
Secundùm recentiores, tre-
decim; videlicet, tumidum,
cacozelum, frigidum, pa-
renthyrsum, puerile, scho-
lasticum, poeticum allego-
ricum, miscellaneum, hu-
mi-

mile, siccum, lentum abruptum; quorum alia in excessu, alia etiam in defectu reperiuntur.

Quotuplex est inflatæ, seu tumidæ orationis genus?

Triplex: aliud enim, verbis intumescit; aliud sensibus; aliud sensibus simul & verbis.

Quod est vitium in Caco: zelo stylo?

Est prava affectatio orationis, ducta ex errore vitiosæ imitationis.

Quod vitium frigidi?

Quod styli corrumpit optimam temperiem, novis & peregrinis sensibus.

Quod est genus styli puerilis?

Quod refert sensus tenuiculos, cum aliqua illecebra vanissimæ iucunditatis.

Unde puerilis stylus originem trahit? Sæ.

Sæpè istarum nugarum,
vel in verbis, vel in sententiis
parens est amor, & vitiis ob-
essæ mentis hebetudo.

Quid est stylus parenthyr-
is?

Est oratio gradibus, &
intempestivis affectibus, & fi-
uris in re parva insaniens;
t. ex Longino licet colligere.

Unde hoc nomen emanat?

Ab origine Græca *παρθύριον*,
quasi ad thyrsum ac-
cedens. Norunt omnes thyrs-
um appellari hastulam fron-
ibus vestitam, quam bac-
chantes gestabant; & hoc per-
petuum Bacchi insigne.

Quis est stylus scholasticus?

Qui ad umbratilium
ræceptorum minutias puti-
usculè conformatur, cum
civilis deberet esse oratio.
Hoc stylo laborarunt Hocras-
es, & Julianus.

Quis



Quis est stylus poeticus?

Qui poeticis modis perperam in soluta oratione abutitur, vel verbis, vel numeris. Non soli quidem Poetæ numeris mulcent: habent & Oratores suos, sed longè à poeticis dissimiles.

Quod habent commune Oratores cum Poetis?

Judicium, electionemque verborum, & rerum.

Cur Poesis Oratori necessaria?

Quia ab ea & in rebus spiritus, & in verbis sublimitas, & in affectibus motus omnis, & in personis decor, & in dicendo tenor eloquentiæ petitur, nunc scilicet copiosus, in quo Cicero dominatur; nunc brevis, in quo Salustius regnat; nunc pinguis & floridus, in quo Plinius secundus, & nullo veterum
mi.

Minor Symmachus, teste
Macrobio, luxuriatur. Et si-
at Oratorum non unus, sed
multiplex dicendi tenor est;
hic fluit, & redundat;
contra, ille breviter & cir-
cumsisè loquitur; alius pin-
gi, luculentâ, & floridâ ora-
tione lascivit; sic & Poetarum
non simplex nec unus elocu-
tionis modus est. Quos qui-
bus omnes apud Unum Ma-
ninem, si seriò illum consu-
as, facillimè reperiēs. Vis
audire illum, tanta brevitate
sententem, ut arctari magis
contrahi brevitās ipsa non
possit?

*Saturn.
lib. 5. c. 1.*

Et campos, ubi Troja fuit.
ce paucissimis verbis ma-
nam civitatem hausit, &
corpsit, inquit Macrobius:
non reliquit ille nec ruinam.
Vis hoc ipsum copiosissi-
mè dicat?

*Macrobius.
loc. cit.*

24 *Manuductio*

Venit summa dies , & ineluctabile tempus
 Dardanidæ: fuimus Troes,
 fuit Ilium , & ingens
 Gloria Dardanidum . Ferus omnia Jupiter Argos
 Transtulit : incensa Danai
 dominantur in Urbe .
 O patria, ò Divum domus
 Ilium, & inclyta bello
 Mænia Dardanidum .
 Quis cladem illius noctis ,
 quis funera fando
 Explicet? Antiqua ruit multos
 dominata per annos.
 Quis fons, quis torrens, quod
 mare tot fluctibus , quot hic
 verbis inundavit? Cedò nunc,
 inquit prælaudatus Macro-
 bius, floridum illud genus
 orationis :
 Fortè sacer Cybele Chorea-
 reus, olimque Sacerdos
 Insignis , longè Phrygiis
 fulgebat in armis ;
 Spu-

Spu mantemq; agitabat e-
quū, quem pellis ahenis
In plumam squamis auro
conferta tegebat.

Ipse peregrina ferrugine
clarus, & ostro

Spicula torquebat Lycio
Cortinia cornu,

Pictus acu tunicas, & bar-
bara tegmina crurum.

hæc quidem inter se sepa-
ta sunt. Optas autē videre,

emadmodum hæc dicendi
nera Virgilius ipse permi-

at, & faciat unum quod-
m ex omni diversitate pul-

errimum temperamētum?
Sæpe etiam steriles incen-

dere profuit agros,
Atq; levem stipulam cre-

pitantibus urere flāmis.
Sive inde occultas vires, &

pabula terræ
Pinguia concipiunt, sive

illis omne per ignem?

B

Ex-

Excoquitur vitium, atque
exsudat inutilis humor:

Seu plures calor ille vias,
& cæca relaxat

Spiramenta, novas veniat
quà succus in herbas:

Seu durat magis, & venas
astringit hiantes,

Ne tenues pluviae, rapidive
potentia Solis

Acrior, aut Boreæ pene-
trabile frigus adurat.

Ecce dicendi genus, quod
vix alibi deprehendes, in quo
nec præceps brevitatis, nec in-
finita copia, nec jejuna sicci-
tas, nec lætitia pinguis. Ecce
Eloquentiam omni varietate
distinctam, quam imitère in
Poetis [quamque sanè mihi
videtur Virgilius, ut verbis
eiusdem Macrobiani utar, non
sine quodam præfagio, quo
se omnium profectibus præ-
parabat, de industria permis-
cuisse

*Macrob.
loc. cit.*

cuisse : idque non mortali sed
divino ingenio prævidisse ;
atque adeò non alium du-
cem secutus , quàm ipsam
rerum omnium matrem na-
turam , hanc pertexuit , velut
in musica , concordiam dis-
sonorum .] O magnam Vir-
gilii mentem ! En in quo
debent Oratores Poetas imi-
tari ; non autem in numeris
poeticis ; quibus vitiosè sca-
tent in soluta oratione Apol-
lonius , Ennodius , Sidonius ,
& alii aliòquin spectabiles
Rhetores .

Quinam est stylus allego-
ricus , & periphrasticus ?

Est qui importunè ap-
paret refertus allegoriis &
metaphoris . Pulchræ qui-
dem sunt metaphoræ ; sed &
pulchrorum modus est . Mel-
læ sunt ; & mellis suavitas
affert satietatem & nauseam .

Gemmeæ sunt; distinguant igitur opus non confundant.

Quis est stylus miscellaneus, & antiquarius?

Qui non uno dumtaxat errore contentus, omnes omnium sordes complexus est. Modò enim inflatur supra cothurnos etiam tragicos, modò infra soccum repit; modò dulcis videtur, & hilarius effluens, modò instar torrentis ad saxa violenter allisi strepere non desinit; hìc particulas versuum concisas videas, illic Græcanica creberrimè permixta; hìc effossa ex penitissimæ antiquitatis ruderibus vocabula, illic nova & recenter cusa, nonnulla etiam miro schemate interpolata. Aliàs gravitatis personam affectat, aliàs lascivit pueriliter, mox etiam succedunt frigora ac nives, & quicquid

quid in stylo prudentes verentur; ad summum fit.

Monstrum horrendum, informe, ingens, cui lumen ademptum.

Qui sæpius utuntur hoc stylo?

Critici plerumque, non qui sunt melioris notæ, sed leviores & audaciores, de quibus dubium est, tumore ne magis animi laborent, an orationis. Qui stylum antiquarium affectant, quia habet speciem aliquam eruditionis, dum diversa Authorum antiquorum fragmenta coagmentat; arripit etiam, obscurissima quæque adagia, & tenebricosas historias, & jactantiam eruditionis passim intrusæ prope puerilem.

Quomodo cavendum nobis erit ab hoc stylo?

Si ipsis studiorum cuna-

bulis unum Ciceronem, & paucos sanosque Historicos lectitemus; ne nimia doctrinae, quam avidius aliquando concupiscimus, ambitione, perpetuam styli jacturam faciamus.

Quis est stylus humilis & rudis?

Qui vel per sensuum exilitatem, vel per tenuium verborum abjectam compositionem descendit.

Quandonam sensus humiles fiunt?

Cum minutulas res putidiusculè discutiunt Oratores.

Quandonam verba tenuia componuntur?

Cum aut delectu carent, aut structurâ. Hoc stylo humili multa extant in sacris Literis, quas non gentium phaleris excoli voluit Deus,

ut

ut in nuda sermonis simplicitate præpotentis spiritûs clariora essent miracula. Hinc

D. Paulus dicebat: *Sermo meus*

1. Cor. 2.

& prædicatio mea, non in per-

4. & 5.

suasibilibus humanæ sapientiæ

verbis, sed in ostensione spiritus,

& virtutis: ut fides vestra non

sit in sapientia hominum, sed in

virtute Dei. Sic, dum simpli-

cibus Scripturarum Sancta-

rum verbis adhæremus, ostē-

ditur, vim quandam cœle-

stem, & gratiæ divinæ ener-

giam illis inesse; cui solū,

& non hominum sapientiæ,

tribuenda est nostra conver-

sio. Hanc simplicitatem con-

temnunt sæculi prudentes;

qui [superbè delirantes, &

carnales nimis,] ut loquitur

Lib. 3.

Augustinus, non intelligunt

Conf. c.

quæ Dei sunt. Hanc ipsemet

6.

Augustinus, dum adhuc su-

perbus esset, sprexit ut par-

Eod.lib.
c.5.

vam; sic enim de se fatetur :
[institui animum intendere
in Scripturas Sanctas, ut vi-
derem, quales essent. Et ecce,
video rem non compertam
superbis, neque nudatam
pueris, sed incessu humilem,
successu excelsam, & vela-
tam mysteriis; & non eram
ego talis, ut intrare in eam
possem, aut inclinare cervi-
cem ad ejus gressus. Non
enim, sicut modò loquor,
ita sensi, cum attendi ad illam
Scripturam, sed visa mihi est
indigna, quam Tullianæ di-
gnitati compararem. Tumor
enim meus refugiebat mo-
dum ejus; & acies mea non
penetrabat interiora ejus.
Verum tamen illa erat, quæ
cresceret cum parvulis. Sed
ego dedignabar esse parvu-
lus; & turgidus fastu, mihi
grandis videbar.] Sed audi
quid

quid de Scriptura sentiret , *Lib. 1. de Doctrin. Christ. cap. 42,*
jam humilis spiritu : [Quic-
quid homo extra Scripturam
didicerit , si noxium est , ibi
damnatur ; si utile , invenitur .
Et cùm ibi quisque invenerit
omnia , quæ alibi invenerit :
multò abundantius ibi inve-
niet ea , quæ nusquam omni-
nò alibi , sed in illa tantum-
modò Scripturarum mira-
bili altitudine , & mirabili
humilitate discuntur .]

Quid est stylus fluctuans
& dissolutus ?

Est id genus orationis ,
quod sine nervis & articulis
fluctuat huc & illuc , nec po-
test confirmare , nec viriliter
se se expedire . Hujusmodi ser-
mo nunquam potest tenere
attentum auditorem .

Quis est Stylus ficcus ?

Est qui omnibus appa-
ret spoliatus ornamentis .

B 5 Sunt

Sunt enim quidam, quos diceres sanctè jurasse, se ne metaphoram quidem ullam in scriptis usurpaturos. Qui quàm falsò ob siccitatem sese Atticos commendent, videat quilibet apud Ciceronem in Bruto.

Quid sentiendum de acuta styli brevitate, sententiisque abruptis & suspiciosis?

Repudiandus hic stylus prorsus non est; aliòquin malè de totius Eloquentiæ ratione sentiremus. Patronos enim habet non paucos, admiratores multos, quamplurimos amatores. Hoc tantum dico, hunc, quem omnes tam avidè concupiscunt, stylum, nec omnium ingeniorum, nec omnis argumenti, nec omnis etiam temporis proprium videri: atq; ipsum, dum affectatur morosius, mul-

multis iisque puerilibus ineptiis reddi obnoxium. Hoc styli genus Heroes illi, Seneca, Sallustius, Plinius, Tacitus non minus graviter, quam feliciter cōsectati sunt.

Quando nam vigere cæperunt acumina, & breves sententiæ?

Cæperunt efflorescere, non apud Romanos, sed apud Græcos; nec primis quidem temporibus, quibus candidiori & liberiori profluentis naturæ impetu ferri videbatur oratio; sed postquam magni nominis Sophistæ, Philosophiæ præceptis instituti, nec mediocribus Eloquentiæ adjumentis innixi dicta quædam aurea, ex Lycæi & Academiæ hausta fontibus, elegantis styli expeditis, ac vibrantibus sententiis, quasi auro gemmas includere cæperunt.

runt. Sed omnium verecundissimus fuit postea Cicero in acuminibus. Quod enim, alius in conclusione, post vibratam fortè ex ejusmodi acuminibus periodum, haud timidè dixisset apud Cæsarem: Tu ipsam Victoriā; Cæsar, vicisti; ille verecundè se insinuans; [verecor, inquit, ut hoc quod dicam non perinde intelligi auditu possit, atque ego ipse cogitans sentio: ipsam victoriā vicisse videris.]

Cicero.

Qui error est eorum, qui abutuntur stylo abrupto, & frigidè acuto?

Gravis error eorum est, qui plurimum quidem in eo habent ingenii, sed parum cordis. Itaque nec vim illam mentis exundantem coercere possunt, sed dicunt quicquid in buccam. Quid autem res,
quid

quid locus, quid aures patiantur, minimè considerant. Infercire volunt omnia acuminibus, nihil sine figura dici, etiam figuratè panem peti.

Qualis debet esse brevitās orationis?

Ut nihil obscuritatis habeat, ut non sit prærupta, suspiciosa, nimis affectata, quæque insidias tendere videatur in clausulis. Atque in eo magnopere spectandum, est argumenti genus, aliud enim Epistolæ, aliud Historiæ, aliud declamatoriæ orationculæ, aliud etiam justæ orationes desiderant; hæ etenim non ferunt præruptam brevitatem.

Quænam verò erit optima lex brevitatis?

Hæc erit, opinor, iis qui minimè Asiatici fieri volunt,

lunt , si Demosthenis orationes, & Ciceronis Philippicas imitentur; habent enim valde sanam brevitatem .

Quę sunt leges acuminum, & eorum usus?

Hæ tres . Prima , ut argumento convenient. Secunda, ut non sint nimis crebra . Tertia , ut non sint frigide affectata, & obscura . Quamquam , ut verum facer , quęcumque leges five præcepta tradantur acuminū seu argutiarum , aut ea ingeniosum spectant; & ille quidem sibi lex est , ars , & præceptor: sint flores, sint spinę, quas appellas sententias & acumina , utrumque sponte suā nascitur: aut res tibi cum rudi, duroque robore , tunc verò laterem lavas. Id unum imprimis meminisse te velim , quàm parè , ut dixi ,
lim,

his utendum luminibus, & quasi oculis Eloquentiæ, ut monet Quintilianus. Nam, præterquam quòd natura cuius vestigia semper ars debet imitari, solum duos in tota hominis facie oculos aperuit; difficile omninò est, in huiusmodi acuminum, & sententiarum copia, sustinere orationem, ne aliquando serpat humi, ne quid minuti, leviorisque sensiculi immisceatur. Neque enim, ut eundem audiamus Quintilianum, possunt tam multæ bonæ sententiæ esse, quàm necesse est, multæ sint clausulæ. Ubi verò multiplici argutiæ pondere gravatur oratio, si singulas ad calculos revoces, & velut ad libram expendas, teruncio non semel nummos leviores agnoscēs.

*Lib. 7.
c. 5.*

Quæ

40 *Manuductio*

Quæ vera, germanaque
Eloquentia est?

Quæ maximè teneat
eos, qui audiunt, & quæ non
solum delectet, sed etiam
quæ sine satietate delectet.
Ad summum, quæ gravis,
quæ suavis, quæ erudita,
quæ liberalis, quæque sensus,
& colores habeat quantum
opus est.

Quot sunt genera prælau-
data Eloquentiæ?

Tria: grave, mediocre,
attenuatum.

Quot sunt Virtutes oratio-
nis?

Novem: scilicet, per-
spicuitas in verbis, & in dis-
positione orationis; gravitas
in argumentis; asperitas in
sententiis, & verbis; quæ
quidem non convenit adole-
scentibus, & quam comitan-
tur figuræ imperativæ, &
inter;

interrogativæ. Vehementia, quæ differt ab asperitate, quod hæc in hostes, illa etiam in amicos torqueatur; Splendor, qui fit, ubi Orator nonnulla de se, & suis de rebus gestis parcè & meritò prædicat, uti D. Paulus (2. ad Cor. 11.) Vigor, qui ex temperie asperitatis, vehementiæ, & splendoris emergit; ambitus, seu amplificatio deducta à circumstantiis, & à thesi ad hypothesein; Methodus, Pulchritudo, & suavitas styli permixta cum celeritate, & cum decoro; quod omninò servandum est, spectatâ semper argumenti, loci, ac personarum conditione.

2. Cor.
11.



S E C T I O III.

*Eloquentia adjuvatur Ingenio,
Doctrina, & Imitatione.*

Quid est Ingenium, Elo-
quentiæ primum ad-
miniculum?

Intellectus ipse hominis;
qui si acutior, atque solertior
sit, vocatur ingenium. Ari-
stoteles ait: [est vis quædam,
quam ingenium dicunt, quæ
ejusmodi est, ut efficere possit
& adipisci ea, quæ ad propo-
situm finem pertinent.] Tum
subdit: [Ingenium non est
prudentia, sed est habitus
prudentiæ, quasi oculo animi
innatus:] dirigit enim pru-
dentiam, quasi oculos ad
executionem; ut quod illa
prudenter concepit, ipsa ex-
peditè & solerter exequatur:
unde sine ea, prudentia est
lusca

ca, vel monocula, quia
ecutio est cæca; esto con-
ptio & electio fuerint ocu-
ta.

Quotuplex est Ingenium?

Multiplex. Ut enim
rorum ita & ingeniorum
agna est varietas. Alia enim
ecunda, alia sterilia: alia
rea; alia argentea, alia fer-
a, alia plumbea videntur.

Unde tanta varietas?

Primò, ex majori aut
minori animi perfectione;
ai licet sit idem specie in-
gamemnone, ac in Ther-
ta, tamen est dispar dignita-
in utroque; secundò, ex
derum influxu; Tertiò, ex
oci conditione; quartò, ex
orporis tēperamento; quin-
ò, ex institutione.

Quot sunt ingenii quali-
atēs?

Tres. Alia enim ingenia
nier-

inertia sunt, & stupida, ut fuit illud Claudii Cæsaris, alia nimis velocia sunt, & calida, ut illud Hermogenis, & Caligulae; quæ plerumque in stultitiam, & furorem degenerant; alia sedata & mansuetata, atque ideò meliora ad omnem rationem humanitatis. Non placent mihi ingenia Simiarum, quæ versatili levitate huc & illuc volitant, in nugis triumphant, & in seriis rebus hebescent. Sordent mihi vilia, & abdomini dedita porcorum: nauseam mihi faciunt sordida simul, & callida vulpecularum. Volo ingenium: quod? Simplex, candidum, solers, constans, festinè lentum, magnum, exaggeratum, quod se supra avaritiam, supra voluptatem, ad coelum usque efferat, Benè est: hoc litteris aptissimum erit. Num

Num potest ingenii vis, ex alorum & vultus physio-
omia, discerni?

Probè quidem, nam
arævallenſis Abbas ait: [Fa-
ces hominis eſt ſpeculum
cordis.] Addo ex Pacato :
[In ſpeculo frontium imago
ſtat animorum.] Cui Ci-
cironem adnecto, ſic philo-
ſophantem : [omnis motus
animi ſuum quendam à na-
tura habet vultum, & ſonum
& geſtum : animi imago vul-
tus eſt.] Hinc Ariſtoteles, in
phyſiognomicis, docet : [In-
genioſi ſigna ſunt caro humi-
lior & mollior; non boni
habitus, neque valde pinguis:
que circa humeros & collum
nacriora, & que circa faciem
&c. Corpus album mixto ru-
bore, & purum: cutis tenuis,
pili non valde duri, nec valde
nigri: oculus charopus, hu-
mi-

*Bern. de
modo be-
nè vi-
ven. c.*

65.
*In Pd-
negyric.
Theod.
Imp.*

*Cic. l. 3.
de Orat.*

*Ariſt.
c. 6.*

midus &c.] Charopus, idest, Cæruleus, qualis est color maris & coeli, aut fulvus, qualis est aquilarum & leonum; Latini ravum vocant. Hæc signa sunt, ut plurimum non spernendæ conjecturæ; quia dispositio mentis magis apparet in facie, in qua sensus omnes vigent, quam in partibus aliis; quamvis non planè certæ, nec semper veræ. Unde ferunt Socratem ex vultu visum impudicissimū, & malè moratum: sed arte & virtute vicit ille naturam.

Emolliunt ne Christiano cultu ingenia?

Neutiquam. Ingeniis enim verè Christianis nihil præstātius fuit, cum germana eruditionis sit pietas, & rerū magnarum comes perpetua.

Prov.
11. 22. *Est circulus aureus in naribus suis;*

s ; ut Salomon , interprete
estero penes Cassianum ,
onct in Proverbiis .

*Cassian.
Coll. 14.
c. 16.*

Quot sunt indicia apti ad
loquentiam ingenii ?

Quinque. Primum, fu-
r Oratorius, quem qui so-
Poetis tribuunt, vehemen-
ter errant. Ex quo nascitur
s illa concipiendarum imma-
num, & frequens illa com-
otio, quâ excelluisse Fa-
um Quintilianum affirmat
ngelus Politianus. Secun-
am, gravis quædam acri-
monia ingenii, qui enim tan-
um in miserationibus excel-
lunt, & nihil habent iracun-
iæ facilè in motus muliebres
egenerant, qui non satis ora-
toriam gravitatem decent.
Tertium, naturalis quædam
acundia, candor, elegantia,
quâ multi à puero cernuntur
micare; in explicandis animi
sen-

sensibus tam arguti, expediti,
uberes; cum mira vocis sua-
vitate, atque actionis decoro.
Quartum, memoriæ vis &
foecunditas; quam, ob ejus
necessitatem, Eloquentiæ par-
tem constituerunt, ut infra
videre erit. Et ita est profe-
cto. Musæ illæ, disciplina-
rum omnium auspices, cum
à Jove in hanc lucem essent
editæ, lactæ Junonis crescere,
& innutrirî minimè potue-
runt; inventa est illis nutrix
Mnemosyne, quam nos me-
moriâ appellamus. Hæc
autem Jovis partum suis ulnis
excepit, fovit, aluit, foecun-
davit. Quintum est Judicium,
sine quo qui uberem memo-
riam nactus est, perinde se
habet, ac si grandem apothecam
possideat sine vino, latif-
simum horreum sine frumē-
to. Judicium est amissis, &

nor-

norma mentis, rationis scilicet approbatio, quæ postquam in veri investigatione laboravit, tum judicium, quasi censor, quid aptum sit, circumspicit, quid ex quove nascatur, quid cuique sit consequens, quid alienum, quid repugnans, &c. Ingenium, tamen (hoc unum moneo) debet studio & exercitatione eloquentiæ excoli, uti mos erat apud veteres illos, qui ut ingenii vires acuerent, vel in summo honorum apice, fermè quotidie declamabant. Vide Quintilianum lib. 12. c. 5. Senecam lib. de Beneficiis, & Alexandrum ab Alexandro Genialium Dierum, lib. 5. cap. 24.

Quot sunt causæ corruptæ Eloquentiæ?

Quatuor. [Deficit eloquentia, ait Tacitus, ab illa

C ve-

Tacit.



vetere gloria, non inopiâ hominum, sed deficiâ juventutis, & negligentia parentum, & inscientia præcipientium, & oblivione moris antiqui.

Quæ est imitationis necessitas?

Ea est, ut cum tota penè scena humanæ vitæ plena sit imitatione, atque imaginibus, in stylo non ignobilem obtineat locum. Quid enim sine imitatione contingit? Quid ex aliorum ingeniis non expressum? Quid ab his non est ductum fontibus? Qui primum ex æternæ mentis sinu profluentes, latissimè in res opesque humanas redundarunt. Unde patet amplissima ad orationis gravitatem via, per magnorum Oratorum, & Poetarum imitationem. Dixi (magnorum) nam prudentis & cordati viri est magnâ men-

mensurâ stylum suum metiri, atque ad excellentium in hac dicendi scientia virorum sese imitationem componere. Præstat enim secundas iuter homines magnos & locupletes ferre, quàm primas inter pauperes & abjectos; sicuti majoris utiq; gloriæ est paululum infra aquilam, quàm supra humiles alaude volitare.

Quænam sunt vitia pravæ imitationis?

Hęc. Primum eorum est, qui in ipso limine offendunt, & exemplaria sibi proponunt imitanda ex se vitiosa, quibus deinde cum privatos errores adstruant, nova subinde monstra pariunt. Secundum est eorum, qui bonos quidem imitantur, sed tam accuratè, ut totos penè describant. Ita Apuleius imitatus fuit Lu-

cianum. Tertium est eorum, qui si unam, aut alteram Ciceronis orationem legerint, ad eam omnia quæ tractabunt, argumenta referent, & multum sudabunt, ut alienissimos sensus intrudant. Ad summum, extendent, decurrabunt, & quidlibet potius facient, quam ab hac imitationis præteritate recedant. Quartum est puerile, & eorum, qui de imitatione sensuum, quos satis non intelligunt, parum curant, sed toti in angustias verborum conjecti maxime cavent, nè minima vocula extra Authorem, quem sibi imitandum sumpserunt, excidat. Ii sunt qui ab Horatio [servum pecus] appellantur. Discant verba rebus, non res verbis subicere. Quintum est eorum, qui ut spirant ubique styli amplitudinem, quam

quam satis sincerè non capiunt, bonos & ad decorum personarum prudenter accommodatos Veterù sensus, quòd nimis mediocres videantur, excessu quodam augment, donec in *χαροξήλι'αν* incidunt. Ita Lucanus imitari contendens vel superare Virgilium in descriptione tempestatis primo Æneidos. Sextum est eorum, qui depravant bonos sensus defectu ingenii vel styli. Septimum tandem eorum est, cujus meminit Seneca, quibus si fortè aliquid in iis, quos imitantur, Authoribus, arripit vehementius, hoc tam crebro usurpant, ut nihil sit frequentius.

Sunt ne imitandi multi?

Eximius ille Theologorum apex D. Thomas Aquinas, interrogatus, quo pacto quis doctus evadere posset?

D. Thomas.

Seneca.

Respondit, si uno dumtaxat
uteretur libro: & variorum
librorum lectionem cōdem-
nat disertè. L. Annæus Sene-
ca: [certis, inquit, ingeniis
immorari, & innutrirī oportet,
si velis aliquid trahere,
quod in animo fideliter se-
deat. Nusquā est qui ubiq; est]

Novi ne, aut veteres sunt
imitandī?

Veteres, cūm ii novis
non solā opinionis temerita-
te præferantur, sed etiam me-
ritis, omninō sunt imitandī.
Neque verò hoc à me ita di-
ctum velim, ut omnes con-
tinuò novos Authores repu-
diandos putem. Sunt enim
multi vèl supra Veteres exi-
mii. Sed in evolvendis anti-
quis teritur via securior.

Quomodò imitandum?

Ut perfectè imitemur,
tria in Authoribus spectanda
sunt:

sunt: Inventio, dispositio,
& elocutio. Sed & prius in-
telligenda sunt, quàm in imi-
tationem traducantur. Quo
fit, ut Rhetores ignavi, pa-
rùm in imitatione & iudicio
proficiant, quod locorum,
enthymematum, & figura-
rum imperiti, locutiones
tantùm & verba congerant.

S E C T I O IV.

*Ad Inventionem spectantia,
ejusque loca.*

Quid est Inventio?

Respondet Cassiodo-
rus, [est excogitatio
rerum verarum, aut verisi-
milium, quæ causam proba-
bilem reddunt?]

*De Rhet.
cap. 2.*

Quid Oratori, præsertim
Christiano cavendum est in
Argumentorum, quæ vulgò

Assumpta penès Hispanos vocantur, Inventione?

Nimirum, nè in delectu Propositionum, quas probandas assumit, eas eligat, quæ magis habent novitatis, quàm veritatis, quæque plus aures offendunt quàm corda sanctè compungant: neve in laude Sanctorum nimis exuberans, modestiæ decorique fines transfiliat. Quibusdam jejuna videtur oratio, quam de rebus gestis Divorum instituunt, nisi mentiri eis liceat in Panegyrico, nec fas sit sus deque miscere omnia. Eò namq; illorum eloquentiæ præceps excrevit alluvio, ut nisi cælum petat, occurretque Dei sedem cum Luciferò, depressum abs se putent, quem dilaudant. Nemo justorum non Michael est. Quid Angelos commemoro?

ro? Triadem stultitiâ petunt,
nobilis aiebat Ecclesiastes, &
nisi modum adinveniant,
quo Æterno Genitori equent
eum de quo loquuntur, pu-
tant se tarditatis & inscitiae
insimulatum iri. Quid est
Ivo pauperum advocatus, &
pupillorum, viduarumque
susceptor? Reponunt iustis
buccis: rem novam, & à sæ-
culo nunquam auditam ac-
cipite, Auditores: Est Chri-
stus Jesus, quem ut *Advoca-*
tum apud Patrem, salutavit
Joannes; imò quid Christo
ipso etiam sublimius. Ecquid
Josephum Mariæ Virum esse
dices? Grandius sanè Immor-
tali Parente prodigium. Il-
lum siquidem genuisse oport-
uit, ut Pater diceretur; hic
verò cum nunquam genuerit,
Pater est Servatoris. Quæ
ista Hypostascon prodrigen-

1. Joann.
2. 1.

tia? Quodve immane istud
 è rostris congiarium , quo
 Numinis attributa , commu-
 nicari nescia , erogantur, dis-
 pertiunturq; in vulgus? Nul-
 lus ergò referri in Divos po-
 test, nisi in Deum effingatur?
 Aut admoveri nefas est Aris-
 cum , qui Triadem adventu
 suo non effecerit quadripar-
 titam ? Audi Mosis laudes
 pangentem Ecclesiasticum .
Dilectus Deo , inquit , & homi-
nibus Moyses . Similem illum fe-
cit in gloria Sanctorum . Non
feliciorem Deo , sed Sanctis
parem, imò non parem dixit,
sed similem . Ecquis inter su-
perioris ætatis Heroas major
Mose ? Imò quis eo non mi-
nor ? Cui mare cessit , cui
cælum paruit , cui Numen
affulsit . Attamen antiquita-
tis ea fuit apud Siracidem re-
verentia , ut Virum à Deo in
Deum

Ecc1.45.
1.

Deum Regis designatum, non Deo parem, sed Patriarchis similem tantum scripserit, etiam cum ejus evulgatura esset res gestas præclarissimè. Quid, quod & à Deo Deum dici, appellarique Moysen in audio, quem tamen ab Hebræis non Numen, sed servum Numinis stupeo nuncupatum? *Ecce constitui te*

Exod. 7.
1.

Deum Pharaonis, ait Dominus. A quo profectò descivit, qui Prophetæ tumulo non aliam epigraphen insculpsit, quàm: *Mortuus est ibi Moyses servus Domini, in terra Moab.* Viden.

Deuter.
34. 5.

quàm meticulosè in sui Prophetæ laudes Synagoga effuderit sese? Famulum dicit, què sciebat à Domino Deum nuncupatum. Et nos incommunicabile Dei nomen & numen, non modò cuius Sanctorum audacter adscri-

bimus, verum nos penè piget
uni tantum Personarum di-
vinarum Virum unum com-
parasse, nisi unum universis
Divinitatis hypostasibus exequemur: quamque Cælites
in tribus Personis expavent
Majestatem, nos exundantiâ
illam interminæ magnitudi-
nis, uno conclusam sub Sole,
pectore coercemus. Apage,
scrutator, & confarcinator
Trinitatis. Ergò ne laudari
Heros non potest, quin simi-
lis fiat Altissimo, non Satan,
sed Joseph? An putas sine
stomacho coæquatum se,
Verbo Joannem pati, qui
ejus se non dignum exsol-
vendo subligamini profite-
tur? Forsitan Dei Verbum
inter nos nescivit loqui? At
ipsum in sui Baptistæ, & Præ-
conis effusum laudes, non
liberè, sed mirâ quadam vo-
cis

cis modestiâ , ait : & si vultis
recipere , ipse est Elias . Non
ait : Joannes spiritus Dei est ,
sed Elias est . Imò cum cum
non Mosen , sed Eliam dixe-
rit , viventi viventem contu-
lit , non è vivis erepto , mor-
tisque victori . Cæno latex
inficitur , quoties suas ripas
excesserit : & laus sordescit ,
si , transgressa modestiæ al-
veum , excurrerit in hyper-
bolem . Fucos fastidimus in
fæminis , probrumque est , si
Domitiano blandiare . Et li-
cere adulationem putas in
Sanctos ; quasque odisse nos
decet in Regiis blanditias , af-
sentationesque , cas in Tem-
plis consecrabimur ? Parca-
mus , rogo , si non nobis , Di-
vis saltem , qui diligunt veri-
tatem , adorantque Deum in spi-
ritu & veritate . Alioquin , si
his impurissimè adulemur ,

62 *Manuductio*

vereor, nè ita à nobis alienis phaleris circumlati Sancti, illud sibi opprobrari timeant, quod Scutario Totile objecit Benedictus Monachorū Antesignanus in Occidente. Cuius ut prophetandi spiritum, experiretur Princeps, regiis intectum ornamentis armigerum, quasi Regem, præmisit. Quem, ut aspexit Abbas, irrisit, monuitque, ut chlamydem non suam exueret. Num ita implumes sunt Sancti, ut nisi furtivis plumescant tum cristis, tum alis, reptare dumtaxat queant? Suo abundè instructi sunt succo; nec alienis indigent pigmentis, ut fulgeant. Pudicissimus Joseph est; sed Vir est, non Verbum Patris: Mariæ Sponsus, sed non Verbi Pater. Zelatur Ignatius de Loyola Parens meus Optimum us,

mus, non tamen aut homo
esse defuit, aut in Spiritum
Dei sanctum reformatus est.
Cupio abs te laudari Justos;
sed nollem ita Dei Turtures
& Columbas convestiri, ut
ludibrio eas, plumarum ad-
ventitio nitore, opponas, ex-
ponasque derisui. Fuit inter-
dum, qui sic effrænis in præ-
conium Beati Mauri effluxit;
ut eum non Petro similem,
sed Spiritui Sancto pronun-
ciaverit supparem. Ut enim
olim *spiritus Domini ferebatur*
super aquas, ita undis Maurus.
innatuit in lacu. Hec audiens
effutiri cordatus Vir, intra se
tunc se locutum asseruit; su-
perest modò, ut Spiritui San-
cto par quoque esse affirmet
hic deridiculus Encomiastes;
tum suber, tum verò etiam
cucurbitam, & caput suum
ipsâ cucurbitâ levius. En vi-
des,

Gon. 1.

2.

des, quomodo exuperantia
laudis, dū ex homine Deum
fingit, facit suber è Mauro,
è sanctissimo ac integerrimo
Monacho Corticem despica-
bilem. Sat laudis invenisti,
quā Maurum extolleret, si
cum sanctitate morum, obe-
dientiæ præstantiâ, charitatis
ardore vicisse elementa, æ-
quasse quoad hoc Apostolo-
rum Principem dixeris, Pri-
mogenitum, tot in Filiis S.
Benedicti. Reliqua mergunt
Maurum in stagno, non su-
stollunt in cælum. Peragrè
tulit Olympia, Alexandrum
Jovis Filium appellari. No-
bilitate enim generis, & Spu-
rium illum, & se Draconis
pellicem intelligebat. Ita sanè
is, quem parem Altissimo
feceris, non Deum esse evi-
ceris, sed Luciferum. Nolo
quidem Orationis argumen-
tum

tum esse jejunum, damno
solum si appareat ebrium. ?
Ingeniosum sit, & insperata
novitatis circumornetur splē-
dore, sed à veritate nè latum
quidem ūguem abscedat. Vèl
propositio aliòquin trita, &
vulgaris sic enunciari potest,
ut in sui admirationem etiā
sapientes adducat; quemad-
modum in sua verè aurea
Ariadne Rhetorum ostendit
Aloysius Juglares. Sancti na-
tivo micant decore, abundē-
que illos efferes, si suum eis
colorem, quò ad vivum ex-
pinguntur, inveneris; uti lu-
culentis testimoniis ac exem-
plis, nobis exploratum faciūt
qui solidam inveniendi scien-
tiam calluerunt. Novissimè,
ut cætera sacrorum Orato-
rum lumina impræsentiam
præteream, prodierunt in lu-
cem, penès Lusitanos, Ora-
tio-

tiones Panegyricæ R. P. Francisci de Mattos qui nunc supremum Magistratum inter nostros in Brasilia Socios parî religione ac prudentia gemit. In his ingenium Authoris iudicio cōiunctum passim demiramur; sed præcipuè in excogitandis & feliciter prosequendis argumentis, quorum inventionem studet augere, citra omnem assentationis fucum, honestamenta, decoraque Sanctorum, quos exornandos aggreditur. Quid fanè sublimius investigari unquam possit, quàm videre hominem, qui quò Christum generosè sequeretur, mundum pro Christo reliquit, antequam mundum possideret? Et hunc tantum, talemque virum perpulchris & solidis rationibus tum è sacra, tum è profana eruditione,
de-

deductis, probavit non aliū
fuisse, quā magnum illum
monasticæ disciplinæ Instau-
ratorem Benedictum; quippe
qui maternis adhuc clausus
visceribus auditus fuit cum
sorore sua Scholastica clarè &
syllabatim *cantare Domino can-
ticum laudis*; quasi splendidum
Epinicion, quo relatæ de
mundo à se abdicato victoriæ
gaudium contestaretur. Quid
etiam singularius, quidque
simul verius, quā id quod
prælaudatus Pater celebra-
ndum assumit in Optimo Con-
ditore Nostro Ignatio, dum
præ reliquis Christianis, qui,
teste Paulo, *vocati sunt in So-
cietatem Jesu Christi* modestè
asserit præfatum Ignatium
dici debere anonomasticè
Virum Societatis Jesu; sicut,
inter omnes qui prophetiæ
fulgoribus, Apostolatûs glo-
riâ,

*Simone-
ta lib. 4.
ep. 20.*

*Gerar-
dus Bel-
ga in
medit.*

*Jepe-
cent. 1.*

*1. Cor. x
9.*

Isa. 48.
11.

riâ , aut specialis amoris prærogativâ splenduerunt , Propheta, Apostolus, & Dilectus, sine ullo alio addito , denotant, & indigitant Davidem , Paulum , & Joannem . En, Rhetoricæ Inventionis modos, quibus hic Author mirè Cœlo Divos laudibus infert , nunquam audēs Dei nomen , & *gloriam* , *Nemini dandam* , eorum ulli violenter obtrudere; scitè arbitratus , Hyperbolum granditate , non crescere , sed diminui Heroum Illustrissima aliòquin Promerita . Hæc proluxiùs aliquantò dixi , ut quanti item momenti sit prudens , & recta argumentorum invētio, præmonerem .

Est ne necesse cognoscere quæstionem tractandam ?

Utique: in oratione namque scribenda , primùm accuratè

curatam habere oportet quæ-
stionis tractandæ cognitio-
nem, ex eo siquidem derivari
omnem vim & efficacitatem
sermonis experimur. Quod
si metam ob oculos perspi-
cias, cave, ne nimio dicendi
desiderio prægestiens, longos
ames circuitus, recitans ab
ovo usque ad mala. Nil enim
tam vitandum, quàm proli-
xitas: vitium ut plurimum
adulescentum, qui, ut fert
rerum splendidarum novitas,
tantam capiunt in dicendo
voluptatem, ut quiescere
nullo modo possint; digres-
siones etiam faciunt, & frigi-
das transitiones, quibus mi-
seras enecant aures; &, si ad-
vertas, invenies eos tùm pri-
mùm de re incipientes dice-
re, cùm oporteret desisse:
quia putant se iisdem auribus
udiri ab omnibus, quo fer-
voris

voris impetu dicunt . Hoc etiam prolixitatis vitium tangit interdum & doctos , sed confusos plerumque & morosos homines, qui nunquam sibi satisfaciunt ; nisi quicquid mente conceperint , id totum in turbæ circumstantis aures effuderint. Magnum proculdubio vitium; & haud scio, an ullum sit in Oratore, quod magis auditorum animos deterreat; ut egometipse proprio experimento edoctus sum . Paucos admodum invenias , de quibus illud Elogium dicatur , quod tribuit Seneca Cassio Severo: [timebant , ne desineret .]

*Senec. l.
3. contr.
in Prasf.*

Quænam est Inventionis, & Eloquentiæ nutritrix?

Eruditio varia , ex qua omnem Eloquentiam crescere , foecundarique oportet . Neque enim perfectus Orator

tor esse potest qui non omnium rerum, cognitione atque intelligentiâ dignissimarum pectus cōpleverit suum. Tolle eruditionem à dicendi facultate, *Επιφυννιδεζ ταν τ'εσιχ*
εωμίματα, quid aliud erit, quàm loquentia puerilis? Quàm arbor foliorum luxurie vestita, sed fructûs expers? Doctæ igitur debent esse orationes, & cum temperie eruditæ, præsertim si sint intra generis judicialis subsellia. Si verò orationes sint epidicticae, uberior debet esse eruditio, & elocutio suavior.

Quinam primus Inventionis fons?

Historia; quæ est veluti Eloquentiæ horreum, præsertim, si è sua origine repetatur. Quanti verò sit historiarum lectio ab Oratore facienda, satis superque demonstrat

Naz.

firat illud à plerisque laudatum ex Gregorio Nazianzeno ad Nicobullum patrem, filii nomine :

[Historiâ plenum pectus, pulcherrima res est . Namque ea multorum mens est , ea magnus acervus est Sophiae .]

Livius .

Perbelle Livius initio libri primi , Historiarum lectionem commendans: [Hoc illud est , inquit, in cognitione rerum præcipuè salubre, ac frugiferum , omnis te exempli documenta, in illustri posita monumento intueri ; ut inde tibi , tuæque Reipub. , quod imitêre , capias ; inde foedum incæptu, foedum exitu , quod vites .] Similiter Basilus Imperator in capitibus paræneticis ad Leonem filium , cum admonet in hunc modum. [Per veterum histo-

*Basil.
Imper.c.
56.*

historias ire ne recuses. Ibi enim reperies sine labore, quæ alii cum labore collegerunt: Et quæ illhinc haurias, & bonorum virtutes, & improborum vitia: varias humanæ vitæ mutationes, & rerum in ea conversiones; mundi huius instabilitatem, & imperiorum præcipites casus. Et, ut verbo complectar omnia, malorum facinorum poenas, & præmia bonorum: quoniam illa fugies, ne in divinæ iustitiæ manus incidas; hæc amplecteris, ut præmiis, quæ a comitantur, potiaris.] Adstipulatur incertus Author bri Sapientiæ cap. 8. verbis illis: *Si multitudinem scientiæ delegerat quis, scit præterita.* Quo co multitudo scientiæ, ut pessimissimi Interpretum exponunt, & eleganter ibi Cantabrigiæ, multam experientiam

D tiam

tiam, vitæ nostræ magistram, designat: quæ quàm sit cordato Oratori necessaria, nemo non videt.

Quinam Historiarum usus?

Is est, ut non satis sit Historias legere, & colligere, sed appositè distribuere; ex probatis Authoribus desumere, & de nostris temporibus aliquas etiam tangere. Quæ omnes, si notæ sint, per congeriem sunt vibrandæ.

Quinam secundus Inventionis fons?

Fabula, & Parabola, præsertim si oratio sit profana, & non sacra. Quorum usus debet esse moderatus, & non nimis facetus. Et quidem, quod attinet ad fabulam, & Apologum, lippis patet ac tonsoribus, olim Ethicam doceri solitam per fabulas & Apologos ad mores

res, appositos. Id præsertim
liquet ex Baruch Propheta; *Baruch.*
qui priscos fabulatores, idest, *3.23.*
fabularum concinnatores,
vocat *exquisite* prudentiæ.
Unde Apologis usi sunt Or-
phæus, Pythagoras, Menan-
der, Apulejus, Homerus,
Hesiodus, (quem Fab. *Quintil.*
Quintilianus, ubi Apologis gra- *15.c.11.*
tiam inesse docet, primum
facit Apologorum Autho-
rem) Plato lib.2. de Republ.
Demosthenes, Macrobius lib.
1. de somnio Scipionis post
initium, Horatius, Gellius,
Cicero lib.3. Offic. de Gygis
innulo. Hinc Aristoteles lib.2.
Rhetoric., apologos ponit
inter Rhetoricās demonstra-
tiones. Aphthonius initio
Progymnasm. [Apologi, ait,
delectant vehementiùs, &
persuadent efficacius:] delectant,
quia morum facetiâ

Apollon.

quâdam imitatione simplicium capiunt animos : fidem faciunt , quia verum quasi ante oculos ponunt : ideòque magnam vim habent ad promovendum & persuadendum. Apollonius Tyanæus apud Philostratum lib. 5. ; [ego , inquit , Æsopi fabulas ad sapientiam accomodatiores , quàm cæterorum , esse censeo : quas à Mercurio docet acceptas , Æsopumque in numero Sapientum habitum : unde illud Aristophanis in Avibus , vetus adagium , quod citat Suidas , [Ne Æsopum quidem trivisti ,] dici solitum de homine planè rudi & imperito , quòd qui Æsopi Apologos nesciret , nil scire videretur . Præclarè Plutarchus in moral. , [sicut Iris , ait , nil est , nisi relucencia solis refracti in nubibus ; ita fabula ,

Plutar.

la , quædam est veri representatio .] Rursùm Aristoteles *Arist.* lib.2. Rhetor. c.21. , [Apologi , scribit , ad populum maximè accomodati sunt , habentque hanc præstantiam , (præ exemplis) quòd cum difficile sit res præteritas similes adinvenire , apologos fingere est facillimum .] Quos ex rebus naturalibus , & animalibus , quasi ex vivis imaginibus petere licet , unde ideam humanæ vitæ virtutibus omnibus adornatæ facili negotio percipimus . Ad hoc enim Deus illa creavit , ut homini essent speculum rectè vivendi . Totus siquidem mundus hic visibilis homini quasi quædam schola Sapientiæ est , in qua divinis prudentiæ rationibus plena sunt omnia . Imò ex iis , per festivos rerum apologos , documenta

78 *Manuductio*

vitæ Sacra Scriptura collegit,
ut lector ea intelligat clariùs,
addiscat faciliùs, gustet sua-
viùs, reminiscatur tenaciùs.

Eccli. 13
3. & 21.

Sic apud Siracidem, præter a-
lia, legimus: *Quid communica-*
bit cacabus ad ollam? Quando-
enim se colliserint, confringetur --
Si communicabit lupo cum agno
&c. Notus item est apologus
olivæ, ficûs, vitis, & rhamnî,
Judic. 9. 8. Cardui & Cedri, 4.
Reg. 4. 9. Lupi & Agni, pardî
& hædi, Leonis & Ovis, Vi-
tuli & Ursi, Isa. 11. 6. Leænæ
& leunculorum, Ezech. 19. ;
Oollæ, & Oolibæ mulierum,
Ezech. 23. ; Aquilarum dua-
rum ingentium, Ezech. 17. ;
Luciferi, Isa. 14. 12. Cheru-
binorum, Ezech. 1. ; Ampho-
ræ, in qua sedet impietas,
Zach. 5. & plures alii hisce
persimiles. Idem faciunt
S. Basilîus & S. Ambrosius

in

in Hexam , S. Epiphanius in
Physiologo. Theodoretus de
Providentia , & S. Cyrillus
libris quatuor Apologorum
moralium ; qui reperti sunt
in Bibliotheca Budensi , re-
dolentque acumen , leporem
gravitate mixtum , variam-
que eruditionem ac pietatem
S. Cyrilli Alexandrini ; stylus
tamen magis latinam , quàm
græcam elegantiam sapit ;
præsertim in acutis argutif-
que anthitesis , & homiopto-
tis , quibus crebrò rem probat ,
& adversarium urget , confi-
citque . Unde Cyrillus hic ,
Latinus potiùs , quàm Græcus
fuisse videtur , ac D. Cyrillo
Alexandrino ætate posterior ,
utpote crebrò citans Aristo-
telem , & Hippocratem ; cum
S. Cyrillus , cæterique Patres
Platonici magis fuerint , quàm
Aristotelici . Quod verò spe-

Etat, ad Parabolam, hæc à
 Donato definitur esse rerum
 genere dissimilium compa-
 ratio. Sic Proverbia Salomo-
 nis nuncupantur à Latino In-
 terprete græcâ voce Parabola
 à παρασάλλω, idest, affimilo,
 comparo. Facilem tamen,
 planum, & vulgatum loquen-
 di modum superant, ac sæpè
 aliquid parabolici, idest, ali-
 quam similitudinem, com-
 parationem, allusionem, me-
 taphoram, allegoriam, simi-
 lemve figuram continent.
 Hinc & vocantur Proverbia;
 quasi verba procul petita,
 putà ab antiquitate, vel re-
 arcana, è cœlo acceptâ. Quo-
 circa Dion Chrysostomus
 Proverbia vocat cana verba:
 Sicut enim senectus homini,
 sic & Proverbiis affert suam
 autoritatē & pondus. Quan-
 tæ verò sint utilitatis hujus-
 modi

ad Rhetoricen . 81

modi Parabolæ & Proverbia
significat Salomon hac gno-
me : *Verbum custodiens filius*
extra perditionem erit : quæ est
quasi coronis & clausula ,
quâ , veluti quodam Epipho-
nemate cōcludit vigesimum-
nonum caput suorum Pro-
verbiorum : quasi diceret
quicumque hæc mea Para-
bolarum verba mente custo-
dierit , ut eas opere exerceat ,
& , juxta eas , omnes suos
actus componat , & dirigat ,
hic evadet perditionem , &c.
Et id præsertim in causa fuit ;
cur Pernambuci in Brasiliâ
degens, olim susceperim Pro-
vinciam explicandi pro con-
cione forensi Parabolas Salo-
monis unâ cum Proverbiis
Lusitanis: quod plures annos
egi ; utinam pro dignitate ,
& ad majorem Auditorum
profectum .

Prov. 29

27.

D 5 Qui-

Quinam tertius inventio-
nis fons ?

Sunt adagia , quæ re-
rum exprimunt similitudi-
nes . Quorum usus est fere
idem ac fabulæ & Parabolæ.
Adverte tamen, quòd quam-
vis Paræmia sive Adagium,
cum Parabola conveniat ,
quatenus similitudinem rei
veræ , sive gestæ cum geren-
dis confert ; distinguitur ni-
hilominus, quia non tam per
modum narrationis , quàm
per modum brevis sententiæ,
& ut plurimum figuratè ac
obscurè, quod vult indica-
tum, proponit : itaut quo-
dammòdò sit brevis & epi-
phonematica parabola . Uno
verbo : Parabola proponitur
more narrationis longioris ;
adagium , ut breve & usu tri-
tum vulgare documentum .
Hinc lux affulget aliqua cali-
gi.

ginoso Ezechielis loco c. 18. v. 2., qui in Hebræo sermone vix intelligi potest, & hominem aliòquì eruditum fefellit; ut putaret ibi Parabolam cum Paramia seu Adagio confundi; cùm ex nostro Interprete manifestum fiat, accuratè illa Prophetam distinxisse. *Quid est, quod inter vos Parabolam vertitis in Proverbium istud in terra Israel, dicentes, Patres comederunt uvam, acerbam, & dentes filiorum obstupescunt?* Nam initio tantùm fuit Parabola, quàm significabatur, posteros immeritò luere delicta majorum suorum: sed postea Parabolam hanc crebrò & passim domi, forisque usurpando, & vulgari sermone iterando, terendoque, adagiùm fecerunt. Adagiorum verò utilitas magna est; quoniam brevitate

*Ezech.
18. 2.*

84 *Manuductio*

memoriam adjuvant; & obscuritate diligentiam acuunt; alliciunt lepore & verborum ornatu, sensûs acumine, sententię gravitate, & commodâ morum informatione, sine fastidio aut periculo, veram animæ sapientiam infundunt.

Ab omni ævo hæc paræmiialis institutio summo semper in pretio habita apud eos, qui ipsi apud reliquos in honore fuerunt. Nam de Adagiis Chrysippus, Cleanthes, Clearchus, Aristides, & Aristoteles olim multis voluminibus differuerunt: locutionibus figuratis universa antiquitûs morum disciplina comprehendebatur: in Europa Pythagoræorum, in Asia & Africa Ægyptiorum, Chaldæorum, Brachmanum, & Gymnosophistarum. Vestigia in Ori Apollinis Hierogly.

glyphicis, Stobæi collectaneis,
Trismegisti libris, & Zoroa-
stris magicis oraculis super-
sunt : Sed mitto profanos .
Quid divinis Scriptoribus *πα-
ροιμιωδες* ; ludit sed seriò ,
tot aureis adagiis Jobus cum
amicis cap. 17. Utitur Balaam
prophetans Num. 23. , &
Moyſes paſſim in Pentateu-
cho. David etiam, Salomon,
Iſaias, Ezechiel , & cæteri
Prophetæ longè ornatius ,
quàm ulli Græci , Latinive :
& graviter, atque frequenter
Apoſtoli ; & frequentius ,
atque gravius ipſe Dominus
& Magiſter Prophetarum ,
atque Apoſtolorum Chriſtus
JESUS. Denique periti rerum
huiusmodi ſemper efficacif-
ſimam Vim Adagiis ad per-
ſuadendum inefſe cēſuerunt .
Præ cunctis testimonio Ari-
ſtotelis ſtet hoc verbum . Is
apud

86 *Manuductio**Arist.*

apud Synesium existimat ,
 nihil aliud esse Paræmiam ,
 seu Adagium , quàm [reli-
 quias illius veteris Philoso-
 phiæ , maximis humanarum
 rerum cladibus extinctæ ; eas-
 que servatas esse partim ob
 compendium brevitatemq; ,
 partim ob festivitatem & le-
 porem : ideòque nec segniter ,
 nec oscitanter , sed pressius ,
 atque penitiùs inspiciendas :
 subesse enim velut igniculos
 quosdam vetustæ sapientiæ ;
 quæ in pervestiganda veritate
 multò fuerit perspicacior ,
 quàm posteriores philosophi
 fuerunt .] Videsis Fab. Quin-
 tilianum lib. 5. Institutionum ;
 & Plutarchum in libro [quo-
 modò sint audiendi Poetæ .]

Quinam quartus Inventio-
 nis fons ?

Hieroglyphica, & Sym-
 bola , quæ amænâ habent
 eru-

eruditionem; modò prudenter & parcè, ut cætera adhibeantur. His utebantur Ægyptiorum sapientissimi, vice literarum, ut iis docerent Sapientiam suam, ad ejusque studium excitarent capaces; rudes verò & incapaces eam celarent. Cum verò sint imagines seu figuræ, determinatæ ex hominum arbitrio ad significandum aliquid; sunt etiam, quod inde fit, mera hominum commenta; & ipsis dceat vis ea major ad persuadendum, quàm in heroicis symbolis requiritur. Præterquam quod vim etiam exponendi consilium Authoris, quoniam ut plurimum obscura sunt, obtinere interdum non videntur.

Quinam quintus Inventio-
nis fons?

Emblemata, quæ in eo
cum

cum Hieroglyphicis conveniunt, quod symbolorum naturam induant; differunt verò, quòd rem, sublatis ænigmatum velis, purius liquidiùsque proponant: ex quibus plerùmque lepida & suavis affluit eruditio, si eorum haud nimius sit usus. Emblemata namque sic à peritioribus circumscribitur; ut sit symbolum ingeniosum, suave, ac moratum; constans ex pictura, & brevi carmine, ac sententiam aliquam graviozem complectens. Ejus itaque partes erunt Pictura & breve carmen. Lemma autem quod Andreas Alciatus Vir eruditissimus ei sæpe numero superscripsit, satis constat, partem ejus non censerì, sed omitti posse. Ita Epigrammatis pars non erant inscriptiones, de quibus Martialis: Lem.

Mart. l.
x4. *epig.*
3.

Lemmata , si quæris , cur
sint adscripta, docebo ,
Ut , si malueris , lemmata
sola legas .

Pictura & metrum in hoc
genere Poeseos usurpantur
ideò , ut quoniam pars vide-
tur ejus Philosophiæ , quæ
ad mores pertinet , continet-
que semper admonitionem
aliquam (admonitio enim
est morum medicina) con-
diatur picturæ , ac metri sua-
vitatibus , atque deliciis , quo
ita sine nausea ab egro animo
accipiatur : Pharmacum pro-
pinat quis in scypho aureo ,
nemusculis , leunculis , ge-
miolis instructo : hic ornatus
in Emblemate pictura est .
Dein scyphi ejusdem labro
suo cum addit dulcem & sua-
vem , ut castiget infusam
amaritiem : hoc in eo est me-
tri suavitas , & dulcedo car-
mi-

*Hor. de
arte Poe-
tica,*

minis: & hoc pacto admoni-
tio, quæ est ut plurimum tri-
stis & inamæna, propinabi-
tur sapientiùs, servabiturque
illud: Et prodesse volunt, &
delectare Poetæ.

Quinam sextus Inventio-
nis fons?

Testimonia Veterum,
quæ inter argumenta remota
plurimum obtinent dignita-
tis; si modò ab Authoribus
fide dignis, iisque gravibus,
& eruditis emanarint.

Quinam septimus inven-
tionis fons?

Dicta gravia, & senten-
tiosa; ut, Deus meliùs scitur
nesciendo: Et illud Augusti-
ni: [Avaro tam deest quod
habet, quam quod non ha-
bet.]

Quinam octavus Inventio-
nis fons?

Leges, sine quibus, ut
cor.

corpora sine mente, sic Civitates suis partibus, ut nervis, sanguine, & membris uti non possunt. Atque ut magna est legum excellentia, & majestas; sic etiam Jurisprudentia, quæ easdem tractandas suscepit, sapientiæ seminarium est, & omnis prudentiæ officina. Hæc mores hominum dirigit & componit; utque facilius id assequatur, ex ethica sua petit principia, ut à Physicâ sua petit Medicus. Neque enim Imperatorum nudâ authoritate firmaveris leges, nisi & ipsam authoritatem, justitiâ ejusque principiis subnixam doceas. Id ad oculum videremus, si veteres juris codices extarēt nec eos magno Reipub. damno concremassent illi, qui ex eis Justinianæas Pandectas confluxerunt. Quare adeò Juris-

risprudentia Ethicæ innixa est
& connexa, ut illi planè sub-
alterna, ex ejus principiis,
velut fontibus, scita sua & le-
ges, velut rivulos, educat.
Sic, Ethicus præscribit, sce-
lus vindicandum; Juriscon-
sultus hanc regulam ad cer-
tam poenam revocat: Ethicus
ponit legem, ut parentes cu-
rent filios; Jurisconsultus
mulctat eum, qui filii non
vult esse curator: Ethicus ju-
stitiam commutantem ponit
mediam inter lucrum &
damnum; Jurisconsultus ex
hoc notionis fonte conven-
tiones justas, mutuum, com-
modatum, depositum, pi-
gnus, emptionem, venditio-
nem, locationem, condu-
ctionem, tanquam fluvios
deducit: Ethicus edisserit,
summum jus esse summam
injuriam; Jurisconsultus ad
hu-

hujus præcepti normam temperat legem, ne sanguine pictur mors, quam amico infer invitus : Ethicus docet, æquitatem non esse contrariam juri, sed jure meliorem; dum, quod tacet jus, æquitas loquitur; Jurisconsultus hinc colligit nihil facere contra legem non occidendi, qui majestatis violatæ reis poenam irrogat securibus. Ethica tandem est quædam naturæ thesis, & hujus thescos Jurisprudencia est hypothesis. In quam sententiã videtur ivisse pedibus Ulpianus, dum L. jus civile ff. de justitia & jure, post pulchram de jure civili disputationem, uberi filo per-textam, tandem statuit, jus civile esse juris naturalis, idest, moralis Philosophiæ quandam moderationem. Hinc intelliges, quanta & quàm

quàm utilia possit Christianus Orator ex ipsis humanarum legum oraculis, & opulentissimis thesauris in auditores suos depromere.

Quinam nonus Inventio-
nis fons ?

Sacræ Literæ. In his tot veræ scientiæ thesauros adipiscimur, quot apices legimus: [tot delicias invenimus, quot ad profectum nostrum intelligentiæ diversitates accipimus; ut modò nuda nos pascat historia; modò sub textu literæ velata medullitùs nos reficiat moralis allegoria; modò ad altiora suspendat contemplatio, in præsentis vitæ tenebris jam de lumine æternitatis intermicans. Ita Magnus Gregorius lib. 16. c. 19. in Job.; qui addit in Præf. [divinus sermo sacræ scripturæ est fluvius planus
&

Greg.

& altus , in quo & Agnus
ambulet , & Elephas natet .]
Quod verò ad sacræ Scriptu-
ræ usum attinet , Theologo-
rum est proprius: hæc eorum
hereditas , hic campus , hoc
stadium : Ut eò igitur inof-
fenso pede perveniat , prius
sacræ Theologiæ strenuam in
scholis navet operam ; dein
adhibeat bonos Interpretes ,
qui eum manuducant , vi-
vamq; sæpè Doctoris vocem
audire non renuat , si cupiat
ejus germanos sensus attin-
gere . Cogitet sibi dictum ,
quod Hieronymus scripsit
Paulino , adhortans eum ad
Sanctarum Scripturarum le-
ctionem .] O si mihi liceret ,
inquit , istiusmodi ingenium
non per Aonios montes , &
Heliconis Vertices , ut poetæ
canunt , sed per Sion & Ita-
byrium & Sina excelsa duc-
re !

*Hier. l. 2
epist. se-
lect. ep.
14.*

re ! Si contingeret docere ,
quæ didici , & quasi per ma-
nus myſteria tradere Scriptu-
rarum ! Nasceretnr nobis ali-
quid , quod docta Græcia
non haberet . Audi ergò , mi
conſerve , amice , germane ,
auſculta , quo in Scripturis
ſanctis calle gradiaris : Totum
quòd legimus in divinis li-
bris ; nitet quidem , & fulget
etiam in cortice , ſed dulcius
in medulla eſt . Qui edere
vult nucleum , frangat nucē .
Revela , inquit David , ocu-
los meos , & conſiderabo
mirabilia de lege tua . Si tan-
tus Propheta tenebras igno-
rantia conſitetur , quâ nos
putas parvulos & penè la-
ctētes inſcitia nocte circum-
dari ? Hoc autem velamen
non ſolùm in facie Moyſi ,
ſed & in Evangeliftis , & Apo-
ſtolis poſitum eſt . Turbis
Sal.

Salvator in parabolis loquebatur, & contestans mysticum esse quod dicebatur, aiebat; qui habet aures audiendi, audiat. Nisi aperta fuerint universa quæ scripta sunt ab eo, qui habet clavem David; qui aperit, & nemo claudit; claudit, & nemo aperit, nullo alio referante, pandentur. Si haberes hoc fundamētum; imò si quasi extrema manus operi tuo induceretur, nihil pulchrius, nihil doctius, nihil dulcius, nihilque latinus tuis haberemus voluminibus.] Ut autem Dominus nobis sensum omnem scripturarum aperiat, necesse imprimis est, ut ab eo qui mitis est, & humilis corde, veram cordis humilitatem addiscamus. Profunda namque, quæ in iis latent mysteria, abscondit Deus à sapien-

Matth.
II. 25.

98 *Manuductio*

*pientibus, & prudentibus, idest
superbis & sciolis hujus se-
culi, & revelat parvulis. Non
dixit, stultis, sed parvulis;
[ut tumorem se damnasse
innuat, non acumen,]* ex-

Gregor.

plicitat S. Gregorius l. 27. in
Job, c.7. [Ubi enim est hu-
militas, ibi & sapientia;]
inquit Paræmiastes. Hinc est,
quod clamat ipsa Sapientia:

Prov.

Si quis est parvulus veniat ad me.

11. 2.

Quod confirmat Beatus Au-

Vide scilicet

gustinus, non iis modo quæ
supra de se testatus est, sed &

2.

his quæ impræsentiarum ad-
jungit: [non aliam ad capef-
sendam, & obtinendam veri-
tatem, & sacram sapientiam

*Aug. ep.
56. ad
Dioscor.*

viam munias, quàm quæ
munita est ab eo, qui gres-
sum nostrorum, tanquam
Deus, videt infirmitatem.
Ea est autem prima humili-
tas, secunda humilitas, ter-

tia

tia humilitas; & quoties interrogares, hoc idem dicerem. Itaque sicuti Demosthenes in Eloquentia pronuntiationi primas, secundas, tertias dedit; ita ego in Christi Sapientia primas, secundas, tertias dabo humilitati, quam Dominus noster ut doceret, humiliatus est,] nascens, vivens, moriens.

Quinam decimus Inventionis fons?

Ratio & solertia in locis, unde apud Rhetores rationes & argumenta coalescunt. Quibus nihil est ad Inventionis fecunditatem uberius, ad dispositionis rationem, concinnius, ad memoriæ subsidium efficacius. Quamobrem & adolescentibus diligenter inculcanda sunt, & in iis frequenter exercendi; ex quibus ad omnem dicendi

materiam reclusos inventio-
nis fontes commodiùs feli-
ciùsque habeant .

Quid sunt loci commu-
nes?

Notæ sunt, & argumen-
torum sedes ; quorum alii
sunt interni, alii externi .

Qui sunt interni?

Interni sunt in rei sub-
stantia ; ut Definitio, Genus,
Differentia, Species, partium
primariarum enumeratio ,
conjugata .

Qui sunt externi?

Ii sunt, causa finalis ,
& efficiens, & effecta : qui
tamen sunt cognati, & valde
necessarii . Alii enim sunt
externi appliciti, ut Notatio,
Adjuncta, Contraria, repu-
gnantia, similia, relata, com-
parata : unde sexdecim loci
communes satis noti colli-
guntur ; qui rursus in alios
dividi

dividi possunt, & argumenta magnis incrementis facundare.

Quid est Definitio?

Est viva rei, quam describit, imago, & caracterismus; vel, ut Ciceroni placet lib. 1. de Orat. . [Rerum brevis, & circumscripta quædam explicatio.]

Quænam ejus partès?

Genus & Defferentia .

Per Genus notiora rei definitæ; per differentiam propria innotescunt; ut, Homo est animal ratione præditum.

Quænam Virtutes Definitionis?

Hæ tres; ut scilicet sit dilucida, brevis, & propria. Verum quando intimas rerum formas tantâ obscuritate natura vallavit, humanisque ingeniis abscondit, varios definiendi modos cogimur

indagare nos præsertim Oratores; modò scilicèt definiendo per partes, modò per causas, modò per effecta, modò per accidentia, modò per similitudinem, modò per ægationem, modò per figuras; ut per synonymiam, per definitionem mixtam &c. Quæ omnia valde conducunt ad texendam amplificationem.

Quid est partium enumerationis?

Est rei in singulas partes apta quædam distributio. Partes verò apud Ciceronem duobus modis intelliguntur; sunt enim partes totius, quod in se easdem partes complectitur, ut corpus humeros, brachia, thoracem; sunt & partes generis, quas genus sub se continet; alio modo species & formæ nominantur, ut Prudentia, Justitia, Fortitudo,

tudo , ratione virtutis . Vel si
mavis , aliæ partes sunt essen-
tiæ , aliæ sunt integrantes , &
accedunt magis ad decus to-
tius,quàm ad compositionē .

Quid requirit usus argu-
menti ab enumeratione par-
tium ?

Cautionem & memo-
riam requirit in Oratore .
Cavendum est enim , ne in
partium collectione minùs sit
accuratus.: quod faciet , si
aut res necessarias omittat,
aut addat superfluas , aut dis-
crepantes confundat, aut eas-
dem bis numeret , & veluti à
se dissolvat , atque disjungat .
Tum qui propositus est initio
numerus,est illi expeditè per-
currendus , dandaque opera ,
ne longiuscula plerùmque di-
gressio sermonem & mentem
à proposito abripiat . Videas
enim aliquot , qui cùm tria

aut quatuor proposuerunt ,
ultimi jam non meminerint ;
aut si meminerint , tantum
temporis in uno capite per-
texendo conterunt ; ut ejus
quod restat , expediendi spa-
tium , & facultas non suppe-
tat . Usus itaque argumenti
à partium enumeratione am-
plissimus est , & per totum
corpus eloquentiæ longè la-
tèque diffusus . Primùm , ad
totius orationis æconomiam ,
mirum in modum valet , &
quasi Ariadnæ filum , dirigit
institutum Sermonem , ne
fluctuet in errorum (quod
ajunt) Labyrintho . Secundo ,
promptissimum est ad lacef-
scendos Adversarios telum ,
ad refellendos idem clypeus
fortissimus . Tertiò , amplifi-
cationis , quæ una virtus ma-
xima est , perpetuum veluti
quoddam reperietur esse se-
mina-

minarium. Nam si res graviter narranda, si distribuenda, si oculis plenissime subiicienda, parum est uno conspectu proponere. At si incipias singulas partes disquirere, discutere, enucleare, tunc vis & amplitudo, quasi ingentis cujusdam fluvii perpetuis undarum vorticibus explicati sese efferet: quod illustribus exemplis comprobare, si tempus pateretur, & Compendii limites sustinerent, nullo negotio possem. Verum præterire non licet, quæ Lactantius scribit, Dominicæ Crucis acerbitatem, à singularum partium, scilicet, fauciatorum membrorum cruciatu metricè amplificans: Sic enim Christum Dominum, hoc pathetico modo loquentem, inducit:

Vertice ad usq; pedes me

E 5

lu;

quem etiam Lud. Granaten. refert. lib. 3. Eccles. Rhetor. c. 2.

Iustra: en aspice crines
 Sanguine cōcretos, & san-
 guinolenta sub ipsis
 Colla comis, spinisque ca-
 put crudelibus haustum;
 Undique diva pluens vivū
 super ora cruorem:
 Compressos specularē o-
 culos, & luce carentes,
 Afflictasque genas: aren-
 tem suspice linguam,
 Felle venenatam, & pal-
 lentes funere vultus.
 Cerne manus clavis fixas,
 tractosque lacertos;
 Atq; ingens lateri vulnus,
 cerne inde fluorem
 Sanguineum, fossosque
 pedes, artusq; cruentes:
 Flecte genu, lignumq; Cru-
 cis venerabile adora.

Jo. Chry.
sostr.

Lactantio non me penitet Jo.
 Chrysostomum subnectere.
 Is Hom. 10. in Genes. nobi-
 lem attexit enumerationem
 esse-

effectuum, quos parit ventris
ingluvies, sic vehementer
interrogans: [An non videtis
quotidie & sumptuosis men-
sis, & immodicâ ingluvië,
infinita morborum genera
induci? Unde podagræ? Unde
capitis dolores? Unde cor-
ruptorum humorum abun-
dantia? Unde innumeri alii
morbi? Nonne ab intempe-
rantia, & largiore vini ingur-
gitatione, quam oportet?
Nam sicut navis, quæ aquis
ita impletur, ut exauriri ne-
queat, statim submergitur;
ita & homo quando crapulæ
& ebrietati seipsum exponit,
in præceps vadit, & rationem
suam submergit. Denique
jacet quasi vivum cadaver,
ad mala quidem operanda sæ-
pè potens; ad bona autem
omnia nihilo se meliùs ha-
bens, quàm mortui.]

Quibus ornamentis decoratur hic locus?

Plurimis. Modò enim tractatur per Anaphoras; modò per distributionem, cum unaquæque enumeratarum partium suo proprio verbo concluditur; modò per subjectionem, & per congeriem, cum qua magnam habet affinitatem hic idem locus.

Quid est Notatio?

Est originis & nominis etymologica investigatio; cujus usus apud Grammaticos frequentior, quàm apud Oratores. Sic Aurelius Cassiodorus exponens illud Psal. I. V. I. *Beatus vir*; ait: [isti beato, qui à proposito suo nulla contrarietate removeatur, virum subjunxit egregiè: vir enim vocatur à viribus, qui nescit tolerando deficere, aut in prosperis aliquâ *fe*
cla.

elatione jactare: sed animo stabili defixus, & coelestium rerum contemplatione firmatus, manet semper impavidus. Hoc etiam veriloquiū appellavere majores. Etymologia enim est oratio brevis, per certas assonationes ostendens, ex quo nomine id quod quæritur, venerit nomen. Nec dubites quod Virum appelles Dominum Salvatorem, de quo & Zacharias Propheta dicit: ecce vir oriens est nomen ejus.]

Quid est Genus?

Apud Rhetores, qui minùs in hoc religiosi sunt, quàm logici, est quod communius est, & suo ambitu & significatione complectitur minùs commune: Vel, ut definitur à Cicerone in Topicis: Notio ad plures differentias pertinens, ut, si omne

110 *Manuductio*

argentum legatum est; igitur purum & signatum.

Quid est materia?

Id ex quo res fiunt.

Quotuplex est?

Multiplex: alia prima, alia secunda; alia proxima, alia remota. At omiſſis his nimis subtilibus Materiæ diuisionibus, Oratores ſepiſſimè conſiderant materiam tum naturalem, ut in corpore humano, tum etiam arte ſignatam, ut in manufactis, & inde in compositum eliciunt argumenta.

Quid ſentiendum de cauſa efficiente?

Una eſt, quæ latiffimum dicendi campum ſuggerit, & non tam verbis, quàm rebus ſecundam ſuſtentat Eloquē-
tiam.

Quotuplex eſt cauſa efficiēs?

Multiplex: Alia enim eſt

est superior, alia inferior;
alia primaria, alia adjuvans;
alia naturalis, alia moralis,
alia artificialis; alia procreās,
alia conservans, alia interi-
mens. Ex hoc loco graves
desumuntur amplificationes:
qualis est illa Divi Gregorii
Nazianzeni, ubi per longam
effectorum enumerationem,
Deum primam & nobilissi-
mam causam causarum col-
ligit.

Quid est forma?

Est, per quam res est id,
quod est. Forma formarum
est (ob eminentiam videlicet
perfectionis) ut Trismegisti
philosophiā liquet, verbum
Divinum, cuius scintillæ
quædam sunt formæ omnes,
quæ rebus inspersæ, ei essen-
tiam, & vim quandam miri-
ficam impertiuntur.

Quotuplex est forma?

Du-

Duplex: una quidem, intima, quæ cognosci satis non potest; altera species quædam externa, & rei compositio, seu figura, de qua frequentiùs Oratores loquuntur. Sic Hominem à figura & specie corporis commendat D. Ambrosius. Forma tamen humani corporis est venustior, status erectus, & excelsus, ut neque enormis proceritas sit, neque vilis, & abjecta pusillanimitas; tum ipsa habitudo corporis suavis & grata, ut neque belluina vastitas horrore sit, nec gracilitas tenuis infirmitati.

Quid verò dicemus de fine?

Finis quidem, exitu, causarum ultima est; destinatione autem, prima. Nam ut ex radice rami fructusque erumpunt, sic è fine tota ratio,

tio, ac vis humanarum actionum existit. Juerit igitur imprimis in iis quæ tractantur rebus finem accuratè cognoscere; quando ex eo prudens orationis distributio futura sit.

Quid sunt effecta?

Ea, quæ sunt orta de causis. Unde fit, ut causæ in quatuor distinctæ species, totidem effectorum creent genera: est enim suus cuique effectus, quasi soboles addicta, ex quo virium suarum capit argumentum.

Quæ sunt Adjuncta?

Quæ cum re sunt conjuncta, hoc vulgari versiculo contenta:

Quis, quid, ubi, quibus auxiliis, cur, quomodò, quando?

Vide Cassiodorū de Dialectica §. Circumstantiæ pag. mihi

Pet. Bles

mihi 581. & seqq. ubi plura ex M. Tullio circa Adjunctorum notitiam. Audi Petrum Blesensem in c.2. Job, amplificantem per Adjuncta ultimam tepescentis Religiosi ruinam. [Vanæ cogitationes, statum animæ contemplantis & speculantis Deum, dissipant & confundunt. Unde & unus amicorum istorum meritò vocatur Sophar, idest, dissipatio speculæ. Desideria verò carnis, quæ militant adversus animam, novum hominem, qui secundum Deum creatus est, omninò mortificant, ut anima totius novitatis oblita, solam sapiat vetustatem. Unde & secundus amicus vocatur Baldat, quod interpretatur, vetustas sola. Animo itaque dissipato & turbato in eo iudicio rationis, carnis desideriis invalescen-

ſcentibus, Deum contemnere incipit. Peccator enim, cū venerit in profundum vitiorum, contemnit. Unde tertius Amicus vocatur Eliphaz, quod interpretatur, contemptus Dei. Iſtos amicos, aut potius domeſticos inimicos, viri Religioſi, & qui viam vitæ arctioris aggreſſi ſunt, frequenter experiuntur. Evenit enim quandoque, ut dum aliquis cōtemplationi devotiſſime vacat, muſcæ morituræ ſuavitatem unguenti perdant, quia vanæ cogitationes turbantes quietem contemplationis, obrepunt, & militantibus carnis deſideriis, ſuſcitant amorem ſæculi, Deique contemptum. Religioſus itaque, qui paulò ante in cœlum deſideriis anhelabat, quem inflammabat charitas, quem ſancti Ordinis obſervantia

de-

delectabat, paulatim incipit
cælestium oblivisci, cogitare
quæ mundi sunt, & contem-
nere quæ Dei sunt. Turbatur
in eo iudicium rationis, oc-
cupantur semitæ consilii, ab-
ducitur lumen cordis, refri-
gescit devotio, libertas spiri-
tûs evanescit, animæ vigore
nervatur, sopitur ratio, con-
funditur intellectus, fervor
Ordinis defervescebat, sollicitat
miserum paupertatis timor,
vana spes decipit, trahit am-
bitio, contrahitur animus,
subtrahitur gratia, protrahi-
tur spes vitæ longioris, blan-
ditur voluptas, allicit mun-
dus, fallit securitas, revoca-
tur antiqua consuetudo, dissi-
mulatur lex, abjudicatur ius,
fas proscribitur, derelinqui-
tur timor Dei, dantur impu-
dentia manus, & attentatur
saltus ille Apostaticus, saltus
ille

ille ignominiosus, & turpis,
de excelsa in abyssum, de
throno in sterquilinum, de
coelo in coenum, de paradiso
in infernum, de claustro in
saeculum.]

Quæ sunt Antecedentia?

Quæ rem necessario an-
tecedunt; ut: si homo est,
animal est; si sol ortus est,
dies est?

Quæ sunt comitantia, &
consequentia?

Ea dico, quæ rem sem-
per, aut frequenter comitan-
tur, & necessario consequun-
tur; ut, si quis accusare ali-
quem velit, quod is alicujus
belli author extiterit, hoc
modo ejus temeritatem am-
plificabit: exhaustum in bar-
baros milites ærarium, fra-
ctam laboribus juventutem,
proculcatas segetes, abacta
pecora, incensos passim vi-
cos

cos ac villas , desertos agros ,
 everfa mœnia , compilatas
 domos , direpta fana , tot or-
 bos fenes , tot orphanos libe-
 ros, tot viduas matronas, tot
 virgines indignè constupra-
 tas , tot adolescentium licen-
 tiâ depravatos mores, tantum
 funerum, tantum luctûs, tan-
 tum lacrymarum : præterea
 extinctas arces , oppressas le-
 ges, obliteratedam religionem,
 confusa divina , humanaque
 omnia , corruptam civitatis
 disciplinam : universum , in-
 quam, hoc malorum agmen,
 quod ex bello nascitur , tibi
 uni feremus acceptum , si
 quidem belli fueris author .

Ab his autem tribus lo-
 cis ; Antecedentibus nimi-
 rum , comitantibus , & con-
 sequentibus *Oforius* Episco-
 pus humanæ vitæ miseriam
 elegantissimè describit his
 ver-

verbis: [Quàm gravis & acerbata sit humanæ vitæ conditio, quàm multis incommodis agitata, nemo poterit vel explicando consequi, vel enumerando percēfere. Ut enim à natali cujusque die capiamus exordium, omnesque vitæ partes oratione perstringentes, ad exitum tandem illius veniamus, horam nullam videbimus aut dolore, vacuam, aut labore solutam, aut metu liberam; sed omnem ætatem infinitis difficultatibus affectam, & summis curis & angoribus implicatam. Vitæ namque principium à fletu ducimus, devinctisque membris omnibus, in terram abjecti, labores imensos à ploratibus auspicamur. Cum autem reliqua animantia, præfidiis naturæ tecta atque vestita in lucem pro-

prodeant, solum hominem nudum, & ab omnibus rebus inopem cernimus, atque miserabiliter impeditum in vitæ primordio vagientem, statûsque sui miseriam in ipso statim initio lamentātem. Quis autem poterit morborum vim & multitudinem, qui in illam naturam teneram, & imbecillam confestim incurunt, oratione complecti? Quæ curæ nutrices, quæ sollicitudo parentes afficiat? Quæ pericula sint pueris infantibus, primis illis mensibus intenta? Jam verò cū ætate progressi, metu & cupiditate magis atque magis turbari incipiunt, omnia mala quæ minùs antea sentiebant, fiunt eis quotidie graviora. Cū autem ad pubertatem perveniunt, tunc ingens vis tempestatis existit, quæ

quæ miseros homines exagitat, nec eos ullo in loco consistere patitur. Hinc enim acerbi amores invadunt, inde turbulenta dissidia statum animi convellunt. Quid, cum amarissimæ voluptates, multis doloribus emptæ, nervos omnes incidunt? Quid, cum dolores admoti, totum hominem impetu prosterunt? Quid deinde, cum adultâ ætate dominandi libido inflammat animû? Quid, cum invidia eundem conficit, atque consumit? Adde, si lubet, nuptiarum molestias, familiæ labes, vitæ sollicitudines, fori contentiones. Adde lubricam amicorum fidem, sociorum prodiones, rerum civilium turbines atque procellas. Quid autem ipsius ætatis extremæ morbos atque molestias, & corporis

exhausti deformitatem referam? Quid denique cadaveris ipsius horrificam speciem, commemorem? Est ne aliquid in vita vel odore tetrius, vel aspectu truculentius, vel contagio pestilentius? Sic igitur in summa vitæ brevitate vis ingens malorum circumquaque volitat; laborem labor excipit; dolor ex dolore necitur; mærorem atque luctum gravior quidam ludus sæpè consequitur. Unde colligitur, nihil esse in terris homine calamitosius.]

Quid dicendum de Contrariis?

Amphitheatrum quoddam est hic locus, in quo pugnantium, & collidentium inter se argumentorum robora gratius perspiciuntur, & melius; siquidem contraria contrariis, opposita magis elu-

clucescunt. Ut si sobrietatis honestas ex descriptione ebrietatis subjiciatur oculis: vel, ut Chrysostomus ostendit, calicem mentis nostre implendum esse sanguine Christi, sic à contrariis eloquens. [Præclarus est nobis ebrietatis calix: est calix ebrietatis, qui temperantiam gignit, non paralyfim. Quisnam ille, porro? Calix spiritualis, calix salutaris, calix impollutus dominici sanguinis: non gignit ebrietatem ille calix, non paralyfim gignit. Non enim vires dissolvit, sed vires excitat: ille non nervos infrangit; sobrietatem quippe affert: ille Angelis venerandus est, hominibus pretiosus, Domino amabilis. Vides quid dicat David de spirituali calice isto, qui propositus est in hac mensa? Parasti in conspectu

*Chrys.
in ep. ad
Eph. 6.*

meo mensam, adversus eos, qui tribulant me: impingua-
sti in oleo caput meum, &
calix tuus inebrians quàm
præclarus est! Etenim, ne,
audito nomine ebrietatis, su-
bitò metueres, & ejusmodi
putares esse, ut infirmitatem
inducat, adjunxit, esse præ-
clarum & firmum: novum
ebrietatis genus, robur im-
mittit & validum reddit ac
potentem; quippe quod ex
spirituali petra profluxerit:
non est deprevatio cogitatio-
num, sed spiritualium cogi-
tationum accumulatio: hac
ebrietate ebrii sumus.]

Quæ sunt Repugnantia?

Quæ nullâ certâ lege
aut numero dissident: qualia
sunt parcere, & sævire; dissi-
mulare, & punire. Hoc loco
Tertull. invectus est Tertullianus in
edictum Trajani, qui Chri-
stia-

stianos non quidem inquiri,
sed oblatos puniri volebat.
[O sententiam, inquit, ne-
cessitate confusam! Negat
inquirendos, ut innocentes;
& mandat puniri, ut nocen-
tes.] Augustinus etiam in
Psal. 84. ad illud, *Justitia &*
pax osculatæ sunt, peccatores
pacem velle, simulque nolle,
graviter à repugnantibus de-
monstrat in hunc modum:
[Fac justitiam, & habebis
pacem, ut osculetur se justitia
& pax; si enim non ama-
veris justitiam: pacem non
habebis. Amant enim se duo
ista, justitia & pax & osculan-
tur se; ut qui fecerit justitiam,
inveniat pacem osculantem
justitiam. Duæ amicæ sunt, tu
fortè unam vis, & alterā non
facis. Nemo est enim qui non
vult pacem, sed non omnes
volunt operari justitiam. In-

August.

Ps. 84.



terroga omnes homines: Vultis pacem? Uno ore tibi respondet totum genus humanum, opto, cupio, volo, amo: Ama & justitiam, quia duæ amicæ sunt justitia & pax; justitia & pax se osculantur. Si amicam pacis non amaveris, non te amabit ipsa pax, nec veniet ad te. Quid enim magnum est, desiderare pacem? Quivis malus desiderat pacem. Bona enim res est pax. Sed fac justitiam, quia justitia & pax se osculantur, non litigant. Tu quare litigas cum justitia? Ecce justitia dicit tibi: ne fureris, & non audis; ne adulteres, & non vis audire; non facias alteri quod pati non vis; non dicas alteri quod & tibi dici non vis, inimicus es amicæ tuæ. Dicit tibi pax: quid me quæris? Amica sum justitiæ; quem.

quemcumq; invenero inimicum amicæ meæ , non ad illum accedo . Vis ergò venire ad pacem, fac justitiam . Ideò alius Psalmus dicit tibi : declina à malo , & fac bonum, hoc est, ama justitiam . Et cùm jam declinaveris à malo, & feceris bonum, quære pacem, & persequere eam. Jam enim non diù illam quæres , quia & ipsa occurret tibi, ut osculetur justitiam .]

Quid est similitudo ?

Est cognationis quædam inter res similes affectio. Affectio dicitur rerum ne in ipsa tantùm oratione sita existimetur similitudo ; oportet enim ante industriam comparantis, mutuam esse in ipsis quæ comparantur rebus speciem similitudinis . Hæc autem affectio , vel major est, vel minor , vel in uno ,

vel in pluribus Adjunctis intercedit ; quod minimè necesse sit quæ comparantur , consentire prorsus in omnibus ; aliòqui paria magis essent, aut æqualia, quàm verè similia . Richardus à S. Laurentio eleganter illustrat similitudinem , quam invenit crystallum inter & illæsam, Mariani Ventris puritatem , his versiculis :

*Bich. à
S. Laur.
lib. 10.
de Deip.*

Ut solis radius
Intrat innoxius
Fenestram vitream ;
Sic Dei Filius ,
Imò subtilius
Aulam virgineam .

(Addit ibidem :)

Si crystallus sit humecta ,
Atque soli sit subjecta ,
Scintillet igniculum :
Nec crystallus rumpitur ,
Nec in partu solvitur
Pudoris signaculum .

Quo-

Quotuplex est similitudo?

Multiplex : alia simplex
que duarum est rerum in una
dumtaxat affectione consen-
sus, ut avari & hydropis in
cupiditate. Alia multiplex;
quâ modò res multæ cum
multis in eadem parabola
comparantur; modò una
cum multis; modò duæ qui-
dem conferuntur, sed in af-
fectionibus multiplices. Exē-
plum afferam ex Seneca epist.

Senec.

76. [In homine optimum,
quid est? Ratio : hæc ante-
cedit animalia, Deos sequi-
tur. Ratio ergò perfecta, pro-
prium hominis bonum est :
coetera illi cum animalibus,
satisque communia sunt. Va-
let? Et Leones? Formosus
est? Et Pavones. Velox est?
Et equi. Non dico, in his om-
nibus vincitur. Non quæro,
quid in se maximum habeat,

sed quid suum . Corpus habet ; & arbores : habet impetum & motum volūtarium , & bestiae & vermes . Habet vocem ; sed quantò clariorem canes , acutiorem aquilae , graviolem tauri , dulciorem mobilioremque lusciniæ .]

Infuper similitudo vulgò dividitur in Parabolam , Exemplum , Inductionem . De Parabola satis suprà dictum est, dum de secundo Inventionis fonte loqueremur.

Quid Exemplum ?

Facti alicujus vel dicti , cum certi Authoris nomine , expositio .

Quid inductio ?

Est similitudinis genus , in quo varia similia coaccrari ad aliquam propositionem colligendam solent . Uti bellè S. Augustinus : [longam inquit coenam malam nemo vult

vult habere, nec ferre. Longam vitam malam penè omnes volunt habere: utique, si grande est, quod vivimus, bonum sit omnium grande. Quid enim vis malè, dic mihi? Puto nihil: in omnibus actionibus, cogitationibus, cupiditatibus nihil malè vis: terram malam non vis; segetem malam non vis utique, sed bonam, bonam arborem vis, equum bonum, servum bonum, amicum bonum, filium bonum, uxorem bonam. Et quid hæc magna: Quoniam quidem ipsam vestem malam non vis habere, sed bonam. Postremò caligam non vis habere, nisi bonam. Aut da mihi aliquid te velle, quod malum est. Solam animam vis habere malam. Quid te offendisti? Quid de te tu ipse me-

132 *Manuductio*

ruisti? Non vis esse malum, nisi te solum.] Ex his vult S. Doctor concludere, cum bonum esse oportere, qui omnia bona appetit.

A quibus vitiis est cavendum in similitudinis usu?

Primò, ne sint nimii, aut nimium luxuriantes Oratores in iis. Secundò, cæ sunt seligendæ, quæ aures auditoris deceant. Tertiò, ne hyperbolicæ, ne scurriles, & sordidæ; ne nimis minutulæ & tenues. Qua in re, si Paulum Segnerum imiteris, ingenium simul, & iudicium ostendes.

SECTION V.

De Amplificatione.

Quid est Amplificatio?

Est plenitudo quædam, quæ, ex omnibus rerum Adjunctis, terminis, & locis, commemoratione deductâ

ductâ roborat orationem. Ut
Ejus vim agnoscas, seriò per-
pende gravitatem amplifica-
tionis, quam de Silentio Ver-
bi Infantis ita prosequitur
Abbas Guerricus: [Si quis
frater acidiosus invenitur in-
ter nos, nolo, ut diutiùs fati-
gentur aures ejus, sermone
nostro contemptibili. Tran-
seat usque Bethlehem, & il-
lud, in quod desiderant An-
geli prospicere, prospiciat
ibi: Verbum scilicèt Dei,
quod Dominus ostendit no-
bis. Imaginetur animo, ser-
mo Dei vivus & efficax, qua-
li jaceat in præsepi. Si tantum
pietas oculum illuminet in-
tuentis, quid tam delectabi-
liter potest videri, tam salu-
briter cogitari? Quid æquè
mores ædificat, spem robo-
rat, charitatem inflamat?
Omninò fidelis sermo & om-
ni

*Guerr.
Serm. de
Nat. Do-
mini,*

ni acceptione dignus, omnipotens sermo tuus, Domine, qui tam alto silentio à regalibus Patris sedibus, animalium illapsus præsepibus, melius interitu suo nobis fermocinatur silentio. Qui habet aures audiendi audiat quid nobis hoc pium & mysticum. Æterni Verbi loquatur silentium: quoniam, nisi me fallit auditus, inter alia quæ loquitur, pacem loquitur in plebem sanctorum, quibus reverentia ipsius & exemplum, religiosum imposuit silentium. Et nocte ipsâ quidem imposuit. Quid enim tanto pondere, tantâque auctoritate, disciplinam commendat silentii? Quid tanto terrore compescit inquietum, malum linguarum, procellasque verborum; sicut sermo Dei silens in medio homi-

mi-

minum? Non est sermo in lingua mea, confiteri videtur Omnipotens sermo, dum Matri subditus est; & nos quâ dementiâ dicemus, linguam nostram magnificabimus, labia nostra à nobis sunt, quis noster Dominus est? Liberet mihi, si liceret, obmutescere & humiliari, & silere à bonis, ut attentius & diligentius aurem possem adhibere vocibus arcanis sacrisque sensibus hujus divini silentii, & vel tanto tempore sub silentio discere in Schola Verbi, quanto Verbum ipsum sub disciplina siluit Matris. O Fratres, si piè & diligenter intendamus huic Verbo, quod Dominus fecit hodie, & ostēdit nobis, quanta quamque facile possemus ab ipso perdoceri? Verbum siquidem brevium est, ita tamen, ut
in

136 *Manuductio*

in eo consummatum sit omne verbum quod ad salutem est, quia nimirum Verbum consummans, & abbrevians in æquitate, ipsum est. Et hæc consummatio abbreviata inundavit justitiam, sicut promissum meministis per Isaiam, quia de sua plenitudine in participes suos inundavit justitiam, ut abundet justitia ipsorum plus, quam scribarum & Phariseorum; licet illi per tam multiplices se exerceant justificationes legis; isti autem brevi ac simplici contenti sunt verbo fidei. Sed quid mirum, si omnia verba sua nobis Verbum Dei breviavit, quando & se ipsum breviari, & quodammodo minui voluit; adeo ut de incomprehensibili immensitate sui, ad angustias uteri quodammodo se contraxerit,

rit & continens mundum, in præsepi se passum sit contineri? In cœlo Verbum istud horribili altitudine suâ virtutes Angelicas stupefecit; in præsepi simplices & hebetes pascit &c.]

Quod est vitium malæ amplificationis?

Haud scio, an ullum sit vitium à vera germanaque eloquentia magis alienum, quàm inepta, & puerilis amplificatio rerum, & sententiarum, inani vanoque strepitu verborum intemperantiùs lasciviens. Cui enim non pariunt nauseam illæ lentæ circumductiones, quas postquam cum tædio exorbueris, oratione permolestâ fatigatus, cogeris Laconicum illud exclamare: [Nihil es, præter vocem.]

A quo differt mala à bona amplificatione? Cùm

Cùm Amplificatio sit orationis anima in eo magni ac verè eloquentes Oratores differunt ab ineptis & puerilibus, quod illi utuntur Amplificatione, quæ rerum & sententiarum magnitudinem paulatim succrescētem cum iusto verborum pondere contineat; hi verò habeant Amplificationes plenas verbis, & nugis inani quodam strepitu, ad imperitarum aurium insidias luxuriantibus.

Quotuplex est Amplificatio?

Duplex: una fit per Augmentum; Altera per Exaggerationem convenit, quod utraque ampliolem faciat orationem, sed illa plus habet diffusionis, & ambitiosi circuitus, hæc adjunctis rerum, & ponderibus magis augetur, quàm verbis.

Quæ

Quæ melior est Amplificationis forma ; an tumens illa latèque subsultans ; an pressis illigata rationibus & argumentis ?

Secundam planè alteri omnes , qui modò gustum ullum habent synceræ eloquentiæ , dubio procul anteponent . Sed evenit non nunquam , ut tales sint auditores , qui fuso & luxuriantî sermonis ambitu capiantur , quales fermè plebejæ sunt & pueriles aures , quibus nisi eisdem sententiis paulisper immutatis , sæpius inculcatis , propter ingenii imbecillitatem , vix assequuntur .

Quærendane est materies apta Amplificationi ?

Utique . Nam sicut non ex omni ligno Mercurius , ita nec ex omni argumento nascitur amplificatio . *Primum*

num igitur amplificatori prudenter spectandum est, quid quæque oratio postulet. Res enim valde minutæ non sunt capaces amplificationis; nisi fortè in ludo & facetiis; solum gravis materia suam secum trahit amplificationē.

Totus Cardo Amplificationis ubi consistit?

In his duobus; in locorum nimirum tractatione, & figurarum usu. Nunc siquidem amplificamus per enumerationem partium, nunc per antecedentia, nunc per causas, nunc per adjuncta: modò vivificatur oratio per figuram hypotyposis, modò per distributionem, modò per Antonomasiā. In contentionibus verò adversus crimina usurpantur vehemētes increpationes, Ironiæ amarulentæ, Epiphonemata, execra-

crationes , apostrophæ . Hæc omninò majestatem attolunt orationis , ubi præcipuè figuris dictionum illigantur . Exemplum afferam ex Cicerone sublimis amplificationis , quâ in Oratione pro Quinctio reum calamitosum describit per hypotyposim , & per gradationem . [Miserum est exturbari fortunis omnibus ? Miserius , injuriâ . Acerbum est ab aliquo circumveniri ? Acerbius , à propinquo . Calamitosum est bonis everti ? Calamitosius , cum dedecore . Funestum est , à forti atque honesto viro jugulari ? Funestius , ab eo cujus vox præconis quæstu prostitit . Indignum est , à pari vinci , aut à superiore ? Indignius , ab inferiore atque humiliore . &c.] Non de sunt etiam inter Ecclesiæ Patres , qui

*Cic. pro
Quin-
ctio nu.
95.*

Salvian

qui nervosè ac luculenter
 amplificationes tractant. Do
 imprimis Salvianum qui lib.
 3. ad Eccles. Adulatorem ve-
 nenum ejaculari, & hostiliter
 ferire, egregiè per hypotypo-
 sim tradit, his præter cætera :
 [Non te moveant blandimē-
 ta eorum , venena tibi sunt .
 Non respicias adulationes
 eorum : gladii sunt jugulato-
 res tui , & quidem ferreis at-
 que hostilibus gladiis tetrio-
 res. Illos enim, homines cun-
 cti vident ; istos incauti non
 vident . Illi , quia apertè sæ-
 viunt , evitantur ; isti , quia
 occultè insidiantur ; occidunt :
 & hoc periculosiores sunt ,
 ac novo nocendi genere pejo-
 res , quòd illis ferreis gladiis
 nemo est penitus qui se lædi
 velit ; istis multi se etiam oc-
 cidi volunt ; nova atque inæ-
 stimabilis mali lethalis illece-
 bra.

bra. Illis gladiis quicumque
percutitur, & timore pariter
& dolore torquetur; istis qui-
cūque occiditur, delectatur.
Fuge ergò hoc malum, fuge
assentationes insidiantes tibi,
fuge obsequelas noxias tibi.]
Do Ambrosium, qui lib. de *S. Ambr.*
Nabuthe Israelita c. 5. inge-
niosâ sanè per hypotyposim
amplificatione, tam vivam
ærumnosi patris, & crudeli-
tatis avari pinxit imaginem è
sacro suggestu, ut ad lacry-
mas populum emolilerit.
[Vidi ego, inquit, pauperem
duci, dum cogeretur solvere
quod non habebat: trahi ad
carcerem, quia vinum deesset
ad mensam potentis. Dedu-
cere in auctionem filios suos,
ut ad tempus pœnam differre
posset, inventurus fortè ali-
quem, qui in illa necessitate
subveniret. Redit ad hospi-
tium

tium cum suis pater, diruta spectans omnia, nihil sibi ad cibum relictum. Ingemiscens filiorum famem, dolens, quòd eos non potius ei, qui posset pascere, vendidisset. Redit ad consilium; vendendi sumit arbitrium. Compugnabāt tamen inopiæ injuria, & paternæ pietatis gratia. Fames urgebat ad pretium; natura ad officium. Commori filiis paratus, quàm à filiis separari; sæpe gradum protulit, sæpe revocavit. Vicit tamen in eo necessitas, non voluntas; & ipsa concessit pietas necessitati.] Hactenus facti narratio. Nunc pugnam affectuum in paterno animo, & actum undecumque agitatae mentis, in durissima, circa sobolem forte, omnes Rhetorum veneres colligens, describit, & gnaviter amplificat,

ficat , eo ferè modo , proportionè servatâ , quo Abrahæ in procinctu ad filii sacrificium , procellas mentis , cum ipse Sanctus Ambrosius tum alii cultiores Patres proponunt. [Consideremus nunc, ait , patriæ mentis procellas , exæstuantis , quem de liberis prius traderet. Quem, inquit, vendam priorem? Scio enim, quòd non satis est unius pretium ad pastum reliquorum. Hoc solum dives fœcunditas, ad ærumnam . Quem offeram? Quem frumenti auctor nator libenter aspiciet? Primogenitum offeram? sed primus me patrem vocavit. Hic est major ex filiis, quem congruè honoro seniore . Sed juniorem dabo? At istum teneriore amore complector. Illum erubesco , hujus misereor . Illius gradum suspiro ,

*Lib. I. de
Abrahâ
cap. 8.*

146 *Manuductio*

hujus ætatem. Ille jam sentit ærumnam, iste ignorat. Fle-
ctit me illius dolor, hujus in-
scitia. Ad alios me conferam?
Ille mihi plus blanditur, iste
plus verecundatur. Ille pa-
renti similior, hic utilior.
In illo imaginem meam
vendo, in isto spem meam
prodo. Me miserum! Non
invenio, quid faciam; non
habeo, quid eligam. Circum-
vallant me facies calamita-
tum, ærumnarum chorus.
Ferina hæc rabies est, eligere
quem tradas. Feræ ipsæ, cum
pericula imminere proli ac
sibi sentiunt, solent eligere
quos liberent, non quos of-
ferant. Quomodo igitur dis-
cernam affectû naturæ? Quo-
modo obliviscar? Quomodo
exuam patris mentem? Quo-
modo filii autionem consti-
tuam? Quo sermone pacif-
car

car pretium? Quibus tradam
manibus in servitutem filiū?
Quibus oculis aspiciam ser-
vientem? Quibus vocibus dis-
cedenti valedicam?] Hęc Pa-
tris cogitationum collisio ad
invicem. Addit ad miseræ
cumulum, Patris ac Filii ven-
dendi Dialogisimum, iis ad-
ductis, quæ pater mulcendo
filio proponere; filius è con-
tra avertendæ patris menti
obicere posset. [Quibus fa-
ctum excusam sermonibus?
Fili, ego te pro meo cibo
vendidi. Funestior ergò jam
pauperis mensa, quàm divi-
tis. Ille addicit alienos, ego
meum vendo. Ille necessita-
tem imponit, ego affero vo-
luntatem. Excusabilior cau-
sa, adjiciam: Fili, pro fratri-
bus tuis servies, ut illis quæ-
rantur alimenta. Et Joseph à
fratribus suis in servitutem,

148 *Manuductio*

venundatus est; postea & ipsos & patrem pavit. Respondit & ille: sed non eum vendidit pater, sed flevit amissum. Sed postea etiam ipsi in potestatem divitis venerunt; & vix potuerunt postea liberari. Genus ejus, divitiis Ægypti, multâ etate servivit. Vende me postremo pater eâ conditione, ne divites emant. Hæc si fateor vera, quid faciam? Nullum vendam, sed cum unum considero, omnes videbo fame pereûtes. Si unum tradam, quibus oculis videbo cæteros de mea impietate suspectos, nè alios quoque vendam? Quo pudore regrediar domum? Quomodo intrabo? Quo habitabo affectu? qui mihi ablegavi filium, quem morbus non absumpsit, non mors abstulit? Quâ conscientiam considerabo mentis

sam meam, quam sicut novellæ olivarum in circuitu tot filii vestiebant?] Hactenus Tragedia lapidibus emolliendis par. Concludit verò melitissimus Ambrosius hunc in modum: [Hæc pauper te presente deplorat, & tibi avaritia aurem obstruit, nec mens tua facti miserabilis horrore molitur. Totus populus ingemiscit, & solus dives non fletis.] Do deniq; Paulinum, qui eâ, quâ solet, pietate, & florulentia amplificationem nobis ob oculos ponit, in qua libros obscenos exitiâlibus Sirenum carminibus elegantissime comparat, dum ep. 38 scribit: [Perniciosam istam inanium dulcedinem literarum, quasi illos patriæ obliteratores, vaccarum suarum lotophagos, ut Sirenarum carmina, blandimentorum,

S. Paulinus.

nocentium cantus evita.] Et
mox: [nam & voluptatum,
pestifera dulcedo, Patriæ no-
bis oblivionem facit, cum
homini Deum, qui est Patria
omnium communis, oblite-
rat; & illecebræ cupiditatum
illam Sirenarum fabulam,
veritate cladis, imitantur.
Nam quod illæ Sirenæ fuisse
finguntur, id verè sunt ille-
cebræ cupiditatum, & blan-
dimenta vitiorum; habent
enim in specie lenocinium,
in gustu venenum; quorum
usus in crimine, pretium in
morte numeratur. Has oportet,
ultra Ulyssis astutiam,
cauti, non auribus tantum,
sed & oculis obseratis, & ani-
mo, quasi navigio prætervo-
lante, fugiamus; nè sollicitati
delectatione lethifera, in cri-
minum saxa rapiamur; &
scopulo mortis affixi, nau-
fra-

fragium salutis obeamus.]

S. Augustinus etiam lib. 1. *S. Aug.*

Confess. cap. 16., ubi detestatur consuetudinem discendi latinitatem ex lascivis Poetis, ad libidinē incitantibus, Decorum magisterio; obscenos libros ait esse flumen Tartareum; & verbis uno se dignis contra hanc turpitudinem tonat, dum hoc argumentum, per metaphoram rapidi fluminis, amplificat.

Quid dicendum de Diminutione?

Hanc Græci vocant *μειωσις*; & prudentissimæ par est Eloquentiæ, eiusque artificium minimè negligendum. Sic Cupidinem cum aliquis verbosissima oratione laudasset, bellissimè retorquens adversarius, simulque diminuens, cum vespa contulit. [Alas habet, inquit, & ves-

pa habet; telum habet, & vespæ &c.]

SECTION VI.

*De Dispositione, & partibus
Orationis.*

QUæ est Dispositionis dignitas?

Ea est, ut sicut ingenii fontes, inventio; sic iudicii, Dispositio recludit. Quâ nulla virtus ad pulchritudinem orationis aptior, concinniorve reperiri potest; ut à qua omnis concinnitas, & præcipuus emerſit in structura ordo. Nam, teste Cassiodoro, de Arte Rhet. cap. 2. pag. mihi 563. [dispositio aliud nil est, quàm rerum inventarum in ordinem pulchra distributio.]

Cassiod.

Quænam sunt primæ dispositionis partes?

Pri-

Primæ partes sunt ex
ampla rerum copia, quas sive
lectio Authorum suggererit,
sive fons ingenii profuderit,
pauca & præclara seligere.
Sedeat igitur in Dispositionis
limine iudicium, tanquam
regius censor, qui inventa
omnia maturius examinet,
aliena repudiet, negligat cō-
munia; rara, si non ad rem
fuerint, non gravatè relin-
quat; eligat pulchra, nervosa,
florida; & quod maximum
est, ad rem collimantia.

Quenam sunt dispositionis
genera?

Tria illa à Dialecticis
enumerata: naturale nimi-
rùm, artificiale, & arbitra-
rium. Naturale est, quod na-
turæ ordine sequitur, atque
imitatur; atque id quatuor
potissimùm rebus, tempore,
naturâ, loco, dignitate. Ar-

bitrarium est, quod nullâ certâ ratione constat, sed solo dicentis, aut scribentis arbitrio dispensatur. Talis est liber Æliani de Animalibus, ubi omnia de industria permiscet. Artificiale est, quod ab arte ad aliquem destinatum finem aut voluptatis, aut utilitatis dirigitur, ex quo plerumque minimè servato naturæ ordine, prima posterioribus subjungit. Talis est ordo Poetarum, qui de industria res ab ovo non citant, sed à fine, aut medio incipiunt: deinde principia, datâ occasione intermiserunt. Artificiale item est, quod non sponte naturæ ubique profusus, sed ab arte cultus & instructus appareat.

Quotuplex est Dispositio artificialis?

Secundùm Aristotelem

tri-

triplex: Analytica, seu resolutiva, compositiva, & definitiva.

Quot modis potest fieri Analytica?

Quatuor. Primò, cùm à toto ad partes, quas Philosophi integrâtes, Cicero, totius, appellat, fit processus; ut, si quis de toto homine primū dicat; deinde singulas corporis partes pedetētim discutiat. Secundò, cùm non in partes totius, sed in partes generis fit gradatio; ut, si, explicatâ fortitudine, de magnanimitate in aggrediēdo, & patientia in tolerādo differam. Tertiò, cùm propositio aliqua in sua principia gradatim resolvitur; ut, si dicam, tolerandum esse dolorem, quia honestum est, & honestum, quia cum virtute conjunctum. Quartò, cùm à fine ad media regressus, per

similem gradationem instituitur; ut, si quis prævideat Rhetoricæ finem esse benè dicere, benè dici non posse, sine elocutione; elocutionem verbis quasi corpore, non secus, ac anima, constare; ideò inchoandum ab istis illi, qui ad destinatum scopum pervenire velit.

Quænam est compositiva Dispositio?

Est, quæ quatuor item modis primæ est opposita. Nam à partibus totius ad totum prolabitur: ut, cùm ab elementis Rhetoricæ ad considerationem integræ artis confurgit; similiter in partibus generis, prius Temperantiæ partes, & momenta; quàm ipsum genus considerat. Denique principia enunciationum prius, quàm enunciationes, media ante finem explicat.

Quæ

Quanam est definitiva?

Ex utriusque temperie conflata: fitque cum res in genere primum definitione explicatur, deinde in partes, sive in species tribuitur, quæ & singulæ descriptionibus, proprietatibusque suis illustrantur; ut, cum de optimo genere dicendi, dicturi, quale sit illud imprimis constitui-
mus; mox varia genera, & species ad uberiores intelligentiam complectimur, quæ methodus in tradendis disciplinis optima censetur.

Quotuplex est Dispositio oratoria?

Triplex, juxta triplicem causarum modum, & genus. In consultatione enim & judiciis, ut res manu fermè ducunt Oratorem, Dispositio faciliior est. In Laudatione, qui vitam gradatim narrare solet

158 *Manuductio*

folet ordo , censetur nimis
olere scholam: satius est ora-
tionem in certa virtutum ca-
pita partiri , & res gestas non
ordine naturæ , sed artificiali
recensere.

Quot sunt partes Disposi-
tionis?

Quatuor . Præit Exor-
dium , succedit Narratio, aut
Propositio , quam excipit
Confirmatio, & hanc claudit
Peroratio .

Quid nobis sentiendum de
Exordiis ?

Primò , dici non potest,
quantæ sint in hac parte , ex
præceptorum redundantia ,
ineptiæ, quamque ignoranter
titubetur à multis , qui vete-
res scholæ cantilenas scrupu-
losius observandas putant ,
ubi nihil opus est, imò reipsâ
penè reclamante , & nauscan-
tibus auriculis, longo circui-

tu verborum communes & frigidos Exordii nodos ingerunt. Venimus in id penè tempus, ubi vetus Arcopagitarum lex renovanda sit, qui dicere jubebant Oratores sine exordio. Quorsùm enim illi ambitus, & tot verborum ornatus, ut benevolè audiaris? Hoc sapientiâ & virtute animi comparatur. Ecquis erga te malè affectus est? Quis contra concionem, præsertim sacram, mussitabit? At dicēs: Attentione opus est; ergò utendum Exordiis? Non semper incumbit ista necessitas Exordiorum, quamvis attentos amemus Auditores; nam ut attenderent venerunt, & in principiis aures arrectæ sunt; vel maximè, si res placuerit, attendent. Locus docilitatis videtur magis necessarius: sed & hic paucis per-

te.

texendus est; nè dum vis dociles facere auditores, incipias divisionibus, & subdivisionibus confundere. Quid igitur? Omnia, inquires, Exordia sunt amputanda? Minimè illud quidem, sed prudenter moderanda: eos tantum agito, qui in præludiis & prolegomenis amant tempus & aures frustra consumere. [Ubique illis melius, quàm in re] politè dixit Aristoteles. Res una Exordii est, maximè necessaria, indicare finem; cuius gratia sit oratio; cætera plus habere videntur pompæ, quàm necessitatis. Qui verò cum Cassiodoro noverit, [Exordium esse orationem animum auditoris idoneè comparantem ad reliquam dictionem] is proculdubio prudenter iudicabit, quando, & ubi sit Exordium

*Arist.**Cassiod.*

dium necessario præhabendum.

Ad quot capita reducuntur Exordia?

Omissis tot Rhetorum, Commentis, & nominibus, puto Exordia rectè ad sex capita posse reduci. Primum, locum obtinent Exordia ab Adjunctis. Secundum, ab expositione finis: ut Athanasium laudans, virtutem laudabo. Tertium à visceribus causæ seu rei, hoc est, internis principiis. Quartum, quæ ab exemplis, parabolis, & fabulis. Quintum, quæ ab invocatione, quale est apud Ciceronem pro Muræna. Sextum, quæ ex Abrupto.

Debent ne Exordia esse argumentosa?

Si præsertim tertii sint generis, recipiunt argumenta, non quidem omnia, sed
ea

ea maximè quæ sūt à genere.

Debent item esse florida?

Si sint in genere iudiciali, aut deliberativo, simplici cultu debent esse Exordia.

Quis enim ineptum non putet, si, cùm totum orationis genus sobrium & grave esse debeat, initium fuco & pigmentis sit delibutum? At in orationibus exornativis, quæ non ad suasionem, sed ad delectationem instituuntur, longè alia ratio: & vehementer errant qui hæc genera unâ ratione præcepti complectuntur. Oportet enim hæc procemia compta esse & culta; florida & veneribus & gratiis pullulantia, quamquam nolim esse aliquid aut translatum audacius, aut ab obsoleta vetustate, aut poeticalicentia desumptum. Non dum enim recepti sumus, &

cu-

custodit nos recens audientium intentio : magis conciliatis animis , & jam calentibus ; hæc libertas , si modò unquam toleranda est , fertur alacrius. Præterea , ceteris orationis partibus uniri Exordia , adaptarique opere pretium est , nè à toto corpore disjuncta , intrusa potius , quàm propria esse videantur .

Unde dicitur Exordium ?

Dicitur per metaphoram ductam à textoribus ; uti proeminum à citharædis .

Quid est Exordium ?

Est , inquit Cicero , principium orationis , per quod animus auditoris , vel judicis constituitur vel apparatur ad audiendum .

Cicero.

Quot ejus partes ?

Nonnulli quatuor asserunt ; quamquam istud ubiq ; non observetur . Notatur tamen

men plerumque Expositio ,
Ratio , Redditio , Compro-
batio .

Quæ Exordii vitia ?

Vulgare , commune ,
commutabile , longum , se-
paratum , translatum , contra
præcepta : hæc sunt ejus præ-
cipua vitia . Vulgare , quod
in communes causas acco-
modatur , ut Delphicus gla-
dius . Commune , quod non
minùs in hanc , quàm in con-
trariam causam potest acco-
modari . Longum , quod plu-
ribus verbis , & sententiis ul-
tra , quàm satis est , produci-
tur . Separatum , quod non
ex ipsa causa ductum est , nec ,
sicut aliquod membrum ,
orationi annexum . Transla-
tum , quod aliud conficit ,
quàm genus causæ postulet ;
ut , si docilem faciat audito-
rem , cùm benevolum causa
de-

desideret. Contra præcepta, quod cum, qui audit, neque attentum, neque docilem, neque benevolum efficit.

Quæ ejus virtutes?

Virtutes sunt in quantitate, & qualitate. Quantitas in eo est, ut Orator justam habeat Exordii magnitudinē, & viriliter se expediat. Qualitas, ut de re sit, & pro re, & ab extremo principio ad narrationem descensus subtiliter fiat.

Qui finis Exordii?

Conciliandę benevolentia, attentionis, & docilitatis gratiâ. Benevolentia petitur à personis, à rebus, ab adiunctis personarum, & rerum: in persona spectantur, tum clientis nobilitas & innocentia: in adversariis odium, crudelitas, authoritas, &c. Sed hæc ad genus judiciale attinent.

nent. In rebus spectatur locus, tempus, opinio, fama, expectatio vulgi, dubitatio, admiratio, votum, invocatio divorum, exemplum inopinatum, &c. Attentionis verò partes sunt res magnæ, novæ, præclaræ, auditoribus utiles, &c. Docilitatis partes sunt distributionis brevitæ, & claritas. In tractatione autem, ut plurimum, omnia debent esse modesta, sententiæ, vox, vultus compositio, &c.

Quomodò fiunt propria Exordia?

Quando à re ipsa exordimur. Quod ut commodius fiat, spectanda est quæstio ad dicendum proposita. Alter modus est, quando ab ipsa hypothesi gradimur ad thesim, & rem initio dicendi proponimus, vel potius primis lineamentis adumbramus,

mus, sine tamen ulla insinuatione. Demonstrativum verò genus, ut natum est ad pompam, Exordiorum flore præter cætera vestiri atque ornari solet. Sumuntur autem hæc ab adjunctis; & ea satis crebra sunt, quæ per insignem aliquam historiam fiunt; cui statim propria redditio accomodatur, quod si aptè fiat, specimen habet eruditionis, & ingenii. Contra, si tortum, si intrusum, si nimis affectatum, juvenilem stylum sapit. In Deliberativo, Exordia gravia esse oportet, nec tamen curiosius elaborata; nihil vetat ab exemplo aliquando incipere; ut si quis rem honestam, & utilem proponat apud generosos Auditores, poterit ab historia generosi viri exordiri.

Quos decent Exordia ex abrupto?

Exor-

Exordia ex abrupto , & sine insinuatione , cuniculis , & quasi quodam calore mē-
tis excussa decent apprimè
fervidos & acres viros, Laco-
nicæque brevitatis amatores.
Idcirco sæpè in concionibus
Imperatorum , & Ducum
usurpantur , ut est annotare
in Livio , & recentius in Fa-
miano Strada . Et quidem
apud Livium [Quousq; tan-
dem ignorabitis vires vestras,
quas natura nè belluas qui-
dem voluit ignorare? -- Quid
stas miles? Non cum Latino,
Sabinoq; hoste res est , quem
victum armis, sociumque ex
hoste facias . In belluas strin-
ximus ferrum : hauriendus,
aut dandus est sanguis .]

Quid sentiendum de Nar-
ratione?

Plerique Narrationem
in eas angustias adduxerunt ,

ut

ut id solum esse vellent, quod facti civilis statusque causæ, ut cœdis, ut furti, ut sacrilegii &c. expositionem complecteretur: quo fit ut eorum de Narrationibus præcepta tenuia semper sint, & inter unius judicialis generis fines contenta. Verùm notatione dignum est quod observat Fabius Quintilianus [aliud *Quintil.* esse narrationem causæ, aliud eorum, quæ pertinent ad causam.] Narratio autem causæ tota judicialis est, quæ rei, de qua quæritur, continet enucleationem, ut cœdis Clodianæ in Miloniana. Eorum verò, quæ pertinent ad causam, latè sumitur pro cuiusque rei vel facti expositione. Quot sunt species Narrationis eorum, quæ pertinent ad causam?

Octo, ut Author est Cu-

H rius

rius Fortunatianus: scilicet, Dinguifis, Antidinguifis, Meriquidinguifis, Paradinguifis, Ipodinguifis, Catadinguifis, Epidinguifis, Diasqueufis. Prima est principalis, totam facti rationem solide complectens. Secunda fit, cum res secus narratur, quam ab Adversariis fuerit exposita. Tertia, quæ non primariam tantum facti rationem, sed omnes ejus partes & circumstantias enucleatè discutit. Quarta, quæ aliquas res gestas extra causam positas inducit, ad confirmationem tamen causæ non inutiles; ut si dicturus de Seji furtis, nonnulla de ejus ingluvie, & intemperantia, quasi rapacitatis fomite, dicas. Quinta, quæ quæstioni comprobandæ subjungitur, & quasi subintextur à propria narrationis sede di-

digressa. Sexta fit, cùm tota, oratio narrativa est. Septima, cùm latiùs in quæstionibus, vel ante epilogos exequimur eas res gestas, quas in narratione breviter attingimus. Ultima est, quæ res gestas non tam docet, quàm exaggerat. Ex iis fiet perspicuus narrationis usus; siquidem in genere demonstrativo, ut in laudatione personæ, utendum est catadinguisi, & diasquæsi, cùm tota res narrativa sit, sed non exili filo pertexenda, verùm magnis & collucentibus styli gemmis decoranda. In concionibus & chriis; seu orationibus, & scientiæ & quæstionis nulla est dinguisis, aut primaria narratio, sed ejus vices implet generalis Propositio. Variæ tamen sunt Paradinguises. In genere judiciali opus est semper.

narratione, nisi constet omnino de re gesta inter accusatorem & reum: sed ea, pro prudentia Oratoris, locum nonnunquam mutat, ubi aliqua ante constitutionem causæ præjudicia, & similia sunt amovenda: aliqua etiam reticet, alia immutat, alia colorat, alia invertit, alia exaggerat, pro causæ & rei necessitate. In genere deliberativo non est ubique necessaria Dinguifis, si constet de re, de qua deliberatur. Sin autem, & Dinguifi plerumque & Anti-dinguifi utendum est; consilium resque locusq; dabunt. Quot sunt Narrationes, in univcrsum sumptæ vitia? Ocho. Prolixitas scilicet; parentheses crebræ, ac longæ; ambiguitas verborum & sententiarum; nimia personarum rerumque multitudo & confusio,

fusio, uno veluti impetu sensibus objecta; quicquid incredibile & fabulis simile, præter communem naturam, præter morem & rationes, atque vias agendi; dictio humilis, obscura, impropria; dissolutio sine ullo decore, nexu, & articulis; ejusdem verbi crebra & inepta repetitio.

Quot sunt Narrationis in universum sumptæ, virtutes?

Quatuor. Expedita brevitās, in qua nihil tamen, mancum, nihil concisum, nihil decurtatum videatur. Perspicuitas, quā oratio, ut pellucidus amnis, fluit. Suavitas, quæ admiratione, expectationibus concitatis, exitu inopinato, motu animi, colloquiis personarum, doloribus expressis, iracundiis, metibus, lætitiis, cupiditatibus efficitur. Probabilitas,

quæ est in genere; si non nimis compta oratio, atq; expolita, si est authoritas, & pondus in verbis; si sententiæ vel graves vel aptæ opinionibus hominum, vel moribus: Quæque est in specie; si petatur à personis, à temporibus, à loco; si cuiusq; facti, & eventus causa ponatur; si testata dici videantur; si cum hominum opinione comprobetur; si cum authoritate conjuncta, si cum lege; si cum more & consuetudine; si cum religione; si probitas narrantis significetur; si antiquitas, hoc est, orationis gravitas; si memoria dicentis ostendatur; si orationis veritas, hoc est, si antea solitus est vera dicere. Ultimò, si vitæ fides addatur.

Quot sunt confutationis modi?

Quinque, juxta Aristote-

te.

telem. Primò, contemnendo, & nihili faciendo dicta adversariorum. Secundò, hypocrisi, hoc est, actione, vultu, gestu, & vocis sono. Tertiò, increpatione, ubi crimen aliquid maximè alienum, vel ipsa iudicum opinione, cum indignatione rejicitur: ut, Dii te perdant, fugitive, qui ista rejicis. Quartò, Antisagoge, seu compensatione, cum afferimus rem vel parè vel majorem. Quintò, Apopolanesi, hoc est, deductione, & fallaciâ, cum Judicem vel Auditorem à re nobis contraria deducimus; quando pollicemur de eo, quod objectum est, nos alio loco esse dicturos; & ita sensim elabimur, auditorumque animos ab eo, quod nos premebat, ad aliarum rerum, utilem considerationem tra-

ducimus ; quod sæpè facit Cicero .

Quis est confutationis modus optimus ?

Qui habet rationem non leuem personarum , rerum , & temporum . Multa indignatione , multa risu , multa interrogationis alicujus urbanitate , tela aduersariorum sunt persæpè feliciter hebetata , quæ rationum multitudo nunquam evicisset . Videntum igitur diligenter , quid oratoria prudentia præscribat . Pende verba Senecæ graviter refutantis quærimonias hominum contra Dei rectissimam providentiam : [Puta Deum dicere , quid habetis , quod de me queri possitis , vos quibus recta placuerunt ? Aliis bona falsa circumdedit ; & animos inanes , velut longo fallacique somnio , lusi .

Au.

*Sen. l. de
Provid.
c. 6.*

Auro illos, argento, & ebore
ornavi; intus boni nihil est.
Isti, quos pro felicibus aspici-
tis, si non quâ occurrunt, sed
quâ latent, videritis, miseri
sunt, sordidi, tûrpes, ad simi-
litudinem parietum suorum
extrinsecûs culti. Non est
ista solida & syncera felicitas;
crusta est, & quidem tenuis.
Itaque dum illis licet stare, &
ad arbitrium suum ostendi,
nitent & imponunt; cûm ali-
quid incidit, quod disturbet
ac detegat, tûc apparet, quan-
tum altæ ac veræ foeditatis,
alienus splendor absconderit.
Vobis dedi bona certa, man-
sura. Quando magis versave-
ritis, & undique inspexeritis
meliora, majoraque permisi
vobis, metuenda contemne-
re, cupienda fastidire. Non
fulgetis extrinsecûs; bona ve-
stra introrsûs obversa sunt.

178 *Manuductio*

Sic mundus exteriora contempnit, spectaculo sui lætus. Intus omne posuit bonum. Non egere felicitate, felicitas vestra est.]

Quis est Cōfutationis ordo?

Hic similiter à prudentia Oratoria dependet: sæpè minuta quædam objecta, quasi levioris armaturæ milites, in primo agmine conciduntur; mox ad graviora devenitur, vel è contra. Sæpè caput illud percellitur, cui cætera, quasi per annulos catenarum nexa cohærent, exinde reliqua nullo negotio dirimuntur.

Quid est Confirmatio?

Ea est, quæ contrariâ ratione eorundem argumentorum utitur; & cæteroqui per idem propè filum extenditur.

Quod est discrimen inter Confirmationem demonstrativam & judiciale?

Illà

Illa siquidem, cum de
iis rebus agat sapius, quæ
omnibus probatissimæ sunt,
florem, ornatum, & gratiam
spectat potius, quàm conten-
tiosam probationem. Hæc
autem magis instat rebus, &
argumentis, quàm verbis.

Quid est Ratiocinatio?

Est disputatorum pro-
prium telum; & si eâ minùs
expresse Oratores, magnâ
tamen dexteritate utuntur.
Nam & orationes plerumq;
rotas in syllogismo fundatas
esse videas.

Quid est Enthymema?

Si ratio ipsius nominis
spectetur, omni argumenta-
tioni communis est, & syllo-
gismus Dialecticus vocatur.
Ufus obtinuit apud Rhetor-
es, ut dicatur breviter com-
prehensa Ratiocinatio, cujus
res partes in unius veluti

propositionis corpus coalescunt?

Quid est Dilemma?

Est argumentum cornutum, ab utraque parte torquens adversarium; ut, si improbus est, cur uteris? Sin probus, cur accusas?

Quid est Sorites?

Syllogismum acervalem vocat Cicero, & inter cavillationes numerat Ulpianus. Cavillatio est, cum ab evidenter veris, per brevissimas mutationes, disputatio ad ea, quæ evidenter falsa sunt, perducitur.

Quid sunt cornua?

Argumentationes captiosæ; ut, quod non amisisti, habes; centum aureos non amisisti; ergo habes.

Quid sentiendum de Peroratione?

Peroratio, quasi extremus

mus actus restat Oratori strenuo & diligenti minimè negligendus. Henricus ille Rex dicebat, se Oratores ex perorationibus agnoscere. Prudentis igitur Oratoris est, initio non ita magnificis illis eloquentiæ propylæis, & Ionica structuræ deliciis capi, quin maturè consideret, quâ portâ commodissimè excedere, viriliterque se expedire possit. Et propterea spectandum est causæ genus. Occurrunt enim plerumque causulæ, quæ nec orationem merentur, nec perorationem: vel etiam breves oratiunculæ, in quibus si perorationem labores contentiùs, videaris rudis & inornatæ domunculæ, cæteris incuriâ neglectis, grande & locuples posticum extruere. Ubi perorationem non desiderat oratio, saltem

conari oportet, ut aliquâ virili & expeditâ conclusione claudatur. Si longior fuerit & gravior, tum erit epilogus summâ diligentia adtexendus, nè in portu, quod ajunt, naufragium faciat oratio. Quamquam verò sæpè in multis orationis locis, post res confirmatas, frequententur epilogi, in fine tamen præcipuum regnum obtinēt.

Quot in rebus sita est Pero-ratio?

In duabus, in enumeratione scilicet, & motu. Utrumq; consideratè spectandum, nec levi industriâ tractandum erit.

Quæ sunt potissima Pero-rationis præcepta?

Hęc. Primò, nè nimius sit Orator in iis pertractandis. Secundò, ut coquus cibos variis condimentis, ita no-
vum

vum orationis ferculum, & sententiarum novitate, & verborum varietate prudenter aspergat. Tertiò, ut illud potissimum frequentet, quod causæ fundamentum est, & auditorum animis relinquere nititur. Quartò, ut aptos modos accomodet, qui toti sunt in affectibus & figuris; de quibus, consequentibus sectionibus, agendum erit.

SECTIO VII.

De Elocutione.

Quid est Elocutio?

Cassiodorus lib. de *Cassiod.*
Rhetor. c. 2. ait: [est idoneorum verborum ad inventionem accomodata perceptio.] Vel, ut aliis placet, est apta ad persuadendum & graviter ornata locutio. Hinc
M. An-

M. Antonius ajebat [à se disertos viſos eſſe multos , eloquentem autem neminem .] Disertus namque ſatis putat dicere quæ oporteat : ornatè autem dicere proprium eſt eloquentiſſimi .

Quotuplex eſt Elocutio ?

Triplex ; dividitur enim in elegantiam , compositionem , & dignitatem . Elegancia eſt , quæ facit , ut unumquodque purè & apertè dici videatur . Hæc diſtribuitur in Latinitatem , & explanationem . Latinitas ſermonem purum conſervat ab omni ſolécismo & barbarismo , honeſtamq; in omnibus conſtitatur orationis munditiem . Compoſitio eſt ſtructura partium orationis , cujus officium eſt verba inter ſe connectere , nè quid præpoſterum ſit , nè quid aſperum , aut vaſtum ,

stum, nè quid obscuratum, negligentius, nè quid expressum putidius. Deinde singula inter se concisa pulchrè distinguere, mox etiam numeroso periodorū ambitu vincere. Ejus vis moderata, maxime verò in exornationibus, plurimum habet suavitatis.

Quæ est Oratio sine numeris?

Quæ quasi pannis & centonibus hispida videtur ancilla. Tantum verò in periodis, ad exornativam præsertim orationem, momenti situm est, ut quadrigæ albæ censeantur, quibus regina triumphat eloquentia.

Unde dicta est Periodus?

Ex metaphora ducta à cursu circulari, quem cursores obibant in stadio.

Quid est Periodus?

Densa & continens frequenten-

quentatio verborum cum
absolutione sententiarum .

Quid est cavendum in pe-
riodo ?

Nè justè Periodi explen-
di gratiâ , quo melius cadat ,
aut volvatur oratio , inania
quedâ verba inculcemus, qua-
si complemēta numerorum ,

Quotuplex est Oratio ?

Duplex; vinctâ, & soluta.
Vinctâ est quæ periodis decur-
rit: soluta, quæ licèt suos pedes
& numeros habeat, non est ta-
men his circumscriptionibus
certâ lege recurrētib⁹ illigata.

Quotuplex est Periodus ?

Triplex : alia est Pneu-
ma , seu spiritus , & definitur
structura orationis , quæ sen-
sum membris , incisiisque de-
finitum, ad Oratoris spiritum
& vocem accomodat . Talis
dicitur justâ Periodus . Alia
dicitur Clavis , quia sicut cla-
vis

vis ostium, sic expeditè referrat vim argumenti. Alia est Chiasmus, quasi decussata à litera X., quæ crucis in modum interfecantibus seipsas duabus obliquis lineis figuratur.

Quot sunt Periodi partes?

Duæ: colon, sive membrum, aut intermissio; & comma, quod intercisio pariter, & articulus nominatur. Membrum est oratio sensus perfecti, sed suspensi, ut: [antequam, P. C., dicam ea, quæ hoc tempore dicenda arbitror.] Articulus sive comma dicitur, cum singula verba intervallis distinguuntur, cæsâ oratione hoc modo: [Acrimoniâ, voce, vultu adversarios perterrui.]

Qui sunt pedes Periodi frequentiores apud Oratores?

Spondæus, Iambus,
Mo-

Molossus, Anapæstus, Dactylus, Dochimus, Dichoreus, Pæon primus & secundus. Hæc igitur si fuerit moderatè observata, lætioribus nonnunquam numeris exhilarant orationem. At contrà, si putidiùs discutiantur, sermonis nitorem non mediocriter artis infelicitate corrumpunt.

Quid faciendum, ut hi numeri discantur?

Lectitetur Cicero, & exercitatione excolatur Stylus.

Quid circa mensuram periodi servandum?

Ut sit moderata, ne membris longiùs excurrentibus utamur. Nam neque ars poetica ultra hexametrum progressa est, nisi alicubi in paucis.

Quo artificio implebitur periodus? Quin.

Quinque modorum artificio. Primò, per definitionem; secundò, per enumerationem; tertio, per interpretationem; quàrtò, per congeriem, five incrementum; quintò, per adjuncta, five circumstantias.

Quo artificio venustatur?

Si feligantur verba consonantia, gravia, lenia, nitida. Consonantiora sunt superlativa positivis, in gravi præsertim genere dicendi. Item verbalia præstant plerùmque: ut *Dominatrix animi cupiditas*, consonantius est, quàm si *Dominam* dicas. Ad summum, composita, ut grandiora sunt, sic vocaliora: ut [*Parentum poenas à consceleratissimis Filiis repetunt.*] Graviora sunt, quæ majorem vim aut bonitatis aut malitiæ ostendunt. Leniora

niora sunt, si vitentur sordida & abjecta.

Quot sunt vitia contra compositionem?

Sex. Primum, concursus, & hiatus vocalium; ut [ego omni officio.] Secundum, ejusdem literæ nimia assiduitas; ut [Xerxes opulentissimus Rex.] Tertium, ejusdem verbi nimia iteratio. Quartum, nimis crebra Homæoptota; ut [veniunt flentes, plorantes, lacrimantes, obtestantes.] Quintum, tractio verborum, & dispositio inconcinna; ut [inter sacra movit aqua fraxinos.] Sextum, longa verborum continuatio, & nimis prolixa periodus.

Unde exurgit tertia elocutionis pars, hoc est, dignitas?

A figuris.

Quid est figura?

Est

Est lumen , & ornatus orationis in pluribus : ad differentiam Tropi , qui est virtus & lumen in uno dumtaxat verbo; vel, ut Quintiliano placet [est verbi vel sermonis à propria significatione in aliam cum virtute mutatio], ut , [lætas segetes .]

Quot sunt Tropi?

Undecim : in uno verbo septem ; Metaphora , Synecdoche , Metonymia , Antonomasia , Onomatopœja , Catachresis , Metalepsis : in oratione verò quatuor ; Allegoria , Periphrasis , Hyperbaton , & Hyperbole .

Quid est Metaphora?

Est translatio verbi ex eo loco, in quo proprium est, in eum , in quo proprium deest ; aut quia translatum proprio melius est . Id facimus , aut quia necesse est, aut quia

quia significantius, aut quia decentius, ut gemmare vites, herbas luxuriare. Quâ translatione utimur quadrupliciter. Primò, cùm in rebus animalibus aliud pro alio ponitur; ut, [Scipio allatratur à Catone.] Secundò, cùm inanima pro aliis generis ejusdem sumuntur; ut, [concentu cœlorum nihil est dulcius.] Tertiò, cùm pro rebus animalibus inanima; ut, [Scipio fulmen belli.] Quartò, cùm è contrâ pro rebus inanimis animalia; ut, [Pontem indignatus Araxes.] Quod si timeas, ne nimis dura aut audax exurgat trāslatio, mollienda est, præpositis verbis, [si fas sit dicere; ut ita dicam &c.] Patres Ecclesiæ passim utuntur, & scitè quidem, metaphoris. Tertullianus, ut jejunii & orationis nexum, ostendit.

*Tertull.
de Pæ-
nit. c.9.*

ostenderet, dixit, [jejunium
ptecibus ali.] Petrus Chry-
sologus dum ait, tria esse,
per quæ stat fides, constat de-
votio, manet virtus, oratio,
misericordia, & jejunium;
addit: [sunt hæc tria unum;
dant hæc sibi invicem vitam.
Est namque orationis anima.
jejunium; jejunii vita, mise-
ricordia est.

S. P.
Chrysol.
ser. 43.

Quid est Synecdoche?

Tropus est, per quem
totum ex parte; aut contraria,
aut ex antecedentibus sequē-
tia ostenduntur, ut ex puppi
navis, & [Fontemque ignem-
que ferebant.] Huc spectat,
cū vel ex uno plures intelli-
guntur; ut [Romanus prælio
triumphator] vel genus ex
forma, tanquam parte illi
supposita; ut [Dentesque
Sabellicus exacuit sus] pro
quovis sue.

I *Quid*

Quid est Metonymia?

Nominis pro nomine positio, adinventor pro re inventa; possessa pro possessio-ribus; & contrà, contenta pro continentibus, effecta pro effici-entibus referuntur.

Quid est Antonomasia?

Est pronominatio; ut, novus Arpinas, pro Cicero-ne: Thaumaturgus pro Gre-gorio &c.

Quid est Onomatopæja?

Nominis fictio, ut Syl-laturit, idest, Syllam imita-tur.

Quid est Catachresis?

Abusio vocis; ut, Equum ædificant.

Quid est Metalepsis?

Est, & exurgit ex his, quæ aliter significant, idest, transumptio ex alio in aliud, veluti viam præstans. Hic autem Tropus est rarissimus, & ma-

& maximè improprius; ut, *Vit. 3.
Ecc. 1.*
[post aliquot mea regna videns mirabor aristas.]

Quid est Allegoria?

Est, quæ aliud verbis, aliud sensu ostendit; ac etiam interim contrarium. Non hic est omittenda nobilis & ingeniosa Allegoria, quam è Zodiaci signis S. Zeno Episcop. & Martyr. Veronensis, ad animarum instructionem, intexit, dum scitè verba faciens ad Neophytos serm. 5. *S. Zeno.*
sic interrogat: [Forsitan requiritis & à nobis, quâ geniturâ, quove signo tam diversos, tam plures, tam dispares una uno partu vos peperit mater? Sicut parvulis morem geram; sacrique horoscopi pandam totâ brevitate secreta. Igitur, Fratres, genesis talis est vestra. Primos vos, qui in se credentem reprobant

nullum, non Aries sed Agnus excepit; qui vestram nuditatem velleris sui niveo candore vestivit; qui suum lac beatum, vagitu hiantibus vestris labris indulgenter infudit. Idem non tumidus cervice, non torvus fronte, non minax cornu Taurus, sed optimus, dulcis, blandus, ac mitis vos admonet vitulus, ut nulla ullo in opere captantes auguria, ejus sine malitia succedentes jugo, terramque vestræ carnis domando foecundantes lætam divinorum seminum messem cœlestibus horreis inferatis. Et admonet prosequētibus geminis, idest, duobus, salutare canentibus Testamentis, ut principaliter idololatriam, impudicitiam, avaritiamque fugiatis, quæ est incurabilis Cancer. Leo autem noster, sicut Genesis pro-

protestatur, Leonis est catulus; cujus ista pia sacramenta celebramus, qui ad hoc recubans obdormivit, ut, vinceret mortem; ad hoc evigilavit, ut beatæ resurrectionis suæ in nos munus immortalitatis conferret. Quem competenter sequitur Virgo prænuncians Libram, ut nosceremus Dei per Filium, qui incarnatus processit ex Virgine, æquitatem, justitiamque terris illatam: quam qui constanter tenuerit, ac fideliter ministraverit, non dicam, Scorpionem, sed sicut Dominus ait in Evangelio, omnes omninò serpentes illesâ planta calcabit. Sed nec ipsum quoque Diabolum, qui vere est acerrimus Sagittarius, formidabit unquam, variis atque igneis sagittis armatus, totius humani generis omni

momento corda distringens. Propter quod sic Paulus Apostolus ait : induite vos armaturam Dei , ut possitis stare adversus insidias Diaboli , accepto scuto fidei , per quod poteritis omnes sagittas illius mali , quæ sunt igne plenæ , extinguere . Is enim infelicibus nonnunquam immitit Capricornum vultu deformem , & per cornu exilioris labra liventia , spumantibus venis ebulliens , palpitante ruinâ captivi , totâ miserabiliter per membra desævit , alios amentes , alios furiosos , alios homicidas , alios adulteros , alios sacrilegos , alios avaritiâ efficit cæcos . Longum est ire per singula , varias atque innumerabiles nocendi artes habet ; sed has omnes salutarî profluens amne , non magnoperè noster

Aqua-

Aquarius delere consuevit ;
quem necessario uno sequun-
tur duo Pisces in signo, idest,
duo ex Judæis & gentibus
populi, baptismatis aqua vi-
ventes, in unum populum
Christi uno signo signati.]

Quid est Periphrasis?

Est circuitus loquendi,
necessitatis, vel ornatus causâ
adhibitus; ut,

Tempus erat, quo prima
quies mortalibus agris
Incipit, & dono Divûm
gratissima serpit.

Quid est Hyperbaton?

Quod opportunâ ordinis
mutatione aliquid ex signifi-
catione mutando, numero-
sam reddit orationem. Lege
Fab. Quintilianum lib. 8.

Quid est Hyperbole?

Schema vel Tropus, in
quo excedit veritatem sen-
tentia; ut [qui candore nives

anteirent, cursibus auras.] Sic Lothus hyperbolica usus est phrase, dum cupidissimus angelicos advenas, in tutela sua constitutos, eripiendi contumelia, quæ illis à nefando populo impendebat, obtulit filias suas Virgines ad stuprum, dicens: *Nolite, quæso, fratres mei, nolite malum hoc facere. Habeo duas filias, quæ necdum cognoverunt virum; educam eas ad vos, & abutimini eis, sicut vobis placuerit, dummodò viris istis nihil mali faciatis, quia ingressi sunt sub umbra culminis mei. Nec id suasit, animo inducendi ad malum minus, ad devitandum majus, sed, ut rectè vidit Cajetanus in hunc locum, ad avertendum tantâ suâ submissione, populum à cæptis nefariis. Eâque ratione Lothus, ut justus, ab Apostolo Petro laudatus*

Gen. 19.
7. & 8.

1. *Petr.*
2. 7.

datus subducitur immani flagitio prostitutionis filiarum, certis viris jam desponsatarum. Similem hyperbolem usurpavit Judas, flectendo patri peraccomodam, dicens: *duos filios meos interfice, si non reduxero tibi Benjamin.* David etiam Jonatham alloquens, *si est, ait, iniquitas in me, tu me interfice, & ad patrem tuum ne introducas.* Non quod hanc oblationem acceptari vellēt, aut crederent, sed, ut tam modestā animi demissione, moverent quos rogabant, & exorarent postulata.

*Gen. 42.
37.*

*1. Reg.
20. 2.*

Quot modis fiunt figuræ verborum?

Tribus, per adjectionem, per detractionem, & per similitudinem.

Quæ figuræ fiunt per adjectionem?

Hæ. Imprimis Repeti-

I 5 tio,

Cic.

tio, quæ est cum ab eodem verbo trahitur sæpius oratio; ut [nihil agis, nihil moliris, nihil cogitas.] Secundò, *Conversio*, quæ est, cum in idem Verbum conjicitur frequenter oratio. Cicero in Antonium. [Doletis tres exercitus populi Romani interfectos? Interfecit Antonius. Desideratis clarissimos viros? Eripuit Antonius. Auctoritas hujus Ordinis afflicta est? Afflixit Antonius.] Tertiò, *Complexio*, quæ *Repetitionem* & *Conversionem* complectitur; ut, [Qui sunt, qui fœdera populi Romani sæpè ruperunt? Carthaginienses. Qui sunt, qui crudele bellum in Italia gesserunt? Carthaginienses. Qui sunt, qui Italiam deformarunt? Carthaginienses. Qui sunt, qui postulant ignosci? Carthaginienses.]

nenfes.] Quartò, Conduplicatio, quæ est verborum geminatio, magnam vim interdum, & leporem addens. Cicero in Catilinam. [Vivis & vivis, non ad deponandam, sed ad confirmandam audaciam.] Quintò, Tractatio, quæ est, cum verba paululùm immutata ponuntur. Cicero: [Pleni sunt omnes libri, plena exemplorum vetustas &c.] Sextò, Synonymia, quæ est Communio nominis; ut, [prostravit, afflixit, perculit.] Septimò, Polyfyndeton, quod est Schema sententiis multorum articulorum convenienti copiâ redundans. Octavò, Gradatio, quæ est, cum gradatim fursùm versùs reditur; ut, [Africano virtutem industria, virtus gloriam, gloria æmulos comparavit.]

Cic.

Quæ sunt figuræ verborum, quæ fiunt per detractiōnem?

Hæ. Primò, Dissolutio, quæ est, cum demptis conjunctionibus, dissolutè plura efferuntur; ut, [ejus virtuti, fidei, felicitati commendata est.] Secundò, Adjunctio, quæ est, quando unum ad verbum, quod primum aut postremum collocatur, plures sententiæ referuntur, quarum unaquæque illud desideraret, si sola poneretur; ut [vicit pudorem libido, timorem audacia, rationem amentia.] Tertiò, Disjunctio, quæ est, cum eorum, de quibus loquimur unum quodque certo clauditur verbo. Cicero: [Me autem &c. aut otium meum abstraxerit, aut voluptas avocarit, aut somnus retardarit.] Quartò, Synecdoche

che , non Tropus modò , sed verborum exornatio fit , cum subtractum aliquod verbum satis ex cæteris intelligitur . Cicero : [sermo nullus , nisi de te .]

Quæ sunt figuræ verborum , per similitudinem ?

Hæ . Primò , Annominatio , quæ est , cùm paululum immutata verba , atque deflexa in oratione ponuntur ; ut D. Bernardus dixit : [Cœlum mihi cella est .] [non , laudator , sed adulator est .] & , [hanc pestem reprimere , non comprimere possum .] Secundò , Compar , quæ habet membra orationis , quæ constat ex pari ferè numero Syllabarum . Tertiò , Contrapositum , quod fit pluribus modis , & habet in omni genere orationis summam utilitatem . Unum genus est ,
cūm

cùm contrariæ res inter se conferuntur; ut, [Alter eorum erat in dando benignus, alter in accipiendo astutus; illum omnes conquirebant, hunc vitabant.] Secūdum est, quando fit in una persona; ut [olim in adolescentia omnem gloriam sectabar; nunc in senectute omnem confusionem amplector.] Quartò, Commutatio, quæ est, cùm duæ sententiæ inter se diffidentes ita efferuntur, ut à priori posterior, contraria, priori proficiatur. [Non ut eadem vivo, sed ut vivam edo.]

Quid verborum figuræ orationi conferunt?

Si quis moderatè, & cùm causa postulat, verborum figuris utatur, maximè nobilioribus, dulciorem reddet orationem.

Quæ

Quæ sunt figuræ sententiarum ?

Quæ non in verbis , sed in ipsis rebus suam præferunt dignitatem .

Quid est Interrogatio ?

Est , quoties non scis citandi gratiâ assumitur , sed instandi . Ut [quousque tandem abutere , Catilina , patientiâ nostrâ ?] Sic S. Cyprianus Ep. & Martyr. Oratorq; disertissimus , sub finem libri de mortalitate animans eos , qui deficiebant , & cadebant animis , ob vitæ contractionem , per tonsuram generis humani , à lue tunc immaniter grassante , hæc eloquitur interrogans : [si in habitaculo tuo parietes vetustate nutarent , tecta desuper tremarent , domus jam fatigata , jam lassâ , ædificiis senectute labentibus , ruinam proximam

miam minaretur; nonne omni celeritate migrares? Si navigante te, turbida & procellosa tempestas, fluctibus violentius excitatis, prænuntiaret futura naufragia; nonne portum velociter peteres? Mundus ecce nutat, & labitur, ac ruinam sui non jam senectute rerum, sed sine testatur; & tu non Deo gratias agis, non tibi gratularis, quod exitu maturiore subtractus, ruinis & naufragiis & plagis imminentibus exuaris? Considerandum est, fratres dilectissimi, & identidem cogitandum, renunciaſſe nos mundo, & tanquam hospites & peregrinos hîc interim degerere. Amplectamur diem, qui assignat singulos domicilio suo; qui nos isthinc creptos, & laqueis sæcularibus exsolutos Paradiso restituit, & regno.

regno coelesti. Quis non peregrè constitutus properaret in patriam regredi. Quis non ad suos navigare festinans, ventum prosperum cupidius optaret, ut velociter charos liceret amplecti? Patriam nostram Paradisum computamus, parentes, Patriarchas habere jam coepimus. Quid non properamus & currimus, ut patriam nostram videre, ut parentes nostros salutare possimus? -- Ad hos, fratres dilectissimi, avidâ cupiditate properemus, ut cum his citò esse, ut citò ad Christum venire contingat, optemus.] Quis Cyprianum audiens, non dicat cum Paulo: *Cupio dissolvi, & esse cum Christo?*

Quid est Responsio?

Est, cum aliud interroganti, ad aliud, quia sic utilius est, occurritur, tum augendi

*s. Jo.
Chrysost*

gendi criminis gratiâ, tum
declinandi. Chrysoſtomus
homil. 32. ad populum An-
tiochenum in fine, poſt ex-
poſitam vitam hominis ſe-
cundùm virtutem, graphicè
deſcribit nonnullos, imò ple-
roſque hominum, qui, non
modò degenerârunt in beſtias
ob morum pravitatẽ, ſed
& infra bruta ſe deiecerunt;
elegantè admiscens reſpon-
ſiones interrogationibus, in
hunc modum: [Quotquot
tales non ſunt, ſunt peiores
brutis. Cùm enim in corpo-
reis ſuperêris, animi verò
præſtantiis careas, quomodò
brutis non es inferior? Pro-
duc enim aliquem in malitia
vigentium, & irrationabi-
lium, viventium in deliciis &
avaritia: agnus eſt ipſo bel-
laciore, fortior aper, lepus ve-
locior, ſpecioſior pavo, cy-
gnus

gnus dulcisonantior , major
elephas , aquilæ visûs acutio-
ris , ditiores cunctæ volucres.
Unde dignus est igitur brutis
imperare ? Ex ratione ? Sed
non inest ; cùm enim eâ , non
ut debet , utatur , etiam illis
pejor est . Nam cùm ratio-
nem habens , sit illis irratio-
nabilior , melius erat , si nec
ab initio rationalis factus fuisset . Non enim par est , prin-
cipatum acceptum prodere ,
& ad tempus non accipere .
Nam & qui regnat , & satelli-
tibus pejor est , ei melius esset ,
si purpuram non induisset .
Ita profectò & hîc . Scientes
itaque quòd & brutis sumus
pejores , si virtute careamus ,
hanc exerceamus , ut efficia-
mur homines .]

Quid est subjectio ?

Est , cùm Orator vel in-
terrogat Scipsum , & respon-
det

Senec.

det sibi; vel, cùm alium rogaverit, non expectat responsum. Habet Seneca insignem subjectionem ad cohibendam iram. Nam, cùm hæc ut plurimum illatæ per alterum injuriæ concitetur; cogitandum diligenter est, vel eam injuriæ irrogationem ab aliis renunciatam, vel à nobis ipsis deprehensam esse. [His quæ narrata sunt, ait in hanc rem moralis Philosophus lib.2. de Ira c.29., non debemus citò credere. Multi ementiuntur, ut decipiant; multi, quia decepti sunt. Alius comminatione gratiam captat; & fingit injuriam, ut videatur doluisse factam. Est aliquis malignus, qui inimicitias cohærentes diducere velit. Et suspicax, & qui spectare ludos cupiat, & ex longinquo tutoque speculetur quos cōmisit.]

misit.] Cùm verò per nos ipsos injuriam deprehendimus , excusanda cùm alia , tùm maximè personæ conditio . [In his , pergit Stoicus suprà cap.30., naturam excusiemus , voluntatemque facientium . Puer est ? Ætati donetur , nescit an peccet . Pater est ? Aut tantùm profuit , ut illius jam injuria jus sit , aut fortassis ipsum hoc meritum ejus est , quod offendimur . Mulier est ? Errat . Jussus est ? Necessitati quis nisi iniquus succenset ? Læsus est ? Non est injuria pati quod prior feceris . Judex est ? Plus illius credas sententiæ , quàm tuæ . Rex est ? Si nocentem punit , cede justitiæ ; si innocentem , cede fortunæ . Mutum animal est , aut simile muto ? Imitaris illud , si irasceris . Morbus est , aut cala-

calamitas? Leviùs transiliet
sustinentem. Deus est? Tam
perdis operam, cum illi iras-
ceris, quàm cum illum alteri
precaris iratum. Bonus vir
est, qui injuriam fecit? Noli
credere. Malus? Noli mirari.
Dabit penas alteri quas debet
tibi: Et jam sibi dedit, qui
peccavit.]

Quid est Occupatio?

Est, cum id quod aut in
adversarii causa, aut in judi-
cis opinione esse, aut fore
arbitramur, contrarium no-
bis præoccupamus dicere, &
cum ratione dissolvere. Ita

Epictet. Epictetus apud Arrianum,
lib. 2. cap. 18. ad capeffendam
virtutis honestatem, nititur
cunctationem remove hif-
que magnificis verbis cun-
ctabundum præoccupat, &
seriò increpat: [Quousque
tandem differes præstantissi-

ma

ma quæque tibi vindicare,
& nullatenus distinctionem
rationis violare? Accepisti
præcepta, quæ amplectenda
tibi fuerunt, eaque amplexus
es: Qualem igitur adhuc Do-
ctorem expectas, cuius in-
adventum, tui correctionem
differs? Non jam adolescens
es, sed maturâ ætate vir. Itaq;
si neglexeris, & cessâris, ac
subinde moræ moram, pro-
posito, propositum adjūxeris,
& dies alios post alios consti-
tueris; non animadvertes,
nihil te profecisse, sed homi-
nem plebejum fore tam vi-
ventem, quàm morientem.
Nunc igitur viri perfecti, &
proficientis vitam tibi sume,
ac quicquid tibi visum fuerit
optimum, ea lex sit inviola-
bilis. Ac si quid laboriosum,
aut suave; aut gloriosum, aut
ignominiosū ingruerit; me-
men-

mento, tùm adesse discrimen,
 tùm instare Olympia, nec
 licere differre: ac profectum
 unâ clade ac remissione, vel
 perire, vel retineri. Ita So-
 crates in Eum evasit qui fuit,
 cum in omnibus se ipse pro-
 moveret; cùm nemini auscul-
 taret, nisi rationi. Tu verò
 & si nondum es Socrates, sis
 tamen ut qui Socrates esse
 velis, debes vivere.] In hæc
 verba Simplicius Hesiodi di-
 ctum illud meritò commen-
 dat,

Differ opus, nunquam
 non conflictabere dam-
 nis:

Additque ignavię prætextum,
 moram esse. Tantum porro
 abesse, ut per segnitiam &
 procrastinationem retunda-
 tur difficultas; ut potius sen-
 sim augescendo, fiat denique
 ineluctabilis. Pulchre prosc-
 qui-

quitur eandem Occupationis figuram prælaudatus Epicte- tus lib.4. cap.12.: [Quando dixeris: in crastinum adhibebo diligentiam: id abs te dici scito, quò nimirum velis hodie imprudens, importunus, abjectus esse. Item, in potestate erit alterius, ut me, hodie afficiat ægitudine animi, hodie excandescam, in- videbo. Considera, quæ mala in te admittas; sed cras, ais, meliùs habebò. Quantò melius, si hodie, quàm si cras caperis? Plus conducet, si hodie incipias, ut id nimirum in crastinum quoque præstare possis, ac non in tertium quoque rejicias diem?]

Quid est Correctio?

Est, quæ tollit sententiam aliquam, aut verbum, & eam, sive id, aliâ sive alio, quæ aut quod, magis idonea

K sive

sive idoneum videtur, emendat & corrigit. Vide infra, ubi exemplum Correctionis habes satis luculentum.

Quid est Dubitatio?

*S. Basil.
orat. 39.*

Est, cum quærimus, unde incipiendum, ubi desinendum, quid potissimum, dicendum, an prorsus dicendum sit. Basiliius Selenciæ cum præmisisset processionem Divini Emmanuelis in mundum, & omnia ejus adjuncta, subjungit: [Quæ omnia, sancta Domini, totius universi Mater, ac verè Deipara, in corde conferens, uti scriptum est, rerum admirabilium accessione exhilarata, cumulatione gaudio intus perfunditur, & simul Filii, qui Deus est, oculis menti-que objecta amplitudine percellitur. Ut igitur divinum Infan-tem contemplata est, desin-

desideriis reverentiæ plenis,
ut reor, devincta, hæc sola
cum solo agitabat colloquia:
Quam tibi, Fili, congruam
appellationem inveniam? Ho-
minis? At conceptio tua di-
vina est. Dei? At humanam
carnem sortitus es. Quid er-
gò mihi tecum faciendum?
Lacte nutricabor, an Deum
considerabo? Curabo ut ma-
ter, an adorabo ut ancilla?
Circumplectar ut Filium, an
venerabor ut Deum? Lac in-
dam, an thymiana inferam?
Quodnam hoc maximum &
inenarrabile miraculum? Cæ-
lum tibi sedes, & te sinus
meus gestitat: totus præsto
es terram habitantibus; &
non à coelitibus prorsus ab-
junctus. Non contingit ista
descensio loci mutatione, sed
divina fuit condescensio. De-
prædico tuam in homines

charitatem, non scrutor tuam
Incarnationem.]

Quid Communicatio?

2. in
Verrem
11. 32.

Cum aut ipsos adver-
sarios consulimus, aut cum
Judicibus deliberamus.

Quid est Prosopopeia?

Orig.

Ea est, cum personas in
rebus constituimus, quæ sine
personis sunt; aut eorum
hominum, qui fuerunt tan-
quam vivorum, & præsertim
actionem, ac sermonem in-
ducimus. Ita Origenes con-
tra Celsum. [Nam cum cru-
delitatis mater est avaritia,
tam pater furor; ea huic fa-
cinori conjuncta parit odium,
inde item nascitur exitium.
&c.] Sed inter reliquas exi-
mia est Prosopopeia, quâ no-
bilis quidam nostri temporis
Theologus & Orator inducit
almam Dei Parentem, in
momento suæ incontaminatæ

Con-

Conceptionis sic Deum allo-
quentem : [Deus Deus meus
(à qua enim voce auspica-
tiùs ordiar , quàm à tuo sua-
vissimo ac mellitissimo no-
mine) ad te de luce vigilo .
In hac primâ lucis usurâ , hoc
in crepusculo vite exorientis ,
manè diluculò ad te affurgo ,
te adoro , te mentis brachiis
stringo , te ardeo , piissime ,
sanctissime , benevolentissi-
me . Sitiivit in te anima mea ,
quàm multipliciter tibi caro
mea . Ex hoc vitæ meæ exor-
dio anima , & per redundan-
tiam caro mea in te æstuosif-
simè feruntur , te concupis-
cunt quàm ardentissimè , ut
qui vehementi siti exuritur .
In hoc abdito , in hoc mater-
ni uteri recessu , & avia soli-
tudine , verè in desertâ & in-
viâ terrâ appareo tibi , sicut
in sancto , non secùs ac in

Templo cultui tuo, & honoribus addicto, videns virtutem tuam & gloriam tuam, admirans & celebrans ex intimis medullis tuam potentiam & gloriosa attributa, beneficentiam, magnificentiam. Quâ verò in re, Deus Optime Maxime? Num in structura coelorum, qui enarrant mutis sermonibus, & tacito clamore gloriam tuâ? Num in universi rectione sapientissima, & plena miraculi providentia? An ob collatam mihi vitam & educationem è mihi abyſſo, in qua hætenus delirui? Nihil horum cogito, præ argumento suaviore benevolentiae erga me tuæ. Quoniam melior est misericordia tua super vitas. Debeo fanè tibi quod vivo, & hoc esse naturale quod fortior, eleemosyna tua est,

est, nihil tale promeritæ collata. Fundum est, cui reliqua donorum tuorum veluti fabrica superstruitur, deincepsque superstruetur. At supra vitam triplicem, quâ me liberaliter intra naturæ ordinem instruis (vegetantem, dico sentientem, rationalem) ac etiam supra mille vitas inferioris huiusce ordinis, si totidem largireris, misericordia, qua me in hoc momento prævenis, anteoccupans iniquinationem infusione gratiæ tuæ melior est ac potior supra omnem comparisonem. Indè tibi benedico, & laudis argumentum capio, nunc corde & affectu te celebrans, suo etiam tempore etiam vitulos labiorum, nomini tuo concinentium, adjungam. Nunc quidem auspico, benedictionibus te prosequi, sed reli-

quum vitæ, quanta erit, in
hoc pio & necessario erga te
affectu, lubens volens consu-
mam. Sic benedicam te in
vita mea, & in nomine tuo
levabo manus meas. Attol-
lam puras manus in nullo de-
ficientes circa Decalogi tui
expletionem. Crescet per
tuam benignitatem spiritua-
lis sagina, quâ meam nunc
animam farcis & impinguas,
unde novarum semper lau-
dum argumētum desumam.
Sicut adipe & pinguedine
repleatur anima mea, & la-
biis exultationis laudabit os
meum. Et verò si in hoc stra-
to animæ, in hoc obscuro,
qui me excipit lecto, in infe-
rioribus terræ memor sum
tui, & gratè recolo tuam in
me benignitatem, non absti-
nam deinde meditari, & re-
cogitare, atque agnoscere.
bene-

beneficium hoc matutinum
planè singularissimum. In
matutinis meditabor in te,
quia fuisti adjutor meus. Gau-
dens gaudebo in perpetuum
hanc ob causam; & in hoc
velamento alarum tuarum,
in hac tanta protectione tua
recogitata, exultabo. Erit
hæc mihi nunquam inter-
morituræ lætitiæ & laudis
materia, quia adhæsit anima
mea post te; quia eruisti me
ex inferno inferiori, in quod
præcipitatura eram; me sus-
cepit dextera tua.] Vide etiam
Boetium qui perpulchram
inducit Prosopopeiam lib. 1.
Consol. Philos. sub initium.

Boetius.

Quid est Apostrophe?

Est averfus à Judice, vel
Auditore sermo; necessaria
plerumque figura, ubi quæ
ad alios dicta volumus, ad
alios dicere videamur. Te-

nerrima est Beati Ambrosii
Apostrophe ad Gratianum,
& Valentinianum emortuos
Imperatores, quæ sic incipit:
[Beati ambo, si quid meæ
orationes valebunt. Nulla
dies vos silentio præteribit.
Nulla inhonoratos vos mea
mea transibit oratio. Nulla
nox, non donatos aliqua pre-
cum mearum contextione
transcurret: Omnibus vos
oblationibus frequentabo.
Quis prohibebit innoxios no-
minare? Quis vetabit com-
mendationis prosecutione
complecti? Si oblitus fuero
te, sancta Hierusalem, hoc
est, sancta anima, pia & pa-
cifica germanitas, obliviscā-
tur me dextera mea; adhæ-
reat lingua mea faucibus
meis, si non meminero tui;
si non meminero Hierusa-
lem in principio meæ lætitiæ.

Ipse

Ipse me citius, quàm vos obli-
viscar. Etsi unquam sermo ta-
cebit, loquetur affectus. Etsi
vox deficiet, non deficiet gra-
tia, quæ meis est infixæ præ-
cordiis. Quomodò cecide-
runt potentes? Quomodò
uterque super illa Babylonis
ceciderunt flumina? Quo-
modò rapidiora utriusque
vitæ fuere curricula, quàm
ipsius Rhodani sunt fluentia?
O mihi Gratiane & Valenti-
niane speciosi & charissi-
mi, quàm angusto vitam
fine clausistis? Quàm proxi-
ma vobis mortis fuere confi-
nia? Quàm sepulchra vicina,
Gratiane inquam & Valenti-
niane? In vestris nominibus
adharere juvat atque delecta-
ri, in vestra commemora-
tione requiescere. Omnibus,
Gratiane & Valentiniane,
speciosi & charissimi, insepa-

rabiles in vita, & in morte non estis separati. Non vos discrevit tumultus, quos non discernibat affectus: Non causa mortis separavit, quos pietas una iungebat. Non virtutum distantia dispares fecit. Super columbas, simpliciores; super aquilas, leviores; super agnos, clementiores; super vitulos, innocentiores. Gratiani sagitta non est reversa retrò, & Valentiniani iustitia non fuit vacua, nec inanis authoritas. Quomodo sine pugna ceciderunt potentes? Doleo in te, fili Gratiane, suavis mihi valde. Plurima dedisti tuæ pietatis insignia. Tu me inter tua pericula requirebas; tu in tuis extremis me appellabas, meum de te plus dolebas dolorem. Doleo etiam in te, fili Valentiniane, speciosus mihi valde.

Ce-

Ceciderat amor tuus in me,
sicut amor pignoris -- Hei
mihi, qualia amisi pignora!
Quomodo ceciderunt poten-
tes, & perierunt arma concu-
piscencia Deum? Et quia
nemo habet quod alii plus
deferat, quam quod sibi op-
tat, non me ab illis post mor-
tem separe, quos in hac vita
clarissimos sensi; Domine
peto, ut ubi ego fuero, sint
& illi mecum; ut illic eorum
perpetuâ copulâ fruam, quia
hîc uti eorum diuturniore
coniunctione non potui. Te
quæso, summe Deus, ut cha-
rissimos juvenes maturâ resur-
rectione suscites & resuscites;
ut immaturum hunc vitæ
istius cursum, maturâ resur-
rectione compenses.]

Quid est Hypotyposis?

Est proposita quædam
ratio rerum, ita expressa ver-
bis,

Cicero. bis, ut cerni potius videatur,
quàm audiri; ut, [inflam-
matus scelere ac furore, in-
forum venit: ardebant oculi,
toto ex ore crudelitas emica-
bat.] Hieronymus Strido-
niēsis consolaturus Salvinam
nobilissimam fæminam, quæ
Maritum Nebridium amise-
rat, superstites ex eo parvulos
Nebridium & Sororem illi
Hieron. ob oculos ponit, sic affabrè
ad Sal. per Hypotyposim expingens:
winam. [Tenemus pro eo dulcissi-
mos liberos uxor heres, pu-
dicitiaæ pretium est. Nebri-
dus Pufio patrem quærenti-
bus exhibet. Sic oculos, sic
ille manus, sic ora ferebat:
scintilla vigoris paterni lucet
in filio; & similitudo morum
per speculum carnis erum-
pens, ingentes animos angu-
sto in pectore versat. Jungi-
tur ei germana, rosarum &
lilio-

liliorum calathus, eboris
ostrique commercium. Sic
refert ore patrem, ut ad ve-
nustatem propensior sit: sic
matrem mixtâ similitudine
pingit, ut in uno corpore
utrumque agnoscas. Ita sua-
vis est, & mellitula, ut honor
sit omnium propinquorum.
Hanc tenere non dedignatur
Augustus; hanc fovere in-
fanti Regina letatur; certatim
ad se omnes rapiunt. Pender
ex collo, hæret in brachiis
singulorum. Garrula atque
balburiens, linguæ offensione
fit dulcior. Habes igitur, Sal-
vina, quos nutrias, in quibus
virum absentem tenere te
credas. Ecce hereditas Do-
mini, filii, merces, fructus
ventris. Pro uno homine
duos filios recepisti, auctus
est numerus charitatis. Quic-
quid debebas matrito, redde
filiis.

filiis . Amore præsentium
 absentis desiderium tempera.] Sed adspice amoris energiam per varias Hypotyposes concinnè descriptam. Sit prima S. Petri Chrysologi serm. 40. [Nihil durum, nihil amarum, nihil grave, nihil lethale reputat amor verus. Quod ferrum quæ vulnera, quæ poena, quæ mortes amorem prævalent separare perfectum? Amor impenetrabilis est lorica, respuit jacula, gladios excutit, periculis insultat, mortem ridet. Si amor est, vincit omnia.] Huic addo Oppianum ex l. 2. Cyneg. v. 411. [Valide amor quantus est, quanta tua infinita potestas? Quanta cogitas, quantum imperitas? Quanta, dive, ludis? Terra est stabilis; telis autem tuis concutitur. Inquies est mare; at tu etiam illud

S. Pet.
 Chrysologi.

Oppianus.

illud fixisti. Penetrasti usque
in cœlum, novitque te ma-
gnus Olympus. Pertimescât
autem te omnia, & cœlum,
spatiosum supernè, & quæ-
cumque infra terram & se-
cula tristia defunctorum.]
Vide etiam Max. Tyrium,
Dissert. 10. n. 39., & Nazianz.
orat. 28. initio.

Quid est Aposiopesis, seu
Reticentia?

Cùm intrâ nos suppri-
mimus ea, quæ dicturi vide-
mur; quòd aut turpia, aut
invidiosa, aut aliòquin nobis
gravia dictu sunt; ut

Quos ego: sed motos præ-
stat componere fluctus.

Et:

Quamquàm ô! sed supe-
rent quibus, ô Neptune
dedisti.

Quid est Ethopæia?

Moralis Confictio. Hæc
figu-

figura differt à Prosopopeïa, eò quòd & ibi personas fingimus, quæ nusquam sunt; hîc certis quibusdam personis verba accomodatè adfin-
gimus, vel ad improbationē earum demonstrandam, vel ad dignitatem; ut (quid Sextus Nevius ad hæc? Ridet nostram amentiam, scilicet, cum ab eo officia boni viri desideramus. Et quemadmodum natus, inquit, quemadmodum educatus sum, memini, &c.] Legi semel Ethopēiam affabrè à sapientissimo quodā Oratore elaboratam, quam non inutile erit hūc transferre. Advertit in primis, cujus ac quantæ sapientiæ simul, ac excelsitatis animi oporteat esse Regem, qui non sibi regat (id enim esset Tyrannum agere) sed rectionem, in Subditorum bonum

di-

dirigat. Postea idipsum, quod de Rege multis ostendit, in Ignatii Societatis nostræ Institutoris laudem usurpat, & ait: [Perspicuum est, quod dico: subsumamus nunc & cogitemus S. Ignatium cum Societatem Jesu constituit, concepisse animo, universi Orbis terrarum propè depositi, & misere jacentis sanationem, sublevationem, informationem, & ad omne opus bonum exequendum, vegetationem: ad omne autem verum malum (quale unicum est, nimirum morale, judice Augustino lib. 4. de Civit. Dei c. 25.) directionem, Christianis bonis atque probatis consentaneam. Videbat Ignatius, cum affulxit ei lux de coelo, ad ineundum consilium quod dixi, quàm malè affecta esset Europa prope uni-

universa. Nam Lutherus, Zuinglius, Calvinus, & alia diabolicæ informationis ostenta, Germaniam, Poloniam, & conterminas oras miserè depravaverant. Anglia fidem Catholicam foedis libidinationibus Regis impii adacta ejuraverat. Scotiam, eadem gangræna corripuerat. Nec Galliaë parvum & confinibus Provinciis. Etiam in Italia & Iberia, fidei fermentatio per veteratores Sathanæ Emissarios clàm obrepebat. Fides Europæ magnâ parte varia & multiplex erat, contra Canones Grammaticos, quibus (ut concinnè notat S. Avitus fragm. 3. ex lib. contra Arrianos) nomen, fides, caret plurali numero, quia vera fides nonnisi una est; sicut non est Deus nisi unus, & multitudo Deitatis nul-

nullitas ejus juxta S. Athanasium, orat. contra Idola. Itaque sicut Deus, ut acutè notavit S. Augustinus lib. 13. de Civit. Dei c. 11., Signavit nobis, mortem declinari à nemine posse, quia verbum morior, juxta leges Grammaticas est indeclinabile; aliòquin dicendum esset, morior moriris, quod vetant Latinitatis Magistri; ita iidè negantes voci, fides, numerum multitudinis, providente Deo, insinuarunt unicam esse veram, & à Deo inditam fidem. Scindebatur tamen, ut aiebam, maxima Europæ pars, cum Ignatius erupit, in multas, easque diversissimas fides. Et cum ex Apostoli oraculo sine ulla unica vera fide impossibile sit placere Deo, & pertingere ad salutem; tangebatur tantam cladem

Hebr.
II. 6.

dem conspiciens Ignatius, dolore cordis intrinsecus. Neque tamen id unum fuit mœroris argumentum. Ubi fides pura & incolumis perstabat, restinctâ plerisq; locis ejus animâ, hoc est, charitate, quæ studio virtutum cæterarum, admodum languido, & perceptione divinorum Mysteriorum extra Pascha annotinum ferè obsoletâ, tabescere apud multos videbatur. Species illa præclara & flos vividus, benè constitutam valetudinem affectam deficiebat; atque adeò nonnisi lurida fidei forma obversabatur. De Africa à spurcis Saracenis, jam olim per Vandalos Arianos in Erebi fauces injecta: De Asia maximam partem, ejusdem calamitatis cladem jam olim perpeffa, & medici manum à multis sæculis frustra

strà præstolante : De ora Indica sive Eoa, sive multò magis Occidua, paulò antèriùs vitam veram, quæ in Christo est, nonnullis locis affecutâ, multò pluribus, necdum vitæ lucem adeptâ, quid attineret dicere, quantum commiserationis argumentum, consideranti tantam prostrationem Ignatio præbuerint. Nihil, vel prope nihil uspiam occurrebat, benè valens & sanum. Quid ergò? An despondenda relevatio tam attritæ valetudinis? An despondenda salus à tam latè fusa, tam inveterata, tam exacerbata ægritudine? Haud ita visum magno Medico de coelis provisò, quia magnus in terris jacebat ægrotus; ut ad Ignatium, per aliqualem & admodum diminutâ proportionem, verba Bernardi
de

de Christo flectam. Itaque
de admovenda tam diffusæ
tam malignæ ægritudini cu-
ratione, urgente eum Christi
charitate, cogitationem sus-
cepit. Qui tam vastum con-
siliū agitare animo potuit,
nec ad tantæ molis opus ex-
territus, ad executionem
suscepti consilii media ido-
nea conquistavit & adhibuit:
quantus animo, quàm por-
tentosæ intelligentiæ, quàm
infractæ fortitudinis, quàm
exporrectæ charitatis ac be-
neficentiæ fuit? Demirentur
alias ejus dotes alii. Ego, quod
à Ruffino l. 2. Vit. PP. c. 23.
de Ammonio proditum est,
in Ignatio præ cæteris ejus
ornamētis valere persuasum
habeo. Cū esset humilitate,
patientiâ, charitate in Deum
ac proximos, admodum exi-
miâ, ita ut ambiguum ha-
rere

rere posset iudicium, quæ in eo virtus præcipuè micaret; attamen visum est exploratum, primas sibi denique vendicasse Virtutū reginam Charitatem. Eam sanè Ignatius prodidit prorsus singularem in tam erecta voluntate ad gentes omnes, ad omnes status, ad omnes conditiones mortalium, curandas, & planè sancitate cumulādas &c.]

Quid est Emphasis?

Est, quæ altiore præbet intellectum, quam quem verba per seipsa declarant; ut, [jacuitque per antrum, immensum,] ubi ingentem illam corporis vastitatem ex loci amplitudine depingit. Et: [cui tota novem per jugera corpus porrigitur.] In sacris etiam Litteris non infrequens est hæc figura. Ut: *Homo natus de muliere*, Empha-

Virgil.

Job. 14.
I.

242 *Manuductio*

sim habet ly *mulier*, quam explicuit D. Gregorius, dicens : [Quid in se habet fortitudinis, qui natus est de infirmitate?]

1. *Tim.*

4. 15.

Item Apostolus ad Timotheum, *hæc* inquit, *méditare*; *in iis esto*. Unico verbo *esto* multa comprehendit: studium, curam, amorem, diligentiam & similia. Omnes quippe animæ vires, & omne tempus, cæteris omnibus prætermiſſis, in hoc uno esse voluit. Sic etiam cum Sal-

Matt. 5.

44.

vator ait: *Ego autem dico vobis: diligite inimicos vestros*. Ego scilicet, ego. qui exemplum huiusmodi dilectionis sum daturus è Cruce &c. Vehemens sanè incitamentum ad inimicos amore prosequendum.

Quid est Sustainatio?

Est, quâ diù suspenduntur auditorum animi; ut, [quid deinde? quid censeatis?

fur-

furtum fortasse aut prædam aliquam? Quid improbius?]

Quid est Prætermissio?

Est, cùm dicimus nōs præterire, aut non scire, aut nolle dicere id quod tunc maximè dicimus. S. Augustinus l. de mor. Eccles. c. 3 r. refellens Manichæos, & eorum vitæ incompositissimæ opponens vitam Sanctorum Anachoretarum, ac Cœnobaritarum; de prioribus, qui minùs poterant videri conducere Orbi terrarum, sic, per figuram præteritionis, statuit: [Nihil de hiis dicam, qui secretissimi penitus ab omni hominum conspectu, pane solo, qui eis per certa intervalla temporum affertur, & aquâ contenti, desertissimas terras incolunt, perfruentes colloquio Dei, cui puris mentibus inhæserunt,

August.

244 *Manuductio*

& ejus pulchritudinis contemplatione beatissimâ, quæ nisi Sãctorum intellectu percipi non potest. Nihil, inquam, de his loquar. Videntur enim nonnullis, res humanas plus, quàm oporteret, deservisse, non intelligentibus quantum nobis eorum animus in orationibus profit, & vita ad exemplum, quorum corpora videre non sinimur.]

Quid est Licentia?

Est, cùm apud eos, quos vereri, aut metuere debet Orator, tamen aliquid pro jure suo dicit, quod eos minimè offendat.

Quid est Concessio?

Est, cùm aliquid etiam iniquum videtur Orator pati, atque concedere, ut quæ deinde dicturus est, graviora videantur. Sic, ut disertissimus
mus

mus Philo lib. de Plant. Noc,
ostenderet, Dei per hominem
possessionem felicissimam,
sanè esse; cum quàm nullam,
quantumvis amplam & pin-
guem, terrenam possessio-
nem componere liceat, per
figuram Concessionis vita,
loquitur: [Eant nunc, & glo-
rientur qui condiderunt re-
gna imperiaque maxima.
Alii, quia civitatem aut re-
gionem, aut gentem unam
subjugaverunt. Alii, quia
tractus omnes terræ, ad us-
que ejus terminos: Græcas
barbarasque gentes, flumina
omnia, mariaque, quàm
multa, quàm magna sunt,
in potestatem suam redege-
runt. Etiam si præter ista, su-
blimem illam naturā (quod
vel dictu nefas est) quam so-
lam servituti non obnoxiam
Opifex condidit, sibi subje-

cissent: Tamen è plebejorum numero censendi essent, collati cum magnis Regibus, quorum hereditas Deus est. Quantò enim possessor possessâ re habetur potior, & opifex opere suo, tantò magis illi accedunt ad maiestatem regiam.]

Quid est Ironia?

*S. Cy-
prian.*

Est, quâ aliud verbis significamus, aliud re simulatè sentimus. Lege Ciceronem Orat. pro Ligario, & Act. 7. in Verrem. Audiatur S. Cyprianus, qui acri ironiâ invenitur adversus Pupianum, dum ipsum Cyprianum negaret Episcopum esse. [Nisi, inquit, apud te purgati fuerimus, & sententiâ absoluti; etiam sex annis, nec fraternitas habuerit Episcopum, nec plebs præpositum, nec grex Pastorem, nec Ecclesia Gu-
ber-

bernatorem , nec Christus
Antistitem , nec Deus Sacer-
dotem . Subveniat Pupianus
& sententiam dicat : judi-
cium Dei & Christi in aper-
tum referat , ne tantus fide-
lium numerus , qui sub nobis
accerditus est , sine spe salutis
& pacis exisse videatur .] Et
mox : [Annue aliquando &
dignare cogitare , imò pro-
nuntiare de nobis , & Episco-
patum nostrum cognitionis
tuæ autoritate firmare ; ut
Deus & Christus ejus agere
tibi gratias possint , quòd per
te Antistes & rector altari co-
rum pariter & plebi restitutus
sit .] Et paulò post : [Quare
in hunc scrupulum non in-
ciderunt Martyres , Spiritu
Sancto pleni , qui ad Cypria-
num Episcopum literas de
carcere direxerunt ? Nisi si
omnes isti communicantes

248 *Mānuctio*

mecum (secundū quod scripsisti) polluto ore nostro polluti sunt ; & si spem vitæ æternæ communicationis nostræ contagione perdiderunt .

Pupianus solus integer , inviolatus , sanctus , pudicus , qui nobis miscere se noluit , in Paradiso , atque in regno Cœlorum solus habitabit .] est etiam in sacra Pagina huius figuræ usus, ut Gen.3. 22.

Ecce Adam quasi unus ex nobis factus est . Quasi Deus Pater ad Filium & Spiritum Sanctum diceret : Voluit Adam nobis per esum pomi fieri similis ; en quā factus est dissimilis : voluit scire bonum & malum ; en in quale ignorantia barathrum corruit . Ita Gennadius, Theodoretus, & Rupertus . Vide alibi passim .

Quid est Distributio?

Est

Est, cum aliquid in partes plures distribuitur, quarum singularis ratio deinde sua subjungitur. Admirabilem hunc advoco locum S. Augustini in Psal. 140. ad illud: *Et non communicabo cum electis eorum*: ubi refellens sacrilegam illam peccati apud aliquos, fatum aut stellas causantes, defensionem, sic figuratè distribuens, ait: [& ista, Fratres mei, defensio qualium est? Non solum indoctorum, sed etiam doctorum. Sedent, & computant sydera, intervalla, cursus, volubilitates, status, motus. Intendunt, describunt, conjiciunt. Docti magni videntur. Totum hoc doctum & magnum, defensio peccati est. Eris adulter, quia sic habes Venerem: Eris homicida, quia sic habes Martem. Mars ergo ho-

S. Aug.

micida , non tu ; & Venus adultera , non tu . Vide , ne pro Marte & Venere tu damneris . Deus enim qui damnaturus est ; novit , quia tu es qui dicis , non ego , judici scienti . Porro ipse Mathematicus , qui tibi fabulas laqueorum tuorum etiam vendit , ut non vèl gratuitam , compares mortem ; (emis enim mortem à Mathematico pretio , qui contempsisti vitam à Christo , gratis .) Ipse Mathematicus , si Uxorem suam paulò petulantius viderit conversari , aut aliquos alienos improbè attendere , aut fenestram crebrò repetere , nonnè arripit , verberat , & dat disciplinam in domo sua ? Respondeat illi uxor , si potest , Venerem cæde : Nonne ille respondet : Fatua , aliud est , quod competit Rectori ,

tori , aliud quod profertur
emptori.]

Quid est Permissio?

Est , cū alicui rei ve-
hementer cōfidimus , & con-
cedere videmur alicujus vo-
luntati : ut , [sed ego jam ,
judices , summum ac legiti-
mum causæ meæ jus omitto
vobis , quod æquissimum vi-
deatur , ut constituatis , per-
mitto : non enim vereor ,
quin etiam si novum vobis
sit instituendum , libenter id
quod postulo , propter utili-
tatem communis consuetu-
dinis sequamini .] Eucherius
æquè sanctus ac facūdus Ora-
tor & Episcopus insigniter
versat hanc Permissionis fi-
guram , adhortans ad veræ
vitæ amorem , his verbis : [cu-
piditas vitæ nos delectatione
rei præsentis innexuit . Ergo
amantes vitam , hortamur ad

Cic.

*S. Eu-
cherius
ep. pa-
ren.*

252 *Manuductio*

vitam. Vera ratio est persuadendi, cum id poscitur, ut impetremus à vobis quod concupiscitis. Pro vità, quam diligitis, legatione apud vos fungimur: & hanc, quam omnes exiguam amatis, insinuamus ut ametis æternam. Quam quo pacto amemus, nescio, si non hanc quam amamus; esse quàm speciosissimam cupimus. Itaque istud, quod & arctum sit, placet; placeat magis, si potest esse æternum: & quod apud nos pretium habet, cum finem habeat, sit nobis suprà pretium, si potest esse sine fine.]

Quid est Deprecatio?

Est loquendi forma, quâ opem alicujus imploramus. Cicero pro Dejotaro. [Quâ ob rem hoc nos primùm metui, C. Cæsar, per fidem, &

Cic.

con-

constantiam, & clementiam,
libera; ne residere in te ullam
partem iracundiæ suspicemur.

Per dexteram te istam oro,
quam Regi Dejotaro hospes
hospiti porrexisti.] sed audi
Tubam Eloquentiæ celestis
Apostolum. Ipse ego Paulus

Eph. 4.

obsecro vos per mansuetudinem
Christi, qui in facie quidē humilis
sum inter vos, absens autem con-
fido in vobis. Rogo autem vos,
ne præsens audiam &c. Sic Di-

*1. Cor.
10.*

vus Chrysostomus, postea-
quam vehementer in eos in-
vectus esset, qui forores adop-
tivas domi fovebant, hac De-
precatione sermonem clau-
sit: [Oro igitur, & supplico
& ante genua vestra me pro-
volvo, & omnibus preces
offero, persuadeamini; & ab
hac ebrietate redeamus: si-
mus nostri ipsorum compo-
tes, & agnoscamus honorem,
quem

254 *Manuductio*

quem dedit nobis Deus; & Paulum clamantem audiamus: ne sitis servi hominum, & mulieribus servire ad communem omnium perniciem desinamus.]

Quid est Execratio ?

Cic.

Est, quâ malum alicui precamur. Cicero pro Dejotaro. [Dii te perdant, fugitive, ita non modò nequeam, & improbus, sed fa-

Job. 3.

tuus, & amens es.] Job : *Pe-reat dies, in qua natus sum; & nox in qua dictum est, conceptus est homo. Acris est & illa Didonis apud Maronem:*

Virgil.

Sed mihi vel tellus optem prius im a dehischat.

Vel Pater Omnipotens adigat me fulmine ad umbras &c.

Quid est Epiphonema?

Est rei narratæ vel probatæ summa acclamatio; ut,
Tan-

Tantæ molis erat Romanam condere gentem.

Bernardus serm. 3. de Pasch. explicans inimicitias & bellum, quod erga Deum exercet Peccator, ejusque propria voluntas, unica peccati parens, vitiique administra, inquit: [Porro voluntas propria quo furore Dominum, majestatis impugnet, audiant & timeant servi propriæ voluntatis. Primò namque seipsam subtrahit, & subducit ejus dominatui, cui tanquam authori servire debuerat, dum efficitur sua. Sed numquid contenta erit hac injuriâ? Addit adhuc; & quod in se est, omnia quoque quæ Dei sunt, tollit & diripit: Quem enim modum sibi ponit humana cupiditas? Nonne qui per usuram acquirit pecuniam modicam, simili-

Bern.

ter

256 *Manuductio*

ter mundum lucrari conaretur universum, si non deesset possibilitas, si suppeteret voluntati facultas? Dico fiducialiter, nemini, qui sit in propria voluntate, posset, universus mundus sufficere. Sed utinam vel rebus istis esset contenta! Nec in ipsum (horribile dictu.) descenderet Rectorem! Nunc autem & ipsum (quantum in ipsa est) Deum perimit voluntas propria. Omnino enim vellet, Deum peccata sua aut vindicare non posse, aut nolle, aut nescire. Vult ergo eum non esse Deum; quæ, quantum in ipsa est, vult eum aut impotentem, aut injustum, esse, aut insipientem.] ultimo hoc Epiphonemate concludit: [Crudelis planè & omnino execranda malitia, quæ Dei potentiam, justitiam
sa-

sapientiam perire desiderat.]

Quid est Exclamatio?

Quæ exprimit significacionem doloris aut iræ alicujus, per hominis aut rei cuiuspiam compellationem; ut, O longam sectionem! Eius igitur fastidiū fallamus dulcissima Exclamatione S. Ildesonsi Episc. ad Deum, cum enumeratione gratiarū, quas B. Virgini largiter contulit. Is libro de Virginitate B. Mariæ c. 2. in fine sic exclamat; [O virtutum omnium Deus! O creaturarum omnium Deus! O factor omnium Deus! O mirabilium author omnium Deus! Qui cunctis miraculis tuis, insignibus universis tuis, totis mirabilibus tuis, hoc factum, hoc opus, hoc gestum, hoc factum, miserationis thesauros aperiens, pietatis arcana demonstrans, indul-

S. Ildesonsi

indulgentiæ divitias referans,
clementiæ rivos emittens in
salutem meam , & mundi;
in redemptionem meam , &
mundi; in liberationē meam,
& mundi, fecisti sine loquen-
di ratiocinatione mirabile;
egisti sine rei exemplo singu-
lare; formasti sine compara-
tionis similitudine potentia-
le; complesti sine consimili
æquiparatione vitale; finxisti
sine intelligendi considera-
tione inæstimabile; sine obli-
vione perenne, sine defectu
stabile, sine interruptione ju-
ge, sine fine laudabile; per
quod error amotus est, per
quod languor ablatum est, per
quod peccatum deletum est,
per quod mors verè destructa
est; per quod eundi inveni-
mus viam, per quod assequi-
mur perveniendi veritatem,
per quod adipiscimur requie-
scendi vitam.] S E-

SECTIO VIII.

De Affectibus.

Quid est Affectus?
Est sentientis animæ
ex boni vel mali opi-
nione nata commotio.

Quotuplex est Affectus?

*Aristot.
D. The.*

Scholastici cum Aristo-
tele; 2. Ethic. & D. Thoma
1. 2. quæst. 23. undecim enu-
merant, sub quibus reliqui,
si qui sunt, comprehendun-
tur. Cum enim species boni
aut veri aut apparentis sese
offert, statim oritur in parte
concupiscibili amor; qui si
augetur, dicitur zelus. Se-
quitur desiderium, quod
cum est vehemens, vocatur
concupiscentia. Si bonum
est præsens, nascitur delecta-
tio; quæ si exterius exprimi-
tur,

260 *Manuductio*

tur, hilaritas, exultatio, júbilus dici solet. At si objicitur imago mali, adversus illud insurgit odium; si præsens adest, tristitia existit; quæ si est nimia, nuncupatur tædium; si retardat ab opere, accedia: si est de malo alterius, tanquam ad nos spectante, misericordia; si est de bono alieno, tanquam minuentem excellentiam nostram, invidia; si de malorum prosperitate, quâ putantur indigni, nemesis. In parte verò irascibili ex apprehensione boni ardui absentis procedunt spes & desperatio; ex opinione mali ardui absentis audacia & timor. Spes nimia in præsumptionem, audacia in temeritatem degenerant; Si timor oritur ex novitate rei, fit admiratio; si ex vehementi apprehensione imminētis ad-

veritas, fit perturbatio, quæ
postea desinit in stuporem,
angorem & anxietatem. Si
res quæ timetur superat vires,
fit ignavia & segnities; si ha-
bet adjunctam in se turpidi-
nem nascitur verecundia, si
in aliorum opinione, erube-
scentia. Si culpa metuitur
ubi non est, scrupulus nun-
cupatur. Cum verò malum
arduum jam instat, ira erum-
pit; quæ si crescit, in furo-
rem, & rabiem transit. Hæc
animi pathemata, hi motus
sunt: undè non infalsè cecini-
nit Juvenalis

Quicquid agunt, homi-
nes, votum, timor,
ira, voluptas,

Gaudia discursus &c.

Quænam est affectuum
sedes?

Cor humanum. Hinc
Aristoteles lib. 3. de Partibus
Ani-

*Juve-
nal.*

Arist.

Animal. cap.4. docuit, omnes animi passionēs oriri ex corde; [Cor enim, inquit, omnium partium primum consistens, sanguinolentum est; motus etiam lætitiæ ac tristiitiæ; denique omnium sensuum hinc oriri, eodemque desimere videntur.]

Quænam sunt affectuum instrumenta?

Spiritus, calor, & sanguis: & ad hæc instrumenta naturalia plerumque externæ causæ accedunt, ut Dæmones, unde affectus dæmoniaci: Quibus relictis nobis solum futurus est sermo de iis, qui humanitūs concitari, commoverique solent.

Quid spectandum est in iis, qui movent affectus?

Non est hominis cuiusvis excitare affectus: quippe donum Dei est. Sit igitur hæc

hæc prima conditio, ad bonos motus in hominum pectoribus accendendos, Dei videlicet moventis spiritus; & quò plus cum Deo commercii habuerint Oratores, eò in excitandis affectibus fore vehementiores. Sit ipsi concionatori flumen eloquentiæ, ut olim Demostheni; sit rivus, ut Isocrati; sit fons, ut Æschini: si tamen ipsi desit Spiritus Sancti ventus vehemens, erit *velut æsonans, aut cymbalum tinniens*; & quamvis ore tonet, nec animos flectet, nec voluntates auditorum permovebit. Quod si præsidia quoque humana spectemus, statuunt Rhetores, primam & omnium potentissimam in humanis rebus motus excitandi rationem, in similitudine affectuum esse positam. Quos enim impres-

fos

*Plutarchus in
Pericle.*

*I. Cor.
13. 1.*

fos habent motus Oratores ,
 eos faciliùs in auditorum pe-
 ctus transfundunt . Ardere te
 oportet , si vis incendere , tri-
 stari cum mæstis , cum lætis
 gaudere , cum iratis excande-
 scere . Secunda lex , quæ spe-
 ctari debet in Oratore , est Sa-
 pientiæ majestas . Tertia , vir-
 tus ; maximè verò sanctitas
 & justitia , vel etiam sancti-
 tatis & justitiæ opinio , quæ
 est *Christi bonus ille odor* , quo
 confragrabit Paulus *in omni*
loco . Nihil enim , maculosâ
 vel vitâ vel famâ , cum ho-
 minibus commodè geri po-
 rest . Sed de his suprâ satis .
 Quarta , authoritas dicentis
 dicentis , vehemens quoque
 animorum est incitamen-
 tum ; & ut amento jacula ,
 sic robustiùs authoritate di-
 cta vibrantur . Quinta , ætatis
 maturitas , cui honor & im-
 pe-

2. Cor.
 2. 15.

perium, naturæ ipsius calculo videtur attributum. Satis fuit, ut Plutarchus ait, Augusto ad tumultum inter nobilissimos juvenes excitatum, protinus compescendum, dixisse: [Audite juvenes senem, quem juvenem senes audiverunt]. Sexta, eloquentiæ vis acris, nervosa, incitata, non quæ primo impetu fidat, & collabatur, sed quæ, perpetuis innutrita rebus, crescat & foecundetur. Accedere oportet vocem, nervos, & latera, quæ contentionem illam ferant, & inardescentis animi veluti flammæ commodè sustentent.

Quid spectandum in personis, quæ movendæ sunt ad affectus?

Imprimis spectandi sunt Auditores, quos cupis per-movere, à quibus res, per-

M ma-

266 *Manuductio*

magnum pondus & momentum, dependet: qui cum naturæ ingenio plerumque junctissimi sint, varias quoque & multiplices sortiuntur affectiones. Cognoscendum igitur est ingenium. Secundò, educatio & consuetudo vitæ. Tertiò, sexus, ætas, conditio, habitudo corporis; & constitutio.

Quæ res ad motum adhibendum?

Valebunt primò rerum descriptiones, quæ acutissimè sensus intimos ferire solent. Secundò, non modò descriptiones, sed ipsæ penè nudæ rerum narrationes, in rebus maximè tristibus, sufficiunt ad modos eliciendos, modò cum eâ, quâ par est, fiant dignitate. Tertiò, figuræ, sententiæ graves, admirabiles, inflammatae; ut exclamatio-

nes,

nes, detestationes, conversiones, querimoniae, &c.

Quinam sunt affectus lenes, & violenti?

Illi quidem suaviter influunt; hi citato quodam impetu vibrantur. Videsis S. Fulgētium Episcopum Ruspensum; qui passim in sermonibus suaves affectus acribus immiscet.

Quomodo miscentur affectus?

Prout rerum, actionumque dissimilitudo postulabit, ita gratā affectuum disparitate miscenda.

Quæ sunt observanda in modo & ratione movendorum affectuum?

Primò captanda est occasio. Tunc enim feliciter cadunt Oratorum tali, cū eis locus & ratio temporis, cæteraque id genus famulan-

268 *Manuductio*

tur. Secundò, motus non debent intrudì ac videri quasi accersiri. Tertiò, nè corrumpantur eruditâ quâdam & reconditâ narratione. Quartò, argumēta debent esse mixta, & confusa, sapientique quodam errore vagari, ut videantur sine ulla artificii exquisitione comparata. Quintò, debent esse in affectibus crebræ, & vibrantes sententiæ: Sidit enim affectus diffusâ oratione. Sextò, in mitibus affectibus dictio erit mobilis & cita; sed tamen honesta & gravis, in vehementibus stylus erit, qui saxa devolvat. Septimò, ut nervi in cithara neque nimium intendendi, neque inentius remittendi, ita in affectibus procedendum. Octavò, magni motus sæpè exprimendi silentio. Nonò, non in sola peroratione (quam-

(quamquàm præcipuus est in eâ locus) sed per totam etiam orationem , ubi res postulat , diffundantur affectus.

Supereſt aliquid dicendum de Memoria & Pronunciatione . Sed Memoria ſolâ excutitur exercitatione ; de quâ nuper legi libellum dignum Authore ſuo ; penès Hiſpanos inſcriptum [Arte de la memoria .] Pronunciatio verò uſu potiùs diſcitur , quàm præceptis . Id unum moneo , ut ſit moderata geſtûs ac vocis temperies ; nè nimis actuoſa , nè crebris ſuſpiriis interpolata , nè in cantilenas deſinens ; nè narium aut gutturis organis modulans .

Quoniam verò de Affectibus ſermò proximè fuit , ſiſtat in iſtis affectibus hæc manu-ductio ; præſertim cùm hodiè naſcentis è ſterili Matre non

infœcundæ Virginis pervigilium illuxerit; illius, inquam, Virginis, cui cunctos cordis affectus devovere par est. Nè spernas igitur, precor, vectigal mentis meæ tibi gratulantis, & Hominum Parens & Regina, suis in foetibus tibi destinata. Gratulor, quòd tam mirè ederis in lucem, felix Puella, olim editura lucem, imò fontem ipsum lucis. Gratulor, quòd coeperis communem hanc haurire auram, sed non communiter, quia mox afflanda divinitus. Gratulor, quòd vitam acceperis, mox meliorem præstitura mortalibus, ut nō mundo, sed Numini vivant. Gratulor, quòd laberis ex utero, sed sine labe, imò candidior ipso lacte, quod sugis. Gratulor, quòd ipse, quæ te cingunt, fasciæ, inaugurent Regi-

gi-

ad Rhetoricen. 271

nam, ac Imperii tui sint insignia, non infantiae. Gratulor demum, quod tam faustum tibi coelitus obvenerit nomen; [cujus dulcedo (ut cum sapientissimo tuo Idiota loquar) reficit lassos, sanat languidos, illuminat caecos, penetrat duros, ungit agonistas, & jugum diaboli excutit:] Atque in cujus amoribus desidero totus vivere, totusque mori.

*Ray-
mūdus
Jorda-
nus vul-
go di-
ctus I-
diota.*

FINIS.



MAG 2021456

